Zeitschrift: Quellen und Forschungen zur Bündner Geschichte

Herausgeber: Staatsarchiv Graubünden

Band: 8 (1997)

Artikel: Nachbarschaft, Pfarrei und Gemeinde in Graubünden 1400-1600 :

Quellen

Autor: Saulle Hippenmeyer, Immacolata / Brunold, Ursus

Kapitel: Quellen Nr. 127-173

DOI: https://doi.org/10.5169/seals-939144

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. Mehr erfahren

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. En savoir plus

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. Find out more

Download PDF: 26.11.2025

ETH-Bibliothek Zürich, E-Periodica, https://www.e-periodica.ch

Nr. 127 16. Januar 1541

Rysch Marück, Richter am Heinzenberg, urteilt in einem Streit zwischen den Nachbarschaften Flerden und Urmein einerseits, und den Kirchenpflegern von St. Gallus in Portein andererseits, bezüglich der Pflichten des Pfarrers von St. Gallus den beiden genannten Nachbarschaften gegenüber.

Or. Pg., GA Flerden Nr. 24. Siegel des Gerichts Heinzenberg abhangend.

Jch Rysch Marück richter am Heintzenberg thun kundt aller mengklichen mitt disem brieff, das ich vff hüdt dato diß brieffs zu Sarn¹ amm Heintzenberg an gewonlicher gericht statt vß besonder empfelhens wegen des ersamenn vnd wysen Hans Lyffer amman amm Heintzenberg offenlich zů gericht gesessen bin. Komenn sindt da für mich vnd für das verbannetz gerichtz die ersamenn Jan Parpaun, Flysch da Gaflysch, Phlip da Gaflysch vnd Jan Chieny als verordnetten der zweven gmeinden vnd nachburschafften Flerden² vnd Vrmein³ mitt jerem mitt recht erlopten für sprecher juncker Gilli von Eerenfeltz⁴ vnd clagten hin zů denenn fürnämenn verordnetten kilchen vögten des lieben helgen sant Gallen zu Porthein⁵ vff meinung, wie sy ein eerliche kilch vnd sepultur zů Flerden habend vnd ein pfarrer zů Porthein sige von alter har vmhen kon allweg amm dritten sontag vnd all heilgen zwölff botten tag vnd allwegen den nächsten tag noch den fästen vnd an andren tagen me jm jar, des glichen wen einer gstorben was, so kamm allwegen ein pfarer vmhen. Jetzen ettwan lang so sige er nútzitt vmhen kon vnd sige jer kilchen gar ein ödy vnd wüsti worden, vnd darumb so vermeintend die cleger von jerer gmeinden wegen, das die kilchen vogt zu Porthein sollend jeren pfarer vmhen lon kon allweg amm dritten sontag vnd an andren tagen me jm jar wie von alter har, so wöllend ouch sy an der pfrund geben alß vill alß die andren zu Porthein noch anzall, oder aber lassend sy fry vnd ledig der pfar halb, so wöllend sy sich ouch halten, wie sy eß vermeinend zů geniessen, vnd wo sy somlichß wider sagen wöllend, wöllend sy eß an biderbalüdt zügen, vnd gabend also

¹ Sarn, Kreis Thusis.

² Flerden, Kreis Thusis.

³ Urmein, Kreis Thusis.

⁴ Ehrenfels, Burg, Gemeinde Sils i. D., Kreis Domleschg.

⁵ Portein, Kreis Thusis.

dem rechten zu erkenenn, ob das nitt beschähen soltt oder was recht wer. Do stund in das recht die eersamenn amman Wölffly Jan dyll Steffan vnd Jan Tschug alß verordnetten von des helgen sant Gallen wegen mitt jerem mitt recht erlopten fürsprecher Hans Jöri von Fürschnow¹ vnd sprachend, wie von alter har wir all vff Hohen Ryalten² zů der pfar gehörtt heigend, vß gnon Thusis³, da wåre ein ewige meß gstifft gsin, da sigend sy einß worden vnd Thusis ein pfar lassen sin⁴, vnd die andren sigend dem selbigen noch einß worden, all mitt einandren jer pfar zů Porthein han, wie woll ouch ein ewige meß gstyfft was zů Flerden. So heigend doch die artickell der Dryen Pündten⁵ die ewigen messen abgsteltt, vnd darumb so sőllend die cleger all sontag vnd zů andren zytten mer jm jar gen Porthein kon in der pfar vnd der pfarer sige jnenn nütt schuldig vmhen zgon, dan sy hörende all zů der pfar gen Porthein, die cleger glich alß woll alß die antwörtter, vnd wo sy sömlichß wider sagen wöltend etc. Vnd wartt alles zů recht gsetzt, was recht wer. Des fragt ich gnanter richter des rechtenß einer vrtheill vm vff den eydt. Noch clag antwortt redt wider[redt] noch frommer lütten sag vnd noch allem handell, so für recht komenn ist, gab vrtheill vnd recht, das der pfarer zů Porthein soll allweg amm vierden sontag im jar vnd amm ersten tag noch den grossen fåsten gen Flerden gon zů rechter zytt in dkilchen vnd da predigen vnd leeren das heilig göttlich wortt in somlicher form, wie er schuldig ist zu thun zu siner zytt in der pfar. Diser vrtheill begerten die cleger von wegen jerer zweyer gmeinden vnd nachburschafften Flerden vnd Vrmein ein vrkundt brieff vnd sigell von dem rechten, der jnenn in jerem costung vnder vnsers grichtz eigen jnsigell mitt vrtheill vnd recht zů geben erkendt wartt. Dem allem zů worem vrkund so han ich gnanter richter des rechtenß vnsers grichtz insigell offenlich an disem brieff gehenckt, doch mir vnd dem gricht vnd gantzer gmeindt on schaden. Der geben wartt in mittem jenner do man zaltt noch der geburtt Christi vnsers erlösers füinffzehen hundertt ein vnd viertzigosten jar.

¹ Fürstenau, Kreis Domleschg.

² Pfarrkirche St. Johann auf Hochrialt.

³ Thusis, Gem. und Kreis.

⁴ Die Kirche Thusis wurde am 21. Januar 1505 zur Pfarrkirche erhoben, vgl. Urk. Nr. 62 und 63.

⁵ Zweiter Ilanzer Artikelbrief vom 25. Juni 1526.

Nr. 128 16. März 1541

Die Nachbarschaft Ruschein teilt unter verschiedenen ihrer Nachbarn Widumgüter gegen einen ewigen Zins zugunsten der Pfarrpfründe auf.

Or. Pg., GA Ruschein Nr. 4. Auf Umbug: Die sum 22 gulden vnd 40 kr. Siegel der Gerichtsgemeinde Gruob abhangend.

Wir hienach benemmpten gantzen nachpurschafft von Ruschein¹ bekennen vnnd veriehen allgemeinlich vnnd vnuerscheidenlich nach dem all krefftigistenn, so das jmer sün sol kan vnd mag, vnd thun kunt aller mengklich myt vrkunde vnd in krafft dis brieffs für vns vnd all vnsser nach komen, dem nach durch menschlich gemut tödenlich abgang vnd hin schlichende zytt alt vnd vergangen sachen in vergesslikeitt komen, die aber geschrifflicher vnder richtung den gegenwirttigen welt nützlich lichtlich vnd one zwytracht ze vernemen vnd ze erfaren sindt, dar zu jn künfftigen zytten vnsser nach komen geschickt vnd wol bekant sin worden, des halb haben wir angesehen zum aller besten nutzs vnd ze ersparen müe vnd arbeit vnd spen kosten vnd schaden vns vnd vnssern nach komen durch vnsser aller seellen heil, so haben wir in gesetzt verfasset vnd mit ernst vnd flis ouch mit vnd durch rath gemeiner nach puren für genomen vnd beschlossen, da mit so haben wir die widen gütter vßgeteylt, vmb ein ewige zins versicheret vnd articuliert verbrieffet vnd versiglet wie her nach verffasset ist. Den selbigen trilich ze leben vnd nach komen anfenglich zu der eer gottes so habent wir dissem hie nach geschriben arttickel also vff gesetz wie es her nach luttet. Zum ersten so sol der zins geben werden einem kilcher, den wir gemeinen nach puren vff nemen, vnnd der selb kilcher sol vnns versorgen. Zum andren so haben wir den zins jn zwey teyl geteylt, den ersten teyl der psalig falt vff sant Marttis tag² vnd den anderen teyl vff vnnssernn frowen zů der lyecht meß tag³, den so migennt die, so das gůtt verzynssenn, vff ein jettlichen zyll den zins auß richten vnd geben den halben teyll mit den wag vnnd mit den qu[a]rtanen, wie es leyffig ist, vmb bar gelt vnd den andren teyl bar gelt. Zum drytten so ist es ein ewigen zins. Zum fyertten wen die zwey zyl der psallig komen sind, so ist vff ein

¹ Ruschein, Kreis Ilanz.

² 11. November.

³ 2. Februar.

jettlich zyll der psallig sin teyl den blumen verbotten vnd nach recht gelegen, vnd den so mag ein kilcher in zyehen nach lantz recht so dick es ze schulden kompt. Zum fünfften so mag der kylcher den zins jn ziehen vff die zwey zyl vnd tag wie obstått, das er sin nårig müge haben vor allen gwalt, so er des notturfftig ist. Zum sechsten ob einer sich psinte, das er den widen vff gen welte, so mag er den widen nit vff gen on sin vnder pfannd, dar vff dye wyden versicheret sind, vnd wen er vff gen wil, so sol er als mit einander vff gen, vnnd wen er vff gen hatt, so mügent wir gemeiner nach puren den selben wyden vnd sin vnder pfand an gryffen vnd ein andren nach pur lan vmb ein ewigen zins wie ob stått. Zum sybenden so sind soliche zins ab den güttern mit jeren anstosen wie her nach geschriben standt mit den meyerren vnd jeren namen: Anffenklich zum ersten so gytt Jan Derungs dry guldin vnd zehen kritzer vssert vnd ab zwey juchar acker Arra Tarmaus vnd ab fyer mal widen als by ein ander, stost morgenthalb an ander sin gutt vnd vnden vnd gen morgen an Jan Danthyeny erben gutt, vnden ouch an Kaspar Klau Kryst gutt, jn wertt an ander sin gutt, vff wertt an juncker Melcher gutt. Item Jacob Derungs gytt zwey guldin vnd zwentzig krytzer ab fier mal acker, das man nempt Schalerig, stost morgenthalb an Selm Pytschen gutt, gen myttag an ander sin gutt, gen abent an aman Mathyas vnd Kryst Parroyen gutt, oberthalb an wyden. Item aman Mathyas gytt XXXXV krytzer ab ein juchartt acker jn Dawaas¹, stost morgenthalb vnd vnden an ander sin gutt, jn wertt an Tsching Lucy gutt, oben an Jan Jasch gutt. Item aman Padrutt Selm gytt X krytzer ab zwey mal acker Ara Zappy, stost morgenthalb an Jan Grand gutt, vnden an Marttinn gutt, in wertt an groß Hans gutt, vnd oben gegen den weg. Item Kaspar Selm gytt zwen guldin vnd finffzehen krytzer vnd ein pfenig ab dyssem hie nach geschribnen gutter: ein stuck widen, das man nempt Planga Datawunia, stost morgenthalb an Selm Pytschen gutt, mittag an Kaspar Klau Krist ryett, gen abent an Gyly Jan Duff gutt vnd an Selm Pitschen gutt, oberthalb an Plasch Jan Tissientz gutt vnd an den weg, die gen Ladir² gatt, aber ein stuck Arra Kanagynas, stost morgenthalb an Jan Dantoiny gutt, mittag an weg vnd an aman Mathias gutt, gen abent an Krist Parroia gutt, oberthalb an Jan Jasch gutt, aber ein stuck Entafantanela, stost morgenthalb an Jery Biett gutt, gen mittag am den weg, die gen

¹ Davos, Gem. Ruschein.

² Ladir, Kreis Ilanz.

Sett¹ gått, gen abent an Jan Ragett gutt, oberthalb an Krist Paroien gutt, aber ein stuck Arra Prymairas, stost morgenthalb vnd gen mittag an Arbagost gutt, gen abent an Kaspar Klau Krist gutt, oberthalb an Klau Marquartt gutt. Item Martin Jannut gytt finff dicken pfennig ab den wyden Runsch sura vnd ab ein sin stuck acker by den wyden, stost morgenthalb an Breida gutt vnnd an Selm Pitschen gutt, gen mittag an Selm Pitschen gutt vnd Klau Murquartt gutt, gen abent Runsch gstyden, oberthalb an Selm vnd Stoffel Dumenig gutt. Item Jan Jasch gytt ein guldin vnda) dryssyg krytzer ab den wyden, das man nempt Fantanyala, vnd ab ein juchar acker dar by, stost morgenthalb an aman Padrutt Selm, gen mittag an Jery Byett gutt, gen abent an ander sin gutt, oberthalb an den weg, die man gen Sett gått. Item Steffan Darbagast gytt dryssig krytzer ab den ried, das man nempt Ara Palius, stost morgenthalb an Klau Marquart gutt, vnden an bach, gen abent an Jan Kannall gutt, oberthalb an Runsch gstyden. Item groß Hans gytt ein guldin vnd zehen krytzer ab den wyden vnd ab ander sin gutt by den widen, das man nempt Aeyrras Plounas, stost morgenthalb an Wengyntz, gen mittag an Dumeniget gutt, gen abent an Jery Kaspar Klau Kryst sun gutt, oben an Tsching Lucy gutt vnd gemein weidt. Item Kaspar Klau Krist gytt zwen guldin vnnd finff vnd dryssig krytzer ein pfenig minder ab dyssem stucken Arra Palius, stost morgenthalb an Jader Jan da Sawien² gutt, gen mit tag an bach, gen abenn an Jan Bassel vnd Selm Pitschen, gen abent an Jan Bassel gutt, aber ab ein krutt gartten vnd ein stuckly darby, stost morgenthalb an Klau Marquartt gutt vnd an Arbagast gutt, gen mit tag vnd oben an aman Mathias Derungs gutt, gen abent an Plasch Jan Thyssiens gutt, aber zwey mal acker, das man nempt Föpass Kumblas, stost morgenthalb an den bechly vnd an ander sin gutt, oben ouch an ander sin gutt, gen mit tag vnd gen abent an Gylly Jan Duff gutt. Item Jery Byett gytt zwey guldin vnnd zwey kryczer ab den wyden Sellya Lyunga vnd ab ein ander stuck dar by, stost morgenthalb an aman Mathyas gutt, gen mit tag an den weg, dye man gen Schlewys³ gått, gen abent an Jan Styer gutt, oberhalb an bach. Aber ab ein juchartt acker in sin gadenstatt, stost morgenthalb an Breyda Jan Gyger gutt, oben an allmein bys zu die dyrlly, vnden an ander sin gutt. Item Jan

¹ Siat, Kreis Ruis.

² Sevgein, Kreis Ilanz.

³ Schluein, Kreis Ilanz.

Kannall gytt füer guldin vnnd XXXIII ab den wyden Kaltzerong vnnd ander sin gutt dar by, stost morgenthalb an Kryst Paroia gutt, gen mittag an Jan Styer gutt, gen abent an Padrutt Pytschen gutt, oberthalb ouch an Kryst Paroyea gutt. Aber ein stuck wyden Arra Pallius, stost morgenthalb an Jan Steyer gutt, vnden an bach, gen abent an Tsching Lucy gutt, oberthalb an Jan Grand gutt etc. Item semlich zins ab den gutt wie ob statt habent wir nach purrenn von Ruschein also aynnem jettlichenn pfarherr oder lütt pryester, den wyr gemeinen nach purenn ann nement oder lyhenn der solichen pfarr vnd pfrundt zu versechenn vff rechtlichenn gesetzt geordnet vnd gebenn für vnnsz vnsser erben vnnd nach komen also, das er denn zins^{b)} bruchen nytzen vnd nyessen mag an vns vnd vnnsser erben vnnd nach komenn on jrrung vnd wyder ret. Wir söllent wöllendt jm da by hanndthaben, ob im jemant sich ersperren wölte den zins ze gebenn, so söllent vnd wölendt wir einem pfarrer bystanndt thun vnnd hylflich sin zum rechten, alß wytt in vnssern vermögen ist, da mit an denn gemelten zynns vnnd guotternn nüt ab gange. Vnnd des alles wie zyll vnnd margstein allenthalben wol vß wysendt mit steg weg grundt gradt in vnnd auß fartt mit wasser vnnd siner leytin mit wun weid mit allen zu gehörden nüt außgenomen noch hindan gesetzt. Vnnd der aller obgeschrybnen dingen zů warem vesten vnnd offenn vrkundt vnnd vm merer sycherheytten so hat der guwyg oder dorfft meyster in empfelhenntz vnnd jnn namen vnnd an statt gemeyner nach puren erbettenn vnnd gebetten dem ersamen vnnd fürnemen vnnd wysenn Jacob Rysch Nutt zu dysser zytte aman zu Jlanntz vnnd inn der Grub, das er der gemeint eygenn insygel offennlich gehennckt hatt an dyssenn bryeff für vnnß vnnd vnser erbenn vnnd nach komen, doch dem aman vnnd sin erben vnnd der gemeint onne schaden. Der geben ist in myttem mertzenn des jar do man zalt nach Crystus vnsser erlösser geburtt tussennt fünff hunndertt vnnd ein vnnd füertzig jare etc.

a) vnd irrtümlich wiederholt. - b) zins über der Zeile.

Nr. 129

Chur, 6. Oktober 1541

Ein Schiedsgericht urteilt im Streit zwischen der Nachbarschaft Müstair einerseits, und der Äbtissin und dem Konvent von Müstair andererseits, dass das Pfarrwahlrecht dem Konvent zusteht, der auch für den Unterhalt des Seelsorgers aufkommen muss, abgesehen von 14 Gulden, die die Pfarrgenossen ihm jährlich zu zahlen haben. Das Urteil hält zudem die Dienstpflichten des Pfarrers fest.

Or. Pg., GA Müstair Nr. 10. Siegel des Anastasius Betsch abhangend, Siegel des Hans Travers abhangend (beschädigt). Zweites besiegeltes Original im KlosterA Müstair, II/10. Druck: P. Foffa, Das Bündnerische Münsterthal, S. 164ff.

Khundt vnnd zu wissenn sey gethann menigklich, so disenn gegenwurttigenn spruch brieff vnnd ainigung ansehent oder hörent, das sich jrrung zuetragenn habent entzwischent den ersamenn vnndt weysenn der gantzenn gemaind vnnd pfarrmenig zu Münster¹ an ainem, auch der erwirdigenn edlenn vnnd gaistlichenn frawenn Katherinen Rinkin² eptissin zu Münster sambt jrem conuent doselbst anders tails. Erstlichenn hant obgemelte gmaint vnnd pfarrleut furbringenn vnnd antzaigenn lassenn, wiewoll von alter herkomenn ain yettliche eptissin zu Münster sambt jrem conuent habenn ain pfarrer do selbst (so offt das ze fellenn komenn) zu erwellenn fueg gehabt, habe denselbigenn auch mit aller notturfft der gmaindt an schadenn vndterhaltenn. So vermugenn doch die artickel yetz kurtzlich in Gemainenn Dreyenn Pünttenn gemacht vnnd auffgericht³, das ain yettliche gmaindt oder pfarrmenig selb gewalt vnnd macht habenn soll, jrenn pfarrer ze setzenn vnnd entsetzenn, so offt die notturfft soliche erfordret. In krafft der selbigenn artikel verhoffent sy, furhin ain pfarrer zu erwellenn macht zu habenn vnnd nit die fraw, aber den, so sy also erwelt habenn, solle gemelte fraw sein notturfftige vndterhaltung gebenn wie von altem herkomenn der gmaindt an schadenn. Sy habenn auch die kirchenn mit glockenn mesnar liecht mesgewandt vnnd aller zier vndterhaltenn, begerent, sy sollenn das noch thun. Dargegenn gemelte fraw vnnd conuent haben furbringenn lassenn, wie sy habenn von altem herkomenn mit guettenn rechten vnnd titel ein yetlichenn pfarrer do selbst zu erwellenn macht gehabt, dem habenn sy den tisch behausung vnnd pett gebenn vnnd nicht mer, das vbrig hab er von der gmaindt mit seelgret jartag bestatnus opfer vnnd anders zu seiner gnuegsamenn vndterhaltung gehabt, so wellenn sy noch thun, was von alter herkomenn sey, vnnd verhoffent, die gmaind sollenn zu irem tail auch thun, was von alter herkhomenn ist,

¹ Müstair, Kreis Münstertal.

² Katharina Rink von Baldenstein, Äbtissin des Frauenklosters Müstair 1533-1548.

³ Zweiter Ilanzer Artikelbrief vom 25. Juni 1526.

verhoffent auch also bey irer lehenschafft vnnd alten herkhomenn zu bleibenn vnnd daruon wider ir freyhait vnnd gerechtigkait nit gedrungenn ze werdenn, aber die kirchenn mit irer notturfft zu vndterhaltenn sey kain spann darumb nie gewesenn, sy welle darmit auch thun, was von alters herkomenn sey. Darwider aber die von der gmaindt geret, die fraw habe alle zehendenn aus dem gantzen tall eingehabt, daraus sy schuldig sey gewesenn, den pfarrer mit aller notturfft zu vnterhaltenn, habe auch dem pfarrer muessenn ain ross vndterhaltenn, die ferrenn als die zu Sandt Maria¹ vnnd Tschirffs² zu uersehenn, vnnd die weil sy etliche zehendenn verkaufft habe vnnd die andrenn noch einhabe vnnd die kostung der vnderhaltung des ross yetz vberhebt sey, so sulle sy pillich den pfarrer vndterhaltenn inen an schadenn. Herwiderumb die fraw anzaigenn lassenn, wie die zehendenn nit von des pfarrers wegenn an das gots hauss kumen sein, sunder gehörenn dem gotshauss zue in krafft der altenn stifftung, hant darumb vrbar vnnd ettlich brieff auf gelegt etc., mit mer wortenn hierin zu uerfassenn nit notturfftig. Sindt sölicher jrer irrung vnnd spen vber ettlich vorhin ergangenn aber nit angenomenn spruch auf die wirdigenn edlen vestenn vnnd furnemen Anastasien Betschenn pfarrherrenn zu Mals³ des hochwirdigenn furstenn vnnd herrenn herren Lucien erweltenn bischouenn zu Chur⁴ vicarien. Petren Bart pfarrherrenn zu Zutz⁵, Hansenn Trawersenn richter daselbst, Zachariaz Nut zum Teuffenn Kastenn⁶ obgemelts herrenn bischoffs hoffmaister zu Chur, alle vnuerschidenlich als freuntlich sprecher vnnd verainiger auf ain guette wall hinttergengig wordenn, doch iren vedes tails freyhaittenn rechtenn vnnd gerechtigkaittenn vnuergriffenn vnnd an schadenn. Darauf gemelte sprecher ain solichenn spruch gemacht wie hernach volgt: Erstlich so offt die pfarr ledig wiert, deshalb notturfftig wirt, ain andrenn pfarrer zu erwelenn, so sol die wall desselbigenn vnnd kirchen satz gedachter frawenn vnd irn conuent gentzlichenn zuestan, wie vor disem spruch vnnd von altem herkomenn gehaltenn wordenn ist, doch das sy ainenn erwellenn, der der frawen jrem conuent der gantzenn gemaint vnnd pfarrmenig

¹ Sta. Maria, Kreis Münstertal.

² Tschierv, Kreis Münstertal.

³ Mals, Vintschgau.

⁴ Lucius Iter, Bischof von Chur 1541-1549.

⁵ Zuoz, Kreis Oberengadin.

⁶ Tiefencastel, Kreis Alvaschein.

in der kirchenn vnndt ausserhalb mit raichung der sacrament, mit dem gotsdienst, verkundung des wort gots vnnd in ander weg mit der seel sorg taugentlich vnndt gewerttig sey, wie einem pfarrer ze thuen geburt. Er sol auch den gots dienst feirtag vnnd werchtag zu guetter fruer tag zeit, das die nachpauren gelegenlich darzue kumen mugenn, haltenn, namlich sumer zeit vmb sibenn vnnd wintter zeit vmb acht hur anhebenn ze guettenn trewenn vngeuärlich. Dem selbigenn pfarrer sol ob angezaigte gmaindt fur jre vorgemelte gerechtigkait zu gebenn schuldig sein alle jar vmb sannd Martinstag viertzehenn guldenn an abgang, darnach sol in die fraw mit aller gepurlichenn notturfft vndterhaltenn der gmaint an allen schadenn. Vnndt nach eröffnung dises spruchs hant der edel vnnd vest Lucius Ringk von Baldenstain gemelter frawenn brobst vnnd an irer stat vnnd in iren namen auch Caspar Dominick zu Münster an stat vnnd in namenn der gmaind den angenomenn stet vest ze haltenn bayd zue gesagt vnndt angelobt, auch obgemelte herrenn Anastasien Betsch pfarrherrenn zu Malss vnnd Hansenn Trawersenn als spruchleut an ir vnnd der andern sprecher stat vmb jer jnsigel zu stätter vestenn vrckhundt an disenn spruch brieff ze henckhenn gebettenn vnnd dawider in kainem weg nit ze redenn noch ze thun angelobt. Actum ze Chur am sechstenn tag octobris nach der geburt Christi funfftzehenhundert vnnd im ain vnnd viertzigistenn jar etc.

Nr. 130 Sils i. E., 24. Oktober 1542

Schiedsspruch eines vom Gotteshausbund bestellten Sondergerichts betreffend die Stiftung einer ewigen Messe in Sils i. E. und die Rückforderung des Stiftungskapitals durch die Erbberechtigten.

Or. Pg., GA Sils i.E./Segl Nr. 136a. Notariatszeichen und Schrift des Jacobus Biffrons.

In nomine domini nostri Ihesu Christi amen. Anno ab eiusdem carnali nativitate milesimo quingentesimo quadragesimo secundo inditione vero quintadecima, die autem vigesimo quarto mensis octobris. Cum esset quædam controversia inter infrascriptas partes per causam unius missæ perpe-

tuæ legatæ olim in vico Syllii¹ per quondam Iacobum Truschæ², pro qua controversia oratores communis Domus Dei congregati in publica dieta Churiæ³ habita anno suprascripto, die vero nono februarii, decreverunt unam iurisdictionem communis Domus Dei, cui iurisdictioni præfecerunt sapientissimum dominum Lucium Heim sub idem tempus consulem civitatis Churiæ, qui die suprascripto e commissione dictæ Domus Dei postulante parte actrice infrascripta venit ad Syllium una cum iuridicibus lectis pro eadem controversia disceptanda, qui iuridices fuerunt nobiles et prudentes viri Iodocus Alici iurisdi[cti]onis exterioris, Ianettus Falendæ de Scerano⁴, Blasius Iohannis Pansch de Vatzio⁵, Federicus Bonæ de Riamo⁶, ser Iohannes Pignettæ de Promotengna⁷, Iacobus Nuot Pitzen de Biuer⁸, ser Iachominus de Losijs de Puschlauio⁹, Hartmanus Iohannis Clo de Susio¹⁰, Iacobus Florini de Rammusio¹¹, Sebastianus Ian de Thuero¹² ministralis vallis Monasterii¹³, coram quibus sedentibus pro tribunali comparuerunt nobiles et discreti viri Nicolaus de Castromuro cum uno suo filio Iohanne, Iohannis Anthonii Uioland de Sculuo¹⁴, Iacobus ser Bernardi de Syllio, Mennus Spies nomine curatorio heredum quondam Auarnier, qui omnes agerunt pro se et nomine universorum heredum quondam Iacobi Truschæ et hoc cum domino Iohanne Trauers eorum omnium advocato, qui cum suo causidico Hartmano suprascripto per formam iuris ipsis concesso conquæsti sunt adversus viciniam Syllii dicentes qualiter suus antecessor quondam Iacobus Truschæ olim legasset quandam missam perpetuam pro salute animæ suæ in dicta vicinia, quam credebant æquum esse intercedente iure vigore articulorum Trium Ligharum¹⁵ abolendam et abro-

¹ Sils i.E./Segl, Kreis Oberengadin.

³ Chur.

² Die Pfründe wurde um 1489 errichtet (BAC, Rechnungsbuch des Bischofs Ortlieb von Brandis, 1480/91, S. 278). Jakob Truscha war Ende des 15. Jh. Pfarrer von Sils.

⁴ Scharans, Kreis Domleschg.

⁵ Vaz/Obervaz, Kreis Alvaschein.

⁶ Riom, Kreis Oberhalbstein.

⁷ Promontogno, Gem. Bondo, Kreis Bergell.

⁸ Bever, Kreis Oberengadin.

⁹ Puschlav, Tal.

¹⁰ Susch, Kreis Sur Tasna.

¹¹ Ramosch, Gem. und Kreis.

¹² Taufers, Vintschgau.

¹³ Münstertal.

¹⁴ Scuol, Kreis Suot Tasna.

¹⁵ Zweiter Ilanzer Artikelbrief von 25. Juni 1526.

gandam fore et obventiones et redditus eius missæ ipsis heredibus illius testatoris restitui debere. Quibus responderunt Iohannes dictus Pitzen, Zuia Gaudentius Ding, Alexander Zuia, Iohannes Anthonii Ianüsch, Iohannes Domeni, Iohannes Chrialaisch, Martinus Martinellæ, Federicus Ferrarii et alii complures convici et vicini viciniæ Syllii nomine omnis viciniæ Syllii cum suo causidico Federico Bonæ suprascripto per formam iuris ipsis concesso dicentes verum esse, quod multo tempore elapso dictus quondam Iacobus Truschæ vita decessurus reputando anteactam suam vitam et quod ex inope locuples factus esse in dicta vicinia Syllii et quod pleraque beneficia accepisset a suis vicinis tum etiam perpendens inopiam eius viciniæ in sacerdotio constituendo, memor acceptorum beneficiorum, volens se gratum æquumque præstare et iusticiæ satisfacere, suprema sua voluntate deliberato animo discreto iudicio iuxta suam coscientiam versus omnipotentem deum, quod et olim approbassent olim sui heredes, legasset et constituisset quoddam sacerdotium maxime necessarium eorum viciniæ, quod non abrogandum esset neque ullo iure articulorum hoc legatum violaretur. Quibus quæstis et responsis et aliis pluribus ab utraque parte obiectis et replicatis. Postremo precibus et persuasu præfatæ iurisdictionis aliorumque amicorum prædictæ utræque partes eam litem amicaliter et bona gratia transigendam et finiendam comiserunt arbitrio eiusdem iurisdictionis promittens utravis pars pro omnibus et singulis heredibus suis et coheredibus et vicinis et successoribus, quicquid dicta iurisdictio in dicta causa arbitrata fuerit decreveritve et præceperit, omnia et singula se observatura et ratihabitura perpetuo neque unquam ea de causa in iudicium ventura sub obligatione omnium suorum bonorum presentium et futurorum et etiam bonorum illorum quorumcunque nomine agunt. Quæ præfata iurisdictio die suprascripto considens ad dirimendam et finiendam suprascriptam litem utraque parte audita et recitato testamento illius defuncti et aliis pluribus scripturis de hac re celebratis et etiam lectis articulis Trium Ligarum et omnibus rebus perpensis consilio more solito prius habito et nomine domini nostri Ihesu Christi invocato, a quo cuncta vera iudicia et consilia descendunt, uno ore arbitrata est decrevit et præcipit, uti praedicta missa legata ex hinc sit et esse debeat perpetuo abolita et abrogata. Et omnes reditus obventionesque ea de causa legatos restituantur prædictis heredibus actoribus, excepta tertia parte illorum redituum et obventionum, quæ restare et spectare debet dictæ viciniæ. Quæ vicinia tenetur illos reditus erogare et dispensare in usum et subsidium pauperum et in alioquovis usu viciniæ disponere, prout ipsis vicinis æquum iustumque videbitur, pro suo iusiurando. Item illa donatio per dominam Balserinam plurii facta sit efficax et firma spectaturque ipsi viciniæ iuxta tenorem illius instrumenti. Item domus sacerdotii cum superficie et solamine cum stillicidiis esse debet ex nunc tota^{a)} viciniæ. Item ortus contiguus domui sit ex nunc illorum heredum. Item testamentum illius defuncti unacum ceteris scripturis eum confirmantibus ex nunc ruptum vanum et canlcellatum^{b)} esse debet. Item reditus preteriti adhuc exigendi vicinia exigere debet. Item omnes sumptus iuris, qui sunt circiter triginta quatuor coronatos, vicinia solvere debet. Actum in Syllio in domo prædicti Iohannis dicti Pischen, presentibus suprascriptis omnibus et aliis pluribus.

(ST.) Ego Iacobus Biffrons filius quondam Iohannis Bifrontis Samadensis apostolica auctoritate publicus notarius prædictis omnibus interfui eoque utraque parte me rogante michi mandatum fuit a suprascripta iurisdictione communis Domus Dei, ut hoc instrumentum arbitramenti scriberem et in publicam formam redigerem, quod scripsi et publicavi et in fidem omnium et singulorum præmissorum ita actorum me subscripsi et solito meo signo signavi.

a) richtig totæ. - b) richtig cancellatum.

Nr. 131 4. Oktober 1543

Das Gericht Oberhalbstein kassiert als Appellationsinstanz im Streit zwischen der Nachbarschaft Parsonz und den Nachbarschaften Salouf und Del bezüglich Verwaltung der Kapelle St. Bartholomäus in Salaschigns das in Riom gefällte Urteil und anerkennt das Urteil des geistlichen Gerichts von Chur aus dem Jahr 1508.

Or. Pg., GA Parsonz Nr. 25. Siegel der Gerichtsgemeinde Oberhalbstein abhangend.

Jch Gultier Khyminada amman ze Schweingen¹ beken vnd thon kunt offenlich mit dißem brieff für mich vnd all min nach khomen, das ich vff hüt siner dato offenlich ze Schweingen an gewonlichen gerichtzsstatt ze richten geßeßen bin. Do ist für mich ein gantzen verbanen gericht erschy-

¹ Savognin, Kreis Oberhalbstein.

nen der ersamen Toni Bartyn amman ze Presontzs1 jn namen vnd an statt dero gantzen gemäynt vnd nachpurschaft Presons vnd bracht für das gericht, wie die nachpuren von Salux² vnd Eell³ hettent sy die von Presons mit recht für genomen ze Ryambs⁴ vnd mit inen gerechtet alß von wegen ze regyeren dero cappellen oder kilchen dero lieben heylligen sanct Jnnocencii, Mauricii vnd Bartolomei vff dem berg Salaschyn⁵ vnd ouch eins meßmers do zu besetzen, vnd ein gantzen gericht ware vff dem stoß gangen, den spenn stoß vnd handell ab geßehen nach beyder partyen darthon anzåygung vnd benügung, darnach ein vrttall geben, welche vrtall inen denen von Presons gar schwer vnd vnlydlich wåre gsin. Dorumb hettentzs sy appelliert vnd die appellatz ware hie här gen Schweingen für min gericht nach vnsers landtz satzung erkent worden, vnd also begert der obgnanter Toni Bartin am mich obgnanter richter vnd gantzen gericht, wir soltent die appellatz mit vnsernn recht verckhen. Do bin ich obgnanter richter vff gstanden vnd mit dem gantzen gericht vff dem stoß gangen vnd habent den spenn stoß vnd handell abgesehen vnd abgeschowett nach beyder partyen genugsämlich anzåygung darthon vnd benügung. Darnach bin ich obgnanter richter mit dem gantzen gericht aber gen Schweingen khomen vnd ze richten geßeßen. Do håt man in gegen wirtikeit peyder partyen ouch in by weßen jro byståndt die klag vnd antwürtt ze Ryambs erloffen für mich vnd ein ganzen verbanen gericht bracht vnd erofnet. Wytter habent beydt partyen laßen zeügnus vnd kuntschaft dero warheit sagen brieffen gschrifften teütsch vnd latin leßen laßen, darnach die vrttall ze Ryambs geben vnd erkent eroffnet vnd dar mit mit vill wortten vnd reden zum rechten gesetzt. Item wytter han ich obgnanter richter beydt partyen vmb gfragett, ob sy genůgsämlich verhörtt sygent worden vnd sych benügent mit das, das sy zu dem rechten gesetzt hattentt. Do habent sy beydt partyen woll benügt vnd by dem laßen beliben. Do han ich obgnanter richter die rechtzs sprechern ein yetlicher do geßeßen vmb gefraget vnd ze erkennen geben by dem eydt, was recht sige. Do hat recht vnd vrttall nach klag antwürt redt wider redt zeügnus kuntschafften brieffen vnd geschrifften verhörung vnd nach alles das, das für recht khomen ist,

¹ Parsonz, Gem. Riom-Parsonz, Kreis Oberhalbstein.

² Salouf, Kreis Oberhalbstein.

³ Del, Gem. Salouf.

⁴ Riom, Gem. Riom-Parsonz, Kreis Oberhalbstein.

⁵ Salaschigns, Gem. Riom-Parsonz.

vnd mines obgnanten richters vmb fragt geben vnd erkent, wie die vrttall, der von dero von Ryambs geben vnd erkent ist worden, soll ab caß vnd todt sin vnd nützs gelten. Wytter hatt recht vnd vrttall geben vnd erkent, wie dero von Presons brieff vnd sigell, den sy habent von einem geisthlichen richter von Chur in latein geschriben, do sy gerechtet hant von dero cappellen wegen mit denen von Salux zu der zytten bischofs Orttliebs löblicher gedechnus do man zalt von der geburt Christi thußent finffhundertt vnd acht jar¹, der selbigen brieff sölle kraft han kräftyklich beliben jetzo fürhin vnd alwegen. Des vrttals begerttent die von Presons ein vrttall brieff, der wart jnen mit recht vnd vrtall erkent jn jro kosten. Des alles ze vrkunt vnd krafthabe so han ich obgnanter richter mit dem gantzen gericht erpetten vnd wber khomen den vesten vnd fürsichtigen Jan Corau vogt vff Ryamb, das er des commüns Sursatz² eygen insigell offenlich an dißem brieff gehenckt hatt, doch im vnd allen sinen erben dem gantzen commün vnd allen jro nach khomen, mir obgnanten richter dem gantzen gericht vnd all vnser nach khomen vnd erben one schaden. Der geben wart vier tag am ingendem octobers do man zalt nach Christi vnsers erlößers geburt thusent finffhundert dry vnd viertzyg jar.

Nr. 132 6. Juni 1544

Das Gericht Obervaz entscheidet in der Klage der Nachbarschaft Stierva gegen die von Mutten auf Aufbesserung der gemeinsamen Pfarrpfründe in Stierva, dass die ergangenen Urteile in Kraft bleiben sollen. Zudem muss jede Nachbarschaft bereit sein, für den Unterhalt des Pfarrers aufzukommen, wobei sie die Kosten dafür je zur Hälfte zu tragen haben.

Or. Pg., GA Stierva Nr. 25. Siegel der Gerichtsgemeinde Obervaz abhangend.

Jch Jann Zagrunet der zitt lanndt ammenn zu Ober Vatz³ bekenn mich offenlich vnnd thun kundt aler menglichem mit dysen brieff, das jch vff

¹ Urkunde vom 13. Oktober 1508 vgl. oben Urk. Nr. 66. Hier wird Ortlieb von Brandis, Bischof von Chur 1458-1491, mit Bischof Paul Ziegler (1505-1541) verwechselt.

² Oberhalbstein.

³ Vaz/Obervaz, Kreis Alvaschein.

hütt syner dotemm^{a)} durch beuelchnuß des würdigen gstyfft zů Chur¹ vnd ouch vnsers gmeyndt von Ober Vatz zů Ober Vatz ann gewonlichen gerichts statt zů rychten gesessenn bin noch formm des rechten vnd vnsers landts bruchs. Do ist für mich vnd für ain gantzen offnen verbanen gericht erschinen die ersamen wysen amen Rypel, Jory Dlegatrine vnd Jan dil Dona al dry von Stüwäs² jn namen der gantz gmeynt Stürwäs mit jren mit recht erlobt für sprächer Jan Zagrun von Vatz vnd clagten hin zů denen erberen lüten amen Jöry vnd Zetsch, beyd ab Muten³ ouch in namen der gantz gmeynt Muten vnd also gesprochen, wie die von Stürwäs vnd jren forderen mit die von Mut vnd jren forderen mit ainderen die kylcher Stüwas vff genomen hand vnd vff gestüfftet acht vnd drysig guldin einem pfarer ze geben. Yetzen in disen zit wer dar zů kon, das man kain pfarer nit vmb die rentze funde me, vnd vermeinten sy, das die von Muten sölten her ston vnd helffen ain pfarer vber komen, wy sy einen haben mögend, wann sy wend on einen pfarer nit sin, vnd wer es nit gnug die acht vnd drisig guldin, vermeynten, das die von Mut sölten her stan vnd helffen me geben alwegenn zhalb vnd zhalb, wie jren forderen heten ouch gethon, vnd also hin zů recht gesetz, was recht sy, ouch mit me worten die nitb) not thund ze melten etc. Jn den so sinds dar gestanden aman Jöry vnd Zetsch ab Muten in namen^{c)} der gantz gmeint Muten mit jrenn mit recht erlopten für sprächer Jacob Michel von Vatz vnd gabent antwurt vff die clagt, es wer war vnd nit mynder, das die von Mutt vnd die von Stürwäs die külcher mit ainanderen vff genomen hand vnd vff gestüfftet acht vnd drisig guldin, aber die külcher wer vor ziten nun ein kabele gsin vnd darumb so vermeinten sy nit witer schuldig sin ze genn noch helffen den acht vnd drisig guldin, aber sy weten wol ein finden darumb ja an brätykant, vnd so die von Stürwas wend ein meß pfaff haben, so lugen sy selber drumb, vnd also hin zů recht gesetz, was recht sy, ouch mit me wortn die not thůnd ze melten etc. Als den so han ich obemelt richter vff des rechten vmb gefroget ain yetlichen rechtsprächer do selbs gesessen sind besonders py jren eyd, was recht sey. Nach clagt antwurt red wider red vnd büterbe lüten kuntschafft vnd ales das, so für recht komen vnd gered ist, vnd noch mins des richters vmb frogen so jst es mit einem offen vrteyll vnd mit recht

¹ Domkapitel Chur.

² Stierva, Kreis Alvaschein.

³ Mutten, Kreis Alvaschein.

erkent also zum ersten, was vor hin vrteyll ergangen werend, die selben lans sy belyben jnn siner statt, wie ergangen sind. Wyter ist es mit recht erkantt, das die von Mut vnd von Stürwas sölen py ainanderen stonn vnd ain pfarer an nemen, wie sy einen haben mögend. Jst nit gnug an die acht vnd drisig guldin, so geben sy mer alwegen yetweders party das halb theyll wie es vor hin ist gsin etc. Vff dem hand die von Stürwas brieff vnd sigel von denn vrteyll vnd von dem recht begert vff jren costen, welcher mit recht vnd zu geben vnd erkenndt jst. Vnd des ales zu warem vrkundt vnd krafft habe wie ob statt so han ich obemelt richter durch beuelchnuß ain gantzen gericht von Ober Vatz des gerichts vnd comuns eigen in sigell offenlich an disem brieff gehenkt hat, doch im sinen erben des gerichts vnd comuns vnd jren nochkomen one schaden. Der geben ist vff den negsten fritag in brochet jm jar do man zalt von Cristus gebürt tusig fünff hundert fier vnd fiertzigisten 1544 jar.

a) = datum. – b) nit über der Zeile. – c) namen über der Zeile.

Nr. 133 27. Mai 1545

Hans Montonia, Landrichter des Grauen Bundes, bestätigt in der Appellationsklage der Vertreter der Pfarrkirche St. Gallus in Portein gegen die Nachbarschaften Flerden und Urmein das Urteil des Gerichts Heinzenberg¹.

Or. Pg., GA Flerden Nr. 27. Siegel des Grauen Bundes abhangend (beschädigt).

Jch Hanns Manthanyer² diser zitt lannth richtter des Grauen Pundt thůn kunth mencklichenn mit dissem brieffe, das jch zů Thruntz³ ann geuonlicher gricht statt offenlich zů gricht gesässen binn vff hüt sins dattum von wägen vnnd befelch där hopt herenn vnd sunderlichen von des rächten wägen. Kamenth alth fur mich vnnd offen gricht, alls äs mit där vrtel verbant was, die ersamenn wyssenn Hans Ragüt amenn ann dem Hainzenberg, amenn Volffly, Jann Zugätth alls verorneten där fpar^{a)} zů sannt

¹ Urteil vom 16. Januar 1541, vgl. oben Urk. Nr. 127.

² Hans Montonia, Landrichter des Grauen Bundes 1536/37, 1542/43, 1545/46.

³ Trun, Kreis Disentis.

Gallenn¹ mit jeren mit rächt erlopthenn fursprächer Gaudenntz von Lumrins² alltter lanth richter zu Thisenntis³ vnnd klagtten hin zu denenn kilchenn vögtt zu sannt Lienhart4 vnd guwygen baydenn gemay[n]denn Flärdenn vnd Vrmeynn⁵ vnd därenn nachpurschafft vff maynung, wie die fpar kilchenn syge aller dären dis halb Rins⁶ vs genomen Katz⁷ vor zitten vff Hochen Rialltthenn⁸ xinn vnd vonn danenn die fpar genn Purthienn zogen zů sant Gallenn, die fpar des gantzen Hainzenberg gestifftt vs genomen Thusis9 Priätz10 vnnd Zapinenn11, die habenn och sich von jnen geschaidenn, vnd die fpar sant Gallenn denenn funff dörffer bis vff hütigen tag vnerschidenlich belybenn. Damit so habennt sy die fpar vngetailth vnd och wyter ain ewyge mes zů Purthien vnd ayne zů Flärden gestifft kan, vnd do die mässenn vnder jnenn ab sy gestelt vorden, do sigennt kleger mit denen zwayenn obgenampten gemayndenn nyder gesässenn vnd iethlichem wyder kertt^{b)}, was är an somlicher ewyge mäs gäben kan het, vnd die von Flärden vnd Vrmein habentt aber jere ewyge mäs allain vs getailt vff denen, so sömliche mäs gestifft kann hetten, vnd dem nach die obgemelten gemayndenn die kilchen vögtt dar fpare sant Gallen mit rächt furgenomen vnd da rächthlichen erhept den fierten sontag vnd den ersten tag nach den fästen nach in halltt ains vrtells brieff, vnd vor hin so wär dar fparer nut schuldig xin ann kainem suntag gen Flärden zgann. Vnd sit sy alsso den fierten sontag mit rächt erhept habent, so vermay[n]ent sy die cleger an statt jerenn gemaynden, die fprunth zu sant Lienhartt solle och dar fpar zů sant Gallenn dyenen, sömlichs ann jnenn gůthlichen begart habe nit besächenn mugen onne gewalt des rächten vnd sy an dem Hainzenberg mit rächt fur genomenn, da innen ain vrttell ergangen, dara sich sy beschwärth habent vnd fur die ober hant gezogen vnd begärent an

¹ Kirche St. Gallus in Portein, Kreis Thusis.

² Gaudenz v. Lumerins, Landrichter des Grauen Bundes 1537/38, 1540/41, 1543/44, 1546/47 und 1549/50.

³ Disentis/Mustér, Kreis Disentis.

⁴ Kirche St. Leonhard in Flerden, Kreis Thusis.

⁵ Urmein, Kreis Thusis.

⁶ Hinterrhein, Fluss.

⁷ Cazis, Kreis Thusis.

⁸ Kirche St. Johann auf Hochrialt, Gem. Sils i. D., ursprünglich Mutterkirche des ganzen Tales

⁹ Thusis, Gem. und Kreis.

¹⁰ Präz, Kreis Thusis.

¹¹ Tschappina, Kreis Thusis.

mich lanth richter vnd gantz gericht, wier sollennt die zwo gemayndenn vnderuissen, das si somlicher kilchenn gut där dienenn lassen, damit vnd sy aynenn fparer dester bas erhalten mugenth, vnd vm gabne vrttel jnen wandel besäche, och mit vill mer vorten nit alles not ze schriben etc. Do student her fur obgenampten kilchenn vogtt sant Lienhartt mit namen Jan la Ragla, Flip Gamänisch, Jacob Gilly Flisch alls kilchen vögtt sant Lienharts vnnd verorneten vonn baiden gemay[n]den Flärdenn vnd Vrmein mit jeren mit racht erlopten fursprächer Vlrich von Marmels altter amen zu Lugnitz vnd gebent anthuurtc), es befromde sy ser där klag, vrsachen halb sy siegent vol kuntent die fpar gehore gen Purtienn, do gabennt sy schnitz vnd anders glich als wol wie die kleger vnd mer zächenda an somlicher fprunth dann sy, vnd sagent nit dar wyder. Sy heigent die ewyge mes zu Purthien geholffenn gestifften bäthlen vnd buuen alls wol äs sy, des sy danen genomen, habent sy och dar gestifft gehept, vnd die ewyge mes, so sy zů sant Lienhartd) gestifft, habennt sy innem die dri torfferl kain hilff daran, wan sy heigent äs vs jerenn aygen gutt gestifft vnd ärbuwen. Damit so vermai[n]ennt sy in namenn ieren zwaien gemainden, sy sygennt inen nit wytter schuldig von där ewygen mäse) kain renth nach gült zu gabenn, wann sotte die kilchen bu los wärdenn, so mustent sy vs dem ieren die kilchen erhaltten, vnd damit so heigent sy och am Hainzenberg mit racht sy fur genomen vnd die syegent vff den stos gezogen vnd alle ding nach nothurffth besichtigatt kunsschafft brieffen rodel alles nach nothurfft verlassen vndf) verstandenn, daruber ain vrtel gäben, by semlicher vrtel verhoffen sy nach hut by tag zů beliben, vnd och mit vil mer vorten nit not als zů meldenn. Vnd wart Jör Zug vff den stos begärt vnd das gricht daruff gezogen vnd besichtiget vnd zů rächt gesetz, vas nun rächt ware. Des fragett jch obgenampter richter ain vrtel vme ain jeden by sinem ayde. Vnd klag anthwurt redt vnd wyder redt brieffen rodell kunthschafften verhort vnd dem nach alles verstandenn gab rächt vnd vrtelg), sy heigent inen där klag geanthwurtet vnd lasent äs by där vrtel beliben, so herum am Hainzenberg gaben sy, des sy denen von sant Gallen nut schuldig sient vs sant Lienharts gutt zu gäben. Diser vrtel begerten die anthwurter ain vrkunth vom rächten, des innen vff ieren kostung zu gäben erkenth vnder des Grauen Pundt insigel. Vnd des zů wären vesten vrkunth so han jch obgenampter richtter des Grauen Pundt insigel haran gehenckth, doch mir dem

¹ Gemeint sind Portein, Sarn und Tartar.

rächten vnd gemaynen pundt vnschadlich. Gaben vnd besächenn am zwantzigosten vnd siben tag maiens im jar gezalt nach där mensch wardung Cristi thusent funff hundert fierzig vnd funff jare.

a) Gepflogenheit des Verfassers, der fpar anstatt pfar schreibt. - b) zurückerstattet. - c) anthuurt am Rande. - d) Lienhart über der Zeile. - e) mäs über der Zeile. - f) vnd versehentlich wiederholt. - g) vnd vrtel über der Zeile.

Nr. 134 1. Juni 1547

Vertreter der Nachbarschaft Masein teilen mit den Kirchenpflegern von Thusis die Zinse und Zehnten der Pfründe St. Johann auf Hochrialt.

Or. Pg., GA Thusis Nr. 50. Siegel der Gemeinde Thusis abhangend.

Wier dis hie nach benemtenn personenn mit namenn jch Marty Faltschär as ein kilchen vogt ze Matzein¹ vnnd jch Peter Murer as ein guwig ze Matzein wier verjachend vnd thuond kund måncklichem mit disem ofenen brieff, wie das wier von enpfålchnus der nachpuren von Matzein isa) empfolen hand, wier sellend zuo den kilchen vegtenn ze Thusis² gan vnd mit inen nidersitzenn vnd den zins, was sand Johans³ hat olt luted, ab theilenn vnd was den Matzeineren thrift an sand Johansenn zins, jer brieff vs gåben wårdy vf solichs. So sind wier gån Thusis komen zuo den kilchen vegten ze Thusis namlich zum Vlrich Honger vnd zum Vlrich Mug vnd hand inen den handel an getzeigt, wie is ein nachpurschaft ze Matzein enpfolen hat. Duo seind sey wol ze friden gesein vnd hand duo, was sant Johans fir zins rend vnd gilt [hat], in dry theil getheilt, vnd hand wier von Matzein ein dritenn theil genun vnd die von Thusis tzwen theil genun, vnd ist is von Matzein gethrofen tzåchen fiertel koren nach lut eins erblechen brieffs lutende von Klas von Paliew. Witer so ist is von Matzein gethroffen ein fiertel koren nach lut eins brieffs lutende von Thomen Pitschen, welche tzwen brieff die obgenanten kilchen vogt ze Thusis is von Matzein vs gån vnd zun jseren handen geleit hand vnd is jber antwurted hand. Item witer was sus, vs genomen der tzweien brieffen wie

¹ Masein, Kreis Thusis.

² Thusis, Gem. und Kreis.

³ Pfarrkirche St. Johann auf Hochrialt, Gem. Sils i. D., Kreis Domleschg.

oblutende, sand Johans luted zins rend vnd gilt, es sey in brieffen olt in redlenn, ist denen von Thusis gethroffen vnd sol inen zů geherenn, vnd migentz vnd solend die von Thusis fir hin in nåmen vnd dar mit schaffen handlen vnd thuon as mit anderem der nachpurschaft ze Thusis old der kilchen ze Thusis zins rend vnd gilt an is von Matzein vnd jser nachkomenden an als wider reden. Vnd sprachen sunder, selcher theilung vest vnd ståt ze haltenn jetz vnd fir hin vnd hin, das alles geschåchen ist mit wissen vnd willen der gemeind ze Thusis vnd ze Matzein. Vnd des ze einer waren getzeignus, alles, was obgeschriben ist, das da war ist vnd vest sol gehalten wården, so han ich obgenanter Marty Faltschår as ein kilchen vogt ze Matzein vnd ich Peter Murer as ein guwig ze Matzein wier bet vnverscheidenlich gebåten vnd erbåtenn den ersamen vnd wisen Hans Podrut von Rufriew¹ der zit amen in Thusner gericht, das er des gerichtz eiges insigel offenlich an disenn brieff gehenckt hat, doch im vnd seinen erbenn vnd dem gantzen gericht vnd komun on schaden. Der gåbenn ist im jar als man zalt von Cristus geburt thusig fuff hundert vnnd jm sibenvndfiertzigestenn jar vff jngåndem brachmonet.

a) = uns.

Nr. 135 17. Mai 1549

Weisung der Österreichischen Regierung an Peter Finer betreffend die Pfarrei Schiers.

Or. Pap., HHStA Wien, Staatenabteilungen, Schweiz, Konv. 1557-1549, fol. 288-289. Adresse: an Petern Finer. Rückseite: Pfarr Tschiers religion betr. Von w. künig Ferdinanden etc. an Petern Finer. 17. May 1549.

Wir haben dein schreiben am datis den 29. aprilis betreffent die pfarr zu Tschiers² vernomben vnd tragen deiner hanndlung ein genedigs gefallen, vnnd dieweil dann der ietzig angenommen pfarrer nunmer, wie du anzaigt, so der alten wahren christlichen religion anhenngig, so beuelchen wir dir, dz du ab jme auch den khürchen gepreüchen satzungen vnnd ordnungen

¹ Ruvreu, Gem. Cazis.

² Schiers, Gem. und Kreis.

haltest vnnd zu ennde deß jars darauf dann der pfarrer angenomen worden vnnd hieher zu^{a)} hannden vnnserer Oberösterreichischen regierung sein deß pfarrers thuen vnd haltens schrifftlichen bericht zueschreibest vnnd weiters beschaidts erwartest, daran thuestu vnnser mainung. Datum den 17. may anno 1549.

a) zu versehentlich wiederholt.

Nr. 136

Schiers, 12. Mai 1550

Peter Finer leitet der Österreichischen Regierung das Gesuch der Pfarrgenossen von Schiers um finanzielle Unterstützung ihrer Pfarrei weiter.

Or. Pap., HHStA Wien, Staatenabteilungen, Schweiz, Konv. 1550-1552, fol. 17. Adresse: Den wolgebornen edlen strengen hochgelertten vnd vesten heren u[wer] Ro[mischen] k[unigliche]n m[aiesta]t etc. vicestatthalter vnd regentten zu Insbrug minen gnedigen gebiettenden herrn.

Wolgebornen edlen strengen hochgelertten vnd vesten gnedig heren. Es hond die vnderthonen der kn. mt. etc. der pfarr Schierß¹ abermol gemerett vnd ettlich vermeint ain predicanten anzustellen, yst vm vyl dz mer bin der altten loblichen religion zu bliben, sy hond aber nun ain gut zitt kein priester ankomen mügen, die pfründ yst clein, bitten also mich, e[wer] g[naden] zu schriben vnd vnderthenig bitten, jnnen vm ain meß priester zu helffen, domit sy nach cristenlicher ornug mügen gregiert werden, vnd so sy ain geschickte erliche person möchtten überkomen, wolten die armen pfargnossen noch ir vermügen gern doran stüren vnd die pfründ meren, mit vnderthenigem byt, e. g. wellen ouch etwaß nach ir g[naden] gefallen gnedig doran stüren vnd geben, dz wellen sy zu dem vnd ain grosser gotz lon vnderthenig verdienen. Datum Schierß, 12. tag meyen im [15]50.

ewer gnaden gehorsamer diener Petter von Finer.

¹ Schiers, Gem. und Kreis.

Die Nachbarschaft Castrisch bestimmt nach dem Verkauf der Widumgüter den Zins aus der Alp Cavel für den Unterhalt des Pfarrers.

Or. Pg., GA Castrisch Nr. 30. Siegel der Gerichtsgemeinde Gruob fehlt. Druck: H. BERTOGG, Beiträge, S. 135-136.

Wir die geschurn von Kästris¹ Rysch Martyn vnd Jan Casper sampt vnszer dorffmeyster Ryschett alda vnd ein gantze nachpurschafft veriechent vnd thunt kunth allen mencklichem vnuerscheydenlich hie mit dyßem brieffe fur vns vnd all vnßer nachkomen wie wol dz ist, das alle menschen todtlich sint vnd sterben miessent vnd dz hie vff erdt nüt gwyssers ist dan der todt vnd nüt vngwissers ist dan die stundt des todts, so habent wir mit wolbedachtem mutt vnd alle ding angesechen die gforliche zyt vnd das wir nit wol köndent noch mögent sin an eynen hyrtten vnd verkunder des wortt gottes. Item so hant wir gmeinlich vor ettlichen jaren die dotolecia vnd guötter, einem pfarrer alda zu gehörig gsin, zerstörtt vnd verkaufft vnd an vnßeren nutz vnd frommen angwent vnd gleit, namlich an vnßere gmein alpen Gabels², vnd zů der zit eb es gescheche so sint wir vor hin eins gworden vnd råttig gsin, wo es her nach mangell wurtt sin an gut oder zinßen, dz wir nüt eynen pfarher dar vß möchten erhalten vnd bhan, so hetten wir gwalt vnd gut recht, ein rechten redlichen zinß schlachen machen vnd setzen vff vnßere gmein alpen Gabels oder vff denen, die es in handts handt vnd die selbige nutzent vnd bruchent, es syge lützel oder vyll, dar mit dz wir ein gschicken wolerfaren glertten vnd dapfferen man mit erhalten vnd gwinnen mögent, dar mit jungs kranck vnd alt sych eins semlichen versecher vndt verkunder des gotz wortt erfröwen gnüßen vnd erbesseren mögent, ouch dz her nach semlich stür zinß vnd pfrundt eynen pfarrer zu erhalten nütt vff armen lütten gschnitzt gsteigt vnd gleit werde vnd ertragen mießten. Vnd darum so verordnent vnd setzent wir ein ewige gült vnd zinß vff vorgmelte alpen Gabels wie vor gnant ist, es sige lutzell oder vyll, wie wir sin dan notturfftig wurden, es sige vber kurtz alt lang zytt, in die ewickait. Das hant allwegen die nachpuren zů Kåstris gwalt dar vber zu machen vnd ouch den louffen, wie sy einen versechen der gleu-

¹ Castrisch, Kreis Ilanz.

² Alp Cavel, Gem. Lumbrein, Kreis Lugnez.

bige gmeint mügent an komen vnd in vff nemmen. Die es in hendts handt nutzent vnd besitzent söllent geben weren vnd bezalen jerlichen vnd ains jeden jars allain vnd besonder vff sant Martis tag einem pfarher zu Kåstris oder wer dar zů verordnett wurtt, dz jn zů züchen, an alles wyder reden, vnd sprechen vnd vmb somlichs, dz wir des selbigen nit beroupt werdent, so handt wir all gemein nachpuren zů Kåstris vff genommen das zů erhalten vnd im trülich nach zů gan jetzen vnd in kunfftigem zů gůtten truwen vngeuarlich wir vnd vnßer nachkomen. Vnd deß alles zů warem vesten vnd offen vrkunth vnd merer sichårhaitt aller obgeschrybenn puncten vnd articklen so han ich Ryschett als ein guwig vnd dorffmeyster sampt vnßeren vorgmelten geschworen mit flis vnd ernst gebetten vnd erbetten den vesten fursichtigen vnd wyßen Hans Nuttlj von Vallendans¹ zů der zytte landt aman zů Jlantz vnd in der Grůb, das er der gmeint eygen insygell fur vnß vnßer erben vnd nach komen offenlich ghenckt hatt an dyßem brieffe, doch vorgmelten aman vnd gmeind an schaden. Der geben wartt an sant Mychels tag des jars gezalt von der geburt vnßers heylandts vnd erlößers Christi Jesu tusent funffhunder[t] vnd in dem funfftzigisten.

Nr. 138 1. Oktober 1550

Hans Buol, Landammann zu Davos, urteilt im Streit zwischen den Nachbarn von Arosa und denen der Höfe auf Prätsch und Maran betreffend Friedhof und Bestattungswesen in Arosa.

Abschrift aus dem Jahr 1791 im GA Peist. Druck: B. FISCHER, 500 Jahre Bergkirchli Arosa, Chur 1992, S. 138-139.

Nr. 139 17. November 1551

Der Landrichter Claus Fischer urteilt im Namen des vom Grauen Bunde bestellten Gerichts im Streit zwischen einigen Bewohnern von Falera und anderen aus ihrer Nachbarschaft, dass alle männlichen Nachbarschaftsmitglieder über 14 Jahre das Stimmrecht bei der Wahl eines neuen Pfarrers haben sollen.

¹Valendas, Kreis Ilanz.

Jch Claus Fischer¹ der zith lanthrichter des Obren Grauen Punth thun kunth meinklichen mit dissen brieff, das ich zu Thruntz an gewonliche gricht stat offenlich zů gericht gesessen bin in namen vnd von wägen där hopt heren ouch gemeinen puntz vnd sunderlichen von des rächten wägen. Kam alda für mich gantz verbannen [gericht] die ersam wyssen Mathias dill Gilly, Paul Thönny vnd Thomma Galancka sampth ander von Vallers², die inen by stanth, mit ierem mit rächt erlopten fürsprächer Martin von Gabaltzar³ allter lanthrichter vnd amen in Lugnitz vnd klagthen hin zů die fürnemen wissen Mathias Kientz, Jacob Gapat sampth ander von Vallers, so inen by stanth, vff mainung, wie sy kainen sell sorger heigenth vnd sich billicher wis beräthen in ier gmainth ain andren nach zu warben, där jung vnd allth där nothurffth nach das gots wort inen verkünde vnd luth där hellgen kristenlichen kirchen sich^{a)} witer versäche, wie sy nun zů somen där halben sienth komen zu gmainden, ob sy von ainem mes pfaffen, där inen das gots worth ouch verkünde vnd nach alten^{b)} bruch sy versäche, oder ainen predikanten dingen wellenth. Vnd soll nith von iedem vür statt nun ainer vnd nit mer meren, des sy fasth beschwärth, wan ainn pfaffen bedürffe ain ieder, vnd vermeineth, wellicher fierzechen jar ålt vnd darob sy, där müg hellffen richter vnd gricht setzen, nach vill mer soll är auch nach siner sellikait der sell einenn pfaffen hellffen dingen vnd mit siner stim annemen, wan in ethlichen ghuser sienth fier oder fünff starck raiserbar maner, die mustenth also aigen sinc) vnd mochtenth nit wie ander gellten. Daruff habenth sy inen rächt bothen vnd ier wyder parth sy vnder iere stab rächthlichen vür gnomen. Da sy inen ain vrtell ergangen, die sige fasth beschwärth, begärenth an mich lanthrichter vnd gantz gericht där oberhanth, man söll vm gäbenn vrtell billichen wandel besächen, vnd wo sy hie wider sagen wellenth, wenth sy das wissen wär machen wie recht sy. Da studenth her für die ersamen Mathias Kientz vnd Jacob Gapat in ierem vnd ander von Vallers namen mit ierem rächt angedingthen fürsprächer Johannes Flurin amen zu Thysentis anthwurth, sy befrömth där klag, vrsach halb wie ier pfaff mit todt abgangen sy, habenth sy ain gmainth^{d)}

¹ Claus Fischer, Landrichter des Grauen Bundes 1551/52, 1575/58, 1563/64.

² Falera, Kreis Ilanz.

³ Martin von Cabalzar, Landrichter des Grauen Bundes 1541/42, 1544/45, 1553/54, 1559/60, 1562/63.

samlen lassen ainem ain andrenn nach zu wärben, des ersten ein vnfrag besächen, wie sy meren wellenth, da das mer vnder inen worden, wie von alter här, vnd vff den tag seigenth ethlich nachpuren brosten, do ain andren tag bestimpth, wie sy zum andern mall sienth zů samen komen, sy Mathias Kientz des ersten angefraget sin mainung, grat daruff sy Mathias Gilly vnd Paull Thöni her für gstanden vnd inen rächt bothen, heruff das rächt vnder ieren ordelichen stab in där Grub brucht, die nun kunthschaffth vnd anders alles aigenlich vnd wol verstanden, heruff ain vrtell gaben, by dären sy billichen zu blyben verhoffenth. Vnd nach klag anthwurth redt vnd wyder redt ouch den vrtells brieff in där Grub gaben mit ethlich kundschaffth darin begriffen sömlichs alles nach begärung baider parthien gnugsamlichen verhörth verlassen vnd ouch verstanden, heruff fragett jch obgenempter lanthrichter ain ieden ainer vrtell vm by synem ayde. Vnd miner vm frag nach gab vrtell vnd rächt, sy sollenth des pffaffen halb mit ain andren gmainden vnd was fierzechen jar vnd darob allth sy mans bilth müg ouch meren vnd was dase) mer vnder innen würth, dem selbygen sollenth sy nach komen. Disser vrtell begärthenth die kleger brieff vnd sigell, des inen mit där vrtell vnder vnsers puntz secret insigell zu gäben erkenth warth. Zů vrkunth aller vnd ieder obgeschribnen dingen hab ich obgenempter lanthrichter vnsers puntz secret insigell offenlich heran gehenckth, doch mier dem rächten gmainem punth vnd minen erben vnschädlich. Warth gäben vnd besachen an sant Florinus tag in jar gezallth nach där mensch wärdung Cristi thusenth funff hundert funffzig vnd ain jare.

a) richtig sy. - b) alten über der Zeile. - c) aigen sin irrtümlich wiederholt. - d) korrigiert aus gmainen. - e) das irrtümlich wiederholt.

Nr. 140 20. Februar 1554

Befehl der Österreichischen Regierung an Hans Khuen, Pfleger zu Nauders, in Tschlin die katholische Religion wieder einzuführen.

Abschrift Pap., HHStA Wien, Staatenabteilungen, Schweiz, Konv. 1554-1557, fol. 272. Adresse: An Hannsen Khuen pfleger zu Nauders. Rückseite: Copj beuelchs von Oberösterreichischer regierung abganngen an Hannsen Kuen pfleger zu Nauders, de dato 20. february anno 1554.

Edler vester lieber freundt, vnnser freundtlich dienst zuuor. Wir haben aus ainem schreiben, so ir eurem herrn vattern vom 15. tag diß monaths gethan, vernomen, wie sich die vnnderthonen zu Schleins¹ vnnderstannden vnd ir khirchen geplündert, die tafl daraus gerissen vnd dieselb dem Jacob Jarren vmb vierzig gulden verkhaufft, welche volgendts weitter zum thail gen Mals² vnd zum thail gen Prutz³ ob zwayhundert gulden verkhaufft worden. Verrer innhalt desselben schreibens, welches wir dieweil zu Schleins vil herrschafft leüth wonhafft anstat kü. mt. nit zu khlainem mißfallen empfanngen. Darauf ist vnnser beuelch an euch, dz jr allen fleis ankheret vnd höfliche weg suechet zu erhalten, damit die ermelten von Schleins widerumb die alt war christenliche religion annemen vnd die verfüerische leer zu hail jrer selen vnd gehorsami der obrigkhait widerfallen lassen oder, wo es ye nit zuerhalten, alßdann aber mügliche fürsechung thuet, damit solche verfüerische secten sich nit weiter in kü. mt. obrigkhaiten einreissen. Vnd insonnderhait sollet ir euer guet khundtschafft machen, wo die Schleinser oder andere etwo jre haimbliche conuenticul vnd zusamenkhunfften bey den herrschafft leüthen haben vnd die verfüerischen leren ausgiessen, damit dieselben alles ernsts abgestalt vnd khains weegs geduldet, sonnder die herrschafft leut darumben der notdurfft nach vermüg der ausgangnen mandata dannacht mit beschaidenhait vnd nach gelegenhait der personen gestrafft worden. Daneben sollet jr auch als für euch selbs vnd nit aus vnnserm beuelch bey den herrschafft leuthen alles fleiß, souil jmer miglich, verhietten vnd abstellen, damit sy den gottshaus leüthen jre güeter weder verkhauffen vertauschen noch in anderweeg zuestellen vnd dise sach in gehaim erhaltet, daran thuet jr vnser ernstliche mainung. Datum 20. february anno 1554.

Nr. 141

Vicosoprano, 26. April 1554

Das Gericht Obporta urteilt im Rechtsstreit zwischen den Nachbarschaften Castasegna und Soglio, dass die zwei Nachbarschaften in Religionssachen gemäss ihrer Vereinbarung getrennt sind und dass die von Soglio

¹ Tschlin, Kreis Ramosch.

² Mals, Vintschgau.

³ Prutz, Bezirk Landeck, Tirol.

die Güter der Kirche St. Laurentius in Soglio für ihren Prädikanten verwenden dürfen mit der Bedingung, dass die von Castasegna die Predigt in Soglio besuchen können.

Or. Pg., GA Soglio Nr. 169. Notariatszeichen des Johannes Niger Menuseus à Castromuro. Zweites Or. in italienischer Sprache im GA Castasegna Nr. 22.

In nomine domini amen. Anno eiusdem millesimo quigentesimo quinquagesimo quarto, indictione duodecima, die vero iovis vigesimo sexto mensis aprilis. Pro tribunali sedente valido Jacobo Corn de Menuseis à Castromuro tunc temporis ministralis de Supraporta coramque eo et iuratis Thomaschino de Montatzsch¹, Joanne Petri Farair, ser Joanne Donanna à Stampa, Laurentio Vasal, ser Bartholomeo condam ser Jacobi Pitzschen à Stampa et ser Rodolpho Zambra à Prepositis subrogato in loco, ser Joannis Tamang, Joanne dictus de Solio² à Prepositis, ser Gaudentio à Castromuro, Antonio Dintôni, Joanne condam Alberti Janôla et me Joanne Nigro notario subscripto comparuerunt ser Fridericus condam ser Antonii ser Friderici, ser Gaudentius Oliverii ambo à Salicibus cum Petro Muttal et quibusdam aliis agentes prout dixerunt vice et nomine totius vicinitatis de Castasenia³, qui cum me notario supra et subscripto eorum prolocutore planctum duxerunt contra et adversus comune seu vicinos de Solio exponentes, qualiter in feriis natalis domini in festo divi Stephani⁴ de anno preterito in domini anno 1553 in Solio latum fierit quoddam plebiscitum, in quo facta fuerit quedam partita comunis, in qua decretum fuit, quod illi de Solio possint tenere unum evangelii ministrum ad eorum de Solio proprios sumptus et impendia et sine aliquibus damnis eorum de Castasenia, et similiter quod ipsi de Castasegnia, si velint, possint etiam tenere unum ad eorum sumptus. Itaque illi de Solio conduxerunt predicatorem unum secundum eorum voluntatem iuxta partitam comunis sine interventu illorum de Castasegnia, quoniam iuxta plebiscitum, de quo supra facta est mentio, facere potuerunt. Cum autem ad eiusdem contionatoris salarii solutionem perventum est, ponunt manus ad bona ecclesiæ sancti Laurentii, videlicet in vaccarum ficta et alios dictæ ecclesie reditus ad paramenta calices et ad alias

¹ Muntac, Gem. Stampa, Kreis Bergell.

² Soglio, Kreis Bergell.

³ Castasegna, Kreis Bergell.

⁴ 26. Dezember.

huius ecclesie similes res et etiam in fictum Sagniagniæ, que inquam ecclesia cum eiusdem premissis pensionibus et rebus sit eque eorum de Castasegnia secundum eorum portionem atque illorum de Solio, quoniam sint simul unum comune et semper fuerunt sunt et erunt. Attamen expediunt eorum predicatoris salarium ex dictæ ecclesię rebus et redditibus, usque adeo fictum illarum rerum pertingere potest, quod non est conducere ministrum ad eorum de Solio propria impendia secundum partitam comunis de qua supra, sed usurpant illas res et pensiones ad eorum de Solio proprium et separatum comodum, subiungentes illi de Castasegnia æquum et iustum fore, dictæ res et redditus cedere debere in totius comunis comunem usum et non ad illos de Solio ab ipsis de Castasegnia separatim. Aderant ibidem ser Augustus à Salicibus, ser Antonius condam Joannis Scker à Salice, Joannes Alberti de Faschadis, Gubertus Dotta cum quibusdam aliis agentes omnes nomine totius viciniæ de Solio cum Tomaschino de Montatzsch eorum prolocutore, qui responderunt dicentes verum esse, quod latum fuisset quoddam plebiscitum, prout actores exposuerunt, attamen non peiorando iura comunis, et quod ipsi de Solio stent conventis et servant partitam factam et quod ea conventio sit ita intelligenda, videlicet quod fictum vaccarum et aliæ dictæ ecclesiæ pensiones calices et paramenta et, si que sunt, res huiusmodi alie adiudicate erant ad religionis ministerium, quod agebatur in dicta ecclesia sancti Laurentii in celebrandis missis et aliis cerimoniis peragendis, quibus sustentandis prefate intrade non sufficiebant usui administrationique eorum adeo, ut ipsi de Solio et illi de Castasegnia omni anno subveniebant cum lignis, dabant enim unum fascem lignorum pro singulo foco tum nummis, videlicet unum quoddam tot nummorum pro persona, prout discretio ferebat, et cum aliis gravaminibus, quæ notanda ob brevitatem omisimus, de quibus vero particularibus subventionibus illi de Castasenia eo plebiscito exentes et liberi facti sunt, hoc erat, quod eiusmodi partita et conventio ferebat, quod quæque pars deberet et posset suis impendiis et sumptibus tenere ministrum et sic credunt dicti de Solio ad premissa respondisse sufficienter, cum sit quod illa conventio seu partita quadam technea) et arte factionis evangelicæ contra illos (ut dicitur della messa), qua clandestina arte facta fuit separatio, ut illi de Castasegnia ab ipsis de Solio, ut misse (prout actum fuit) valedicerent, ad habendum religionis evangelicæ ministrum separarentur. Si eo die universe plebi illud stratagema notum fuisset, certe illi de Castasenia ad hunc usque diem administrarent particularibus subventionibus in lignis et aliis

adminiculis ferendis, de quibus facti sunt liberi et exonerati. Replicaverunt actores, quod non volunt peiorare iura comunis et quod velint stare iuribus comunis in omnibus, sed quod ipsis cum partita addictum est, illud credunt posse obtinere et eo uti frui et gaudere. Adiungens ser Gaudentius Oliverii dixit, se eo die, de qua supra facta est mentio, nomine vicinitatis Castaseniæ in Solio coram toto cumuni in loco, ubi dicitur Lo, comparuisse et ibidem petitionem illorum de Castasegnia exposuisse, videlicet quod comune de Solio deberet recordari ad tenuitatem viciniæ de Castasenia et eam solvere ab illis oneribus, quæ ferunt in subventionem eorum sacerdotis, et ea vice illi de Solio consilio seorsim habito responderunt, quod circa religionem illi de Castasenia stare possint separatim et ipsi de Solio velint habere predicatorem sine impendio ipsorum de Castasegnia et si velint possint facere similiter, offerentes dicti actores verum facere si rei negare velint. Item fictum Sagniagniæ sit factum eque per eos de Castasenia atque per illos de Solio, quod etiam cum scripturis producere velint. Quo autem ad illud prout supra per reos imputatum clandestinum consilium, ut missæ renunciaretur, vicinia de Castasenia illius prorsus ignara tum fuisse. Respondit ser Augustus Salix permittens prius enarata sic manere et quoad fictum Sagniagniæ velit credere ser Friderico de Castasenia, quod ipse nomine sue vicinie renuntiaverat, quoniam multum litigatum fuerat et multa causa dictæ Sagniagniæ impendia facta erant, quapropter nolebat neque partem neque artem, credens propterea talem censum de Sagniagnia ad eos de Castasenia non pertinere, et si illi de Castasegnia obtinerent quod nunc petunt, orirentur quottidiane contentiones nove dissidie et litigia recensia, nunc ecclesia nunc campane nunc hoc nunc illud essent dividenda et subsequeretur continua et perpetua dissentio. Responderunt actores, si ser Fridericus dixisset aliquid, dixerat de suo marte, et quod videatur investitio Sagniagniæ, in qua apparebit, si Castasenienses habeant partem nec ne et si superdedissent eorum iura. Ad illud vero quod fierent nove divisiones, si hoc obtinerent, dicunt, quod non sint neque erunt, ut separationem faciant aut petant in aliquo de ecclesia campanis aut de quacumque re, quæ comunis sit, neque de fictis aut rebus ecclesiæ, sed solummodo, ut cedat in eorum de Castasenia et de Solio cumunem usum ita tamen, ut illi de Solio conducant predicatorem in eorum de Solio separatis expensis et sumptibus. Et sic iuris decreto quædam imbreviatura investitionis livelli lecta fuit, in qua investitus est Joannes filius condam Zuan Simon Latüne de Solio per agentes nomine comunitatis et vicinitatis de

Solio et de Castasenia de una mairia in Alax, que dicitur Segniagnies, rogata per condam dominum Jacobum Turris de Castromuro de anno 1533, die veneris 21 mensis martii, ad quam fiat relatio. Et etiam asciti sunt testes, qui eorum dicta deposuerunt, prout infra ser Josephus à Stampa tunc temporis potestas testis interrogatus dixit se eo die et eodem loco, de quibus supra in processu facta est mentio, se fuisse et illuc coram comunitate banita comparuerit ser Gaudentius Olivery et ibidem petierat, ut comunitas de Solio respiceret ad humilitatem et paupertatem vicinitatis de Castasenia, ut remiteretur ei illud onus, quod fert in subventione religionis ministri eorum de Solio. Et sic a ceto declinatis paululum illis de Castasenia et sic Solienses consulti responderunt Castaseniensibus, quod vellent habere ministrum separatim et per se eorum proprio impendio illum premiare et quod illi de Castasenia similiter faciant, si velint, adeo ut stent in aliis ad comune, qui dixerunt se stare in toto et per totum ad comune, subiungens dictus testis, quod extra contionem passim dicebatur, quod esset subornatio, ut illi de Castasenia separarentur, quo facilius in Solio per maiorem partem missa repudiaretur. Item ser Paulus à Stampa testis ascitus et interrogatus dixit se audisse quemadmodum dominus potestas dixit. Item ser Rodolfus Zambra à Prepositis, ser Joannes Donnana à Stampa et Joannes Moling testes interrogati et asciti separatim dixerunt se ibidem eo die quo supra fuisse attamen non precise in contione congregata, quoniam non auderent se intromiscere ne invite viderentur, sed passim per populum extra contionem dicebatur, quod astu Castasenienses ab illis de Solio separarentur, ut missam derogarent. Hoc est quantum dicti testes se scire asseruerunt. Et sic auditis plancto responsione testium depositis investitionis inbreviatura et omne, quod in iure allegatum est, cum pluribus verbis, quam exarata sint, nomine domini invocato lata est sententia definitiva, quod conventio seu partita addicta debet sic remanere prout dictum est tali modo, ut Castasenienses amodo a lignis, qui per focos, a colectis, quæ per personas prestabantur ad subventionem religionis ministerii in Solio, exentes et liberi esse debent, fictum autem Segniagniæ inter alia ficta comunis debet conumerari, ficta vero sancti Laurentii ecclesie et vaccarum ficta et aliæ res calices patene paramenta, cuiuscumque sortis nominari possint, debent cedere in subventionem predicatoris sancti evangelii in Solio, hac lege, ut Castaseniates possint in Solium venire ad predicationem sine eorum de Solio aliqua interpellatione seu contradictione. Item expensas iuris et eorum, qui utriuque ad litigandum electi sunt,

debet comune magnum deferre in Solium et Castasenia. Actum in platea Vicisuprani ante edes heredum condam ser Florii de Castromuro ubi dicitur sub scala dominæ Magdalenæ, unde testis est ius.

(ST.) Et ego Joannes Niger Menuseus à Castromuro publicus Pregalię notarius filius condam ser Alberti hoc presens iuris actum de mandato suprascripti iudicis et iuris decreto ac ad instantiam comunitatis de Solio notavi et per Rodolphum filium scribere feci, quod cum prothocolo collatum fidele quo ad rei energiam reperi, in cuius et premissorum omnium et singulorum fidem robur et testimonium cum signo meo solito et consueto subscripsi et adsignavi.

a) richtig techna.

Nr. 142

Zuoz, 7. Januar 1555

Vereinbarung zwischen den Alt- und den Neugläubigen in Chamues-ch betreffend die Religionsausübung im Dorf und die Bezahlung der Seelsorger.

Or. Pg., GA La Punt-Chamues-ch Nr. 111. Notariatszeichen und Schrift des Johannes Gerus von Zuoz.

In nomine domini amen. Anno a nativitate Christi millesimo quingentesimo quinquagesimo quinto, die vero septima mensis ianuarii. Conventione et concordia facta fuit inter vicinos vicinitatis Kamoascii¹, nominative inter illos volentes habere dominum predicatorem evangelii ab una parte agentes nomine illorum Gaudentius Madulein et eius filius Jan Guding et Jan Dury Grawan cum plena authoritate illorum predicationis, ut ipsi dixerunt, item Conradus Culaun, Janaya Valeint, Dury Geoss et Jacob Pagk nomine illorum volentium habere et conducere unum dominum sacerdotem missam cellebrandi antiquo more cum plena authoritate omnium illorum misse, ut ipsi dixerunt, ab altera parte. Et conventio est talis, quod illi, qui volunt habere dominum predicatorem evangelii, debeant stare ad parochiam cum vicinitate Zutzii² cum omnibus iuribus antiquis, prout hactenus

¹ Chamues-ch, Gem. La Punt-Chamues-ch, Kreis Oberengadin.

² Zuoz, Kreis Oberengadin.

habuerunt et inter ipsos hucusque servatum est et fuit. Et omnia ficta et reddita, que ab antiquis domino plebano Zutzii data fuerunt, debent eis adhuc assequi et dari sine ulla contradictione, cum conditione et pacto, quod ubi dicta ficta et reddita antiqua ut supra non poterent satisfacere erga vicinitatem Zutzii antiquo more, prout hactenus obligati fuerunt, quod tunc illi, qui volunt habere ipsum dominum predicatorem, debeant satisfacere et solvere erga vicinitatem Zutzii sine damnis expensis illorum volentium habere missam, et tali pacto etiam addito, quod illi, qui volunt habere missam, queant etiam ire et audire predicationem, quandocunque eis placuerit, sine ulla alia solutione et contradictione illorum predicatoris, cum condictione, quod ubi aliquis illorum misse vellent dominum predicatorem habere et uti cum babtisando, cum accipiendo cenam Christi aut cum sepeliendo mortuos, quod tales debeant etiam stare ad rattam et partem solvendi dominum predicatorem una cum illis predicatoris. Item illi volentes habere dominum sacerdotem missæ possunt etiam eum conducere missam cellebrandi, si volunt, sine ulla contradictione illorum predicatoris, et ficta omnia, que habent et exigunt causa quondam Nut Geess in dicta vicinitate Kamoascii, debent dari et assequi in solutione domini sacerdotis missæ. Et ubi illud non potest satisfacere, tunc tenentur illi, qui volunt habere missam, solvere ipsum sacerdotem misse sine damnis et expensis illorum predicationis. Et ubi non vellent conducere dominum sacerdotem misse per unum integrum annum (quod stat in eorum optione) tunc possunt suprascripta ficta condam Nuti Gess consumere in specialibus diebus cum sacerdote uno misse, prout eis placuerit. Et quousque suprascripta ficta condam Nutti Gess durant et satisfacere possunt solven(do) dominum sacerdotem misse, possunt etiam ire illi predicatoris ad missam audiendi, si volunt. Et cum dicta ficta consumpta sunt, tunc non possunt amplius ire ad missam sine solutione ut supra scriptum est. Item conventum est etiam, quod quilibet masarius aut patronus et quelibet masaria vel patrona domus tantum et non alia familia domus, qui aut que irent ad audiendum missam aut uterentur officio illius sacerdotis misse cum babtisando, accipiendo cenam Christi aut sepeliendo mortuos, tales massarius et massaria tantum tenentur etiam dominum sacerdotem misse iuvare solvere prout alii. Item omnia alia ornamenta et instrumenta, que pertinent domino sacerdoti misse, prout hactenus habuerunt in dicta vicinitate ad illud officium, una cum domo comuni vicinitatis et etiam vinatico, possunt illi misse habere et gaudere sine contradictione illorum predicationis, et ligna debent accipere

pro usu illius sacerdotis, ubi alii vicini accipiunt. Item ubi essent speciales mulieres uxoratas, que irent ad missam contra voluntatem sui viri et mariti, tales tenentur solvere ipsum sacerdotem misse plus minus aut nihil pro consilio Joannis Draischs, Gregorii Cattaun et Nicolaii Peytzs. Item neutra pars debet aliam partem iniuriis afficere vulgariter inyürgier neque lacessere dictis neque factis ullis aliis modis neque eorum pastores videlicet dominum predicatorem evangelii et dominum sacerdotem missæ ut supra. Actum ut supra in Zutzio in domo mei notarii [in] presentia suprascriptorum partium, ex quorum iussu presens scripsi instrumentum.

(ST.) Et ego Joannes Gerus de Zutzio publicus imperiali authoritate iuratus notarius rogatus scripsi hoc presens instrumentum conventionis et tradidi meque in maiorem fidem signo ac nomine meis solitis requisitus subscripsi.

Nr. 143

Tiefencastel, 26. Juni 1555

Alvaschein und Tiefencastel einigen sich auf die Verwendung der Zinse von Lantsch, Mistail und Parsonz für den Unterhalt eines Pfarrers in Tiefencastel und legen die gemeinsamen Rechte und Pflichten gegenüber ihrer Pfründe fest.

Or. Pg., GA Alvaschein Nr. 24. Siegel der Gemeinde Oberhalbstein abhangend. Zweites besiegeltes Original mit geringfügigen sprachlichen Abweichungen in GA Tiefencastel Nr. 13.

In nomine domini amen. Anno a nativitate domini millesimo quingentesimo quinquagesimo quinto, indicione tredecima, die^{a)} vigesimo sexto iunii. Ibique ambe communitas scilicet de Castello¹ ex una parte et communitas de Aluaschain² ex altera parte fuerunt in iure et coram iure^{b)} in Supralapide³ in vico Schwanigen⁴ existente eodem tempore advocato Joanne Jori Batallia de Salux⁵ terre Supralapidis et tunc ambe communitates se sunt uniti ad invicem in modum ut sequitur. Inprimis se convenerunt ita,

¹ Tiefencastel, Kreis Alvaschein.

² Alvaschein, Gem. und Kreis.

³ Oberhalbstein, Tal.

⁴ Savognin, Kreis Oberhalbstein.

⁵ Salouf, Kreis Oberhalbstein.

quod fictus vel census, quem habend in Lentz¹, omni anno debeat et dari et reddi uni plebano de Castello et de Aluaschain sicut acceptum antea ab antiquo fuitc). Item eciam census, qui solvitur in Musteil², debeat dari uni plebano atque reddi, et eciam census, quen dant isti homines de Prasans³, eciam debeat darid) et reddi uni plebano sicut ab antiquo factum fuit, et si restant uni plebano, tunc ambe communitates tenentur solvere eorum plebanum secundum estum eorum. Item si continget, quod ambe^{e)} due communitates non haberent plebanum, quod advocati ambarum eclesiarum scilicet sancti Stefani⁴ et Musteil⁵ debent exigi illam summam scilicet censuum ut supra et ponere ad augmentum et utilitatem plebanie ambarum communitatum Castelli et Aluaschain. Ita eciam quod quando illi de Aluaschain veniunt ad eclesiam sancti Stefani, quod possunt baptisari et communicari sine contradi[ci]one ullorum hominum. Item si contingeret, quod in Aluaschain essent infirmi, unus plebanus tenetur ire et eos provideret^{f)} cum usu ad sacramentorum necessus^{g)}, et unus plebanus tenetur servire ambabus eclesiis Castelli et Aluaschain semper per medium, excepto quod quatuor vices per quatuor festa principalia debet celebrare in eclesia sancti Stefani cum pacto, quod compleat tandem in eclesia sancti Petri du Musteil. Item domum tenetur habere plebanus de Castello et Aluaschain et ambe communitates debent manutenere domum. Et etiam si plebanum non habent et cortinum et ortum in honore cum tecto et aliis in honore. Item quelibet communitas tenetur manutenere suam eclesiam in honore et decore. Item hec scripta sunt in Castello in domumh) Antonii Gabrielis, presentibus iudice Zwiezel Mareto, Antonio Gabrielis et Bartolomeo de Ca Biet et hoc cum consensu et voluntate vicinorum omnium et de Castello et de Aluaschain. Et ambe communitates pecierunt iustum iudicem Guvietzel ut apendeat sigillum comunis ad hoc instrumentum tamen sibi et suis sine damno et expensis. Quod instrumentum scriptum fuit per eorum plebanum Petrum Thome de Engadina anno die ut supra etc.

¹ Lantsch/Lenz, Kreis Belfort.

² Mistail, Gem. Alvaschein.

³ Parsonz, Gem. Riom-Parsonz, Kreis Oberhalbstein.

⁴ Kirche St. Stephan in Tiefencastel.

⁵ Kirche St. Peter in Mistail, Gem. Alvaschein.

a) die *über der Zeile*. – b) iure *über der Zeile*. – c) fuit *über der Zeile*. – d) *Es folgt* et d. et. - e) ambe *über der Zeile*. – f) *In der Vorlage im GA Tiefencastel richtg* providere. – g) *In der Vorlage im GA Tiefencastel* necessitato. – h) *Richtig* domo.

Nr. 144

Zuoz, 14. Februar 1556

Peter Martin Rascher von Zuoz urteilt mit den Rechtsprechern der Gemeinde Oberengadin in der Klage der Nachbarschaft Chamues-ch gegen Zuoz auf Teilung der Pfarrei, dass das Urteil von 1543 und die Vereinbarung von 1555 in Kraft bleiben und Chamues-ch weiterhin zur Pfarrei Zuoz gehören soll.

Or. Pg., GA Zuoz Nr. 159. Notariatszeichen und Schrift des Joannes Gerus von Zuoz. Zweites Or. im GA La Punt-Chamues-ch Nr. 112.

In nomine domini amen. Anno a nativitate Christi millesimo quingentesimo quinquagesimo sexto, die autem quattuordecimo mensis februarii, inditione quattuordecima. In Zutzio¹ loco iuris solito sedente pro tribunali nobili viro Petro Martini Rascher de Zutzs vero prætore tocius comunis Engadinæ superioris cum suis iusdicentibus infrascriptis Jacobo Biett, Andreæ Jan Deye et Johanne Jacobi Bartt de Schanpff², Janola Steffan de Madulein³, Janut Zambun de Byuer⁴, ser Georgio Trauerss, Lucio Delgrais et Janut Biffrun de Samaden⁵, Mauricio Thomæ et Florino Saratzs de Pontrasinæ⁶, Jacobo Fagkin et Joanne Babtiste Futzol de Cellerinaˀ, Paulo Caspar de S. Mauricio®, Jacobo Claetti de Syluaplana⁰, Anthonio Zaff et Joanne Chrialågst de Selio¹o comparuerunt coram suprascripto iure convici et rectores vicinitatis de Kamogasc¹¹ ut sunt Padrutt Nut Conradi, Jan Byan et Conradus Colaun et una cum ipsis Janaya Valeint, Jan Drusun,

¹ Zuoz, Kreis Oberengadin.

² S-chanf, Kreis Oberengadin.

³ Madulain, Kreis Oberengadin.

⁴ Bever, Kreis Oberengadin.

⁵ Samedan, Kreis Oberengadin.

⁶ Pontresina, Kreis Oberengadin.

⁷ Celerina/Schlarigna, Kreis Oberengadin.

⁸ St. Moritz, Kreis Oberengadin.

⁹ Silvaplana, Kreis Oberengadin.

¹⁰ Sils i.E./Segl, Kreis Oberengadin.

¹¹ Chamue-sch, Gem. La Punt-Chamues-ch, Kreis Oberengadin.

Dury Gees et Jacob Pagk agentes eorum proprio nomine ac nomine pluralitatis vocium sive maioris partis vicinorum de Kamoasco cum plena comissa auctoritate, ut ipsi dixerunt. Et planctum duxerunt sive actionem instituerunt per eorum prelocutorem Andream Jan Deye de Schanpff actores ab una parte contra et adversus convicos et rectores vicinitatis Zutzii dicentes et significantes in effectu verum esse, ipsos habuisse ab antiquo (una cum vicinitate Zutzii simul) unam parochiam, quam parochiam credunt ipsos velle et posse iam dividere et partire prout aliæ vicinitates comunis, aut quod debeant acceptare vel accipere ipsos predicationis in Kamoasco ad parochiam cum ipsis secundum tenorem unius conventionis facte inter ipsos de Kamoasco videlicet inter ipsos predicationis et ipsos missæ de Kamoasco¹ cum aliis pluribus verbis, cui actioni sive planctui nobiles ac sapientes viri Conradin Planta, Fart Joualta, Dominicus Gerus, Lucius Mola, Jan Anetta et Jan Palongiæ una cum convicis vicinitatis Zutzii ser Baltisaro Planta, Florino Thun Naye et Petro Trauers responderunt nomine prefate vicinitatis Zutzsii cum plena auctoritate, ut ipsi dixerunt, rei ab altera parte per eorum prelocutorem ser Georgium Trauerss de Samaden dicentem ac respondentem ipsos una cum vicinitate de Kamoasco semper habuisse unam parochiam simul quam credunt ipsos velle ac posse adhuc habere gaudere et frui, prout hactenus habuerunt et gavisi sunt mediante iusta iuris sententia. Et hoc etiam causa et occasione, quod ante aliquot tempus preteritum lata sit sententia inter vicinitates Zutzs et Kamogasc², in qua sententia optionem datam fuit vicinitati de Kamoasco an volunt stare ad parochiam vicinitate de Zutzs an non, sive ipsam parochiam dividere et separare cum pactis et articulis in ipsa sententia contentis et scriptis, in eo ipsi de Kamoasco elegerunt optionem coram iure, ipsos velle stare ad parochiam cum vicinitate de Zutzs prout ab antiquo. Et penes illam optionem credunt ipsos debere stare et remanere eaque gaudere cum aliis pluribus allegationibus. Item Guding Madulein, Margkett Lun, Nut Drusun et Luchius Colaun eorum nomine ac nomine illorum predicationis in Kamoasco etiam responderunt cum eorum prelocutore Mauricio Thome de Pontrasine re[s]ponsores pro tercia parte dicente et allegante, vicinitates Zutzs et Kamogasc semper habuisse unam parochiam simul quam credunt adhuc debere restare et permanere et non

¹ Vgl. oben Urk. Nr. 142 vom 7. Januar 1555.

² 1. September 1543, GA Zuoz Nr. 122.

separari una pars vicinorum de Kamoasco ab altera parte, et quod fecerint unam conventionem inter ipsos vicinos de Kamoasco, videlicet inter ipsos volentes habere dominum predicatorem et inter ipsos volentes habere missam antiquo more, quam conventionem et concordiam credunt debere restare et permanere in vigore prout sonat cum pluribus verbis et repplicationibus. Insuper audito et intellecto suprascripto iure actione et responsione suprascriptarum partium omnium cum eorum allegation(ibus) et petition(ibus), lectis instrumentis suprascripte sententiæ late et conventionis factæ omnibusque bene consideratis et ponderatis, Christo nomine implorato in auxillio, sententiatum et iudicatum fuit et est a suprascripto iure eorum iuratorum, quod illud sepedictum instrumentum sententiæ late in Zutzs sub anno 1543, inditione I, die calendarum septembris et scriptum per dominum Jodocum Florin Rascher publicum notarium et etiam illud instrumentum conventionis inter ipsos de Kamoasco ex parte predicationis et missæ scriptum et tradatum per me subscriptum notarium sub anno 1555, die 7 ianuarii, debeant restare et permanere cum robore ac virtute prout clamant et sonant, et quod suprascripti actores nomine vicinitatis de Kamoasco debeant stare ad parochiam cum vicinitate Zutzii et debent illam optionem cum sententia iuris eis semel data et electa gaudere prout sonat et clamat cum conditione et pacto, quod illi predicationis de Kamoasco debeant satisfacere erga vicinitatem Zutzii secundum tenorem instrumenti eorum conventionis et concordiæ facte ut supra. Actum ut supra presentibus suprascripto iudice et iusdicentibus, ex quorum iussu ad instantiam partium presens scripsi instrumentum.

(ST.) Et ego Joannes Gerus de Zutzs publicus imperiali auctoritate iuratus notarius tunc temporis prefati comunis presens instrumentum sententiæ late scripsi iussus a iure, me in maiorem fidem signo ac nomine meis solitis mei tabellionatus subscripsi.

Nr. 145 1. Dezember 1556

Die zur Erneuerung des Urbars der Kirche St. Jakob versammelte Nachbarschaft Bever gibt den Kirchenpflegern die Vollmacht, die verzeichneten Zinse zu Gunsten der Kirche zu verwalten und legt die Bedingungen für die Ausübung des Amtes fest.

In nomine domini, a nativitate eiusdem millesimo quingentesimo quinquagesimo sexto, inditione decima quarta, die vero primo mensis decembris. Cum sint congregati omnes vicinos vicinitatia) Biuer¹ occasione renovandi quadernus^{b)} censuum ecclesiæ sancti Iacobi et sic fuerunt concordes, quod dederunt omnem potestatem et authoritatem Ianůt Zambun, Nuot Tuff et Jan Nuot Lichin eo tempore existentes syndicosc) dictæ ecclesiæ ad renovandum dictum quadernum, possint etiam dare dictam summam denariorum ubi sibi videbitur ad utilitatem dictæ ecclesiæ, et infrascriptid) census debent stare et manere in omnibus necessitatibus præfatæ ecclesiæ et non in alium usum, ita quod multi syndici subsequentibuse) ipsis habeant aliquam potestatem ipsos census vendendi alienandi neque pignorandi, sed omni anno exigere et reddere rationem successoribus suis de anno in anno, et siquis redimeret, tunc syndici eo tempore existentes obligati sunt dare iterum dictas pecunias ad censum ubi sibi videtur cum conditione et pactis, ut maneant in perpetuum in nomine dictæ ecclesiæ. Item suprascripti syndici ex consensu maioris partis^{f)} vicinorum fecerunt renovare presentem quadernum et colligerunt omnes habendas et census, quas dictæ ecclesiæg) habuit dederuntque infrascriptas personash) cum assecurationibus et pratisi), ut continetur in quolibet instrumento. Hæc acta sunt in præsentia maioris partis vicinorum.

(ST.) Et ego Jacobus Jeclinus de Zůtz publicus apostolica authoritate notarius rogatus scripsi.

Nr. 146 15. März 1557

Thöny Gezül, Ammann zu St. Peter in Schanfigg, urteilt auf Klage der Gemeinde Langwies gegen die Leute auf Prätsch, die zur Pfarrei Langwies gehören, jedoch die Zahlung des Pfründschnitzes verweigern, da sie

a) Richtig vicini vicinitatis. - b) Richtig quadernum. - c) Richtig existentibus syndicis. - d) Korrigiert aus infrascriptos. - e) Richtig subsequentes. - f) Korrigiert aus pars. - g) Richtig dicta ecclesia. - h) Richtig infrascriptis personis. - i) Buchstabe r über dem Wort eingefügt, wohl aber pactis richtig.

¹ Bever, Kreis Oberengadin.

mit dem Bau der Kirche in Arosa ihre Begräbnisstätte dorthin verlegt haben, dass jede Person auf Prätsch der Pfründe in Langwies 2 Pfennige schuldet.

Or. Pg., GA Langwies Nr. 56. Druck: E. MEYER-MARTHALER, Gericht Langwies, Nr. 21, S. 29-30.

Nr. 147 1. März 1559

Urteil des Gerichts Oberengadin in einem Streit zwischen der Nachbarschaft Silvaplana und ihrem Prädikanten sowie zwischen den Nachbarn untereinander betreffend die Entlassung des Prädikanten und das Verhältnis zwischen den Konfessionen.

Or. Pap., StAGR D III R II/3a, Notariats-Imbreviaturen des Jachiam Bifrun, Samedan, Nr. 835, S. 529.

Anno ut supra [1559] calendis marcii.

Coram iure in Syluaplana¹ suprascripto iudice una cum omnibus suprascriptis iuridicis exceptis illis de Sillio² et de Syluaplana. Fuit quædam controversia inter vicinos de Syluaplana et suum concionatorem et etiam inter ipsos vicinos, quæ diu disceptata iudicatum fuit, ut [si] vicinia illum concionatorem vellenta¹ servare aut dimittere, haberet arbitrium solvendo tamen integram mercedem pro uno anno. Deinde inter vicinos iudicatum fuit, si illum dimitterent, ut curarent, ut haberent alium. Alioquin si vicinia aliquod damnum patiretur, ut id damnum solvendum esset inter ipsos cognicione iuris. Tertio si illi religionis missæ unum sacerdotem missarium conducerent, ut alii quocies eis videretur valerent suo sumptu ducere sibi unum concionatorem in suam ecclesiam attamen non impediendo officium alterius nec se invicem obturbando. Actum in domo Iacobi Cloetti.

a) Richtig vellet.

¹ Silvaplana, Kreis Oberengadin.

² Sils i. E./Segl, Kreis Oberengadin.

Nr. 148 25. Juni 1561

Remias Dusch, Landammann von Obervaz, urteilt in der Appellationsklage der Nachbarschaft Salouf gegen die von Parsonz im Streit um die Vewaltung der Kapellen St. Nikolaus und St. Bartholomäus in Parsonz und um Beiträge an die Pfarrkirche St. Georg aus dem Kirchengut der zwei Filialen.

Or. Pg., StAGR A I/3b Nr. 144. Siegel der Gemeinde Obervaz fehlt.

Jch Remiass Dusch dyser zyt lanndt ammenn zů Ober Vatz¹ bekhen veriech vnd thun khundt allen mengklichen, wie jch vff hüt dato dis brieffs zů Ober Vatz an gewonlichen gericht statt offenlich zů gericht gesessen bin. Do kam in apelation wüß für mich vnnd gantzen verbanen gericht die ersammen nachburschafft von Salux² namlich ammen Agustin Peter Gretta, herr lanndt vogt Jann Jöry Batayla vnd ammen Steffan Clauw vnd mit sampt etliche anndren nachburen in iren nammen vnnd volmechtig gwalt haber der anndren nachburen von Salux vnd clagtint hin durch jren mit recht erloupten fürsprecher ammen Zar Margareta von Ober Vatz zů vnnd wider die ersammen nachburschafft von Persons³, wie sy habent mit deren nachburen von Personns ain pfarrherr mit ainander, vnd die nachburen von Persons habent zwo cappelen namlich deß heiligen sannt Nyclaußa) vnd sannt Bartolomeuß4 der zwelfften einer, vnd die selben cappelen nement vil zinß hin vnd hanndt vil güeter, welches die nachburen von Persons niesent sy vnderainander vnd legent zů dero kilchen deß lieben sannt Jörgen zů Salux nüt, welcheß inen fast befrömbt, dan sy habent ain buch vnd die nachburen von Persons brieff vnd sigel, vnd daß selb buch vnd der selb brieff lutet vnnd spricht ainß wie daß annder also, das die obgenampten cappelen syent töchteren dero kilchen sant Jörgen von Salux, vnd die nachburen von Persons sollent regieren mit willen vnd rath deß pfarrers von Salux, vnd der pfarer sol der erst vogt sin. Vnnd begertend, dz selb bûch vnd der selb brieff solent verlesen vnnd verhörtt werden vnd ouch etlich khundtschafften verhören. Vnnd danenthin erbotten sy, so fer die cappelen syent tochteren dero kilchen deß lieben

¹ Vaz/Obervaz, Kreis Alvaschein.

² Salouf, Kreis Oberhalbstein.

³ Parsonz, Gem. Riom-Parsonz, Kreis Oberhalbstein.

⁴ Kapelle St. Bartholomäus in Salaschigns (Parsonz).

sant Jörgen zu Salux, so sollent die nachburen von Persons die cappelen in eheren han, es sie mit liechteren oder vmb wass es dar zu gehördt, vnd waß dan über blipt, ob das die cappelen nit bedarffent, es sie zinß oder pfrun vnnd vmb alleß, das die cappelen innemen, so sollent danenthin die nachburen von Persons schuldig sin ze geben zů dero kilchen deß lieben sant Jörgen zu Salux vnd mit jnen sin von gut vnd bos. Wytter erbotten sy ouch, wen eß etwas breste deren cappelen in eheren ze haben, so wellent sy ouch ir antrefftenden theil geben vnnd helffen, die cappelen in eren han. Wyter erbottent sy ouch, wo die nachburen von Persons das nit thun wellent, so blybent sy zů Persons ob sy selbs von gůt vnd bős mit jren cappelen mit jren zins vnd mit jren pfarher, so wellent sy danenthin ouch ob sy selbß sin von gut vnd boß, vnnd waß dan die nachburen von Persons betzügent vnd tar thündt, es sie mit gschrifften oder brieffen, das sy deren cappelen schuldig syent, so wellent sy danenthin geben. Vnnd satztendt sőliches mit mer wortten, das hie nit nott zů melden ist, hin zů recht, waß recht were. Vnnd nach sölicher clag stundent herfür die ersammen nachburschafft von Personns, namlich ammen Badrutt Dusch, ammen Jann Blasch vnd Wilhelm Margul vnd sampt etliche andren nachburen in iren nammen vnd volmechtig gwalt haber der andren nachburen von Persons vnnd gabent anntwurt durch jren erloupten für sprecher Adam Clauw von Ober Vatz, wie inen der clag fast befrombt, wie sy vnd iren aldtforderen habent mit deren nachburen von Salux ain pfarrherr khan vnd vermeintendt nach hüt by tag ze haben, wie sy von alter har khan habent, on alles wider reden, dann es ist ietz wol zum dritten oder zum fierten mall grechtet von wegen ze rygieren deren cappelen, vnd habent drumb gut brieff vnnd sigel, welcheß jnen drumb notturfftig sindt. Sy mügent die cappelen regieren nach ludt brieff vnd sigel vnnd vermeintendt nach hüt by tag ze regieren vnd gniessen, wie sy von alter har regiert vnd gnossen habent, vnnd begertend, dz brieff vnd sigel sol verlesen vnd verhordt werden, vnd danenthin vermeintendt sy, das ir brieff vnd sigel sol in krefften bliben nach sinem ludt, dann sy vnd jren aldtforderen habent regiert vff nutz deren cappelen vnd habent ouch mit jren gut an deren cappellen vil daran gstifftet, domit das die cappelen ouch etwass habent, dann die nachburen von Salux die habennt an deren obgemelten cappellen nie nüt daran gstyfftet weder sy nach jren aldtforderen weder mit hilff nach mit rath, vnnd sy vermeintendt also, das die nachburen von Salux sollent an deren obgemelten cappellen khein grechtigkheit haben, sitten

mal sy vnd jren aldt forderen nie habent khan, vnd vermeintendt also nach hüt by tag mit deren nachburen von Salux mit pfarherr ze sin, wie sy von alter har mitainander gsin sindt on alles jerung vnnd jntrag. Vnnd also vermeintendt sy dem clag geanntwurtet han vnnd satztent söliches mit mer wortten, das hie nit nott zů melden ist, hin zů recht, waß recht were. Vnd nach clag anntwurtt red wider red khundtschafften brieffen, so im rechten gnugsamlich verhördt vnd verlesen sindt, vnnd alleß im rechten fürgewanndt ist, so frogt jeh obgenampter richter ainer vrttell vmb ain yedem recht sprecher da selbst gesessen, waß recht were. Vnnd nach miner vmb frog wardt by dem aidt mit aim heilligen vrttel zů recht erkhent also, dass die nachburen von Personns sollent ain wally nemen, namlich dass sy mügent die obgemelten cappelen sant Nyclaußa) vnd sant Bartolomeuss in eeren haben mit liechteren oder mit wass ess dar zu bedarfft, vnd wass danenthin überblipt, ob das die cappelen nit bedarffent, es sie zinß oder pfrun vnd alles, daß es deren cappellen zů gehördt, so sollent danenthin die nachburen von Persons schuldig sin ze geben zů dero kilchen deß lieben sant Jörgen zu Salux, vnd wen eß etwaß spreste deren obgemelten cappellen in eeren ze haben, so sollent die nachburen von Salux ouch ir antreffenden teil schuldig sin ze geben an deren cappellen vnd helffen erhalten vnd in eren han. Wo aber die nachburen von Persons daß nit thun wellent, so blybent sy ob sy selbs von gut vnd boß mit jren cappellen mit jren zinß vnd mit jren pfarherr vnd mit alleß, daß deren obgemelten cappelen zů gehördt, vnnd waß sy dan tar thündt oder bezügendt, eß sye mit gschrifften oder mit brieffen, daß die nachburen von Salux schuldig syent deren obgemelten cappellen, so sollent dannenthin die nachburen von Salux schuldig sin ze geben. Vnd also habent die nachburen von Personß die wally genommen, sy wellent ob sy selbss sin zů Persons von gůt vnd bổß mit jren cappelen mit jren zinß vnd mit jren pfarrherr vnd mit alleß, dz es deren cappellen zů gehördt. Söllicher vrttell begertendt die obbemelten von Salux brieff vnd sigel von rechten, welcheß inen mit aimheilligen vrttell jn jren costen zů erkhendt wardt. Vnd dess zů waren vesten vrkhundt so hab jch obgemelter richter vß bewelch deß gantzen grichtzs vnserß cumunss Ober Vatz aigen jn sigell offenlich an disem brieff gehennekt, doch mir obgemelter richter dem gricht vnd gantzen cumun Ober Vatz on schaden. Der geben ist vff den fünff vnnd zwentzyg tag brochmonat so man zalt nach der geburt Christy vnsers lieben herren vnd behalters tussent fünffhundert sechtzyg vnd ain jar.

Nr. 149 12. Juli 1561

Die Österreichische Regierung übersendet dem Landvogt auf Castels, Dietegen von Salis, eine Kopie des an Ulrich Pitschen, Ammann in Schiers, addressierten Befehls, den Landvogt bei der Absetzung des Prädikanten in Grüsch zu unterstützen.

Or. Pap., HHStA Wien, Staatenabteilungen, Schweiz, Konv. 1561, fol. 110-111. Rückseite: Abschaffung des prædicanten zw Krisch betr., 12 july anno 1561.

Abschaffung des prædicanten zw Krisch¹ betr.

Wir ybersenden euch hiemit das schreiben an Vlrichen Pitschen amman im Stierser² gericht, so wir jme von wegen abschaffung des prædicanten zw Krisch thuen, welch schreiben wir jme antworten zu lassen vnd darauf mit wegkhschaffung des prædicanten fürzegeen werdet wissen, damit jr auch erjnnerung habt, was wir jme Pitschen derhalben schreiben, so ybersenden wir euch hieneben ain copj berüerts schreibens, euch darnach zu halten wisset. Datum den XII july 1561.

An Dietegen von Salis

Idem

Vnnß hat der Röm. kay. mayt. vnnsers allergnedigisten herrn rat vnd vogt der acht gericht in Prettigew herr Dietegen von Salis ritter beschwarungsweis fürbracht, als er khurzuerschiner zeit den prædicanten zw Grisch aines seines begangnen freuels halben erfordert, das er sich desselben vnbefuegter weiß widersezt mit vermeldung, er vogt yber jne nicht zu gebietten hab, jme auch zw gehorsamen nit schuldig seye, auch hernach yber das an vorwissen ainer gemain in die kirchen ganngen, daselbst muetwilliger hochsträfflicher vnd frauenlicher weiß die pilder aus der kirchen geworffen, ab welcher seiner hochuerweislichen vnpriesterlichen mißhandlung wir ain sonnder vngenedig mißfallen getragen, vnd jme vogt darauf beuolchen, jne der enden lennger nit zu gestatten, sonnder on allen

¹ Grüsch, Kreis Schiers.

² Schiers, Gem. und Kreis.

zug wegkhzuschaffen. Dieweil vnß dann nit zweiflet, jr gemelts prædicanten verhandlung vnd verfüerischen lehr vnd secten, so er der ennden zuwider der alten wahren catholischen christenlichen religion aufzurichten vnd einzupflanzen vnnderstannden, auch khain gefallen traget, so ist demnach in namen der Röm. kay. mayt. vnnsers allergnedigisten herrn vnnser beuelch, das jr denen von Grisch mit ernst aufleget, das sy gemeltem von Salis an weggschaffung des gedachten verfüerischen prædicanten ainichen eintrag oder verhinderung nit thuen, dann wir anstat der kay. mt. denselben alda lenger nit gedulten khünnen noch wellen, vnd sich hierinnen gehorsamblich vnd vnwidersezlich halten, dann wo sy das nit thuen vnd vnß weiter clag yber sy khomen, wurden wir nit vnderlassen mittel vnd weeg gegen jnen an die hanndt zu nemmen, damit sy zw gebürender gehorsame gebracht vnd der prædicant abgeschafft werde. Vnd jr volziecht an dem in namen hechstgedachter kay. may. vnnsern endtlichen willen vnd mainung. Datum den XII july anno 1561.

An Ulrichen Pitschen, ammann im Sthierser gericht

Nr. 150 November 1561

Das Gericht Obervaz entscheidet im Streit zwischen den Nachbarschaften Mutten und Stierva, dass beide der gemeinsamen Mutterkirche in Stierva Beiträge zu leisten und Kirche und Pfründe gemeinsam zu verwalten haben.

Or. Pg., GA Stierva Nr. 29. Siegel der Gemeinde Obervaz fehlt.

Jch Bannadick Andreann der zytt statthaltter des fromen vnd wyssenn Ramyas Dusch der zytt aman zů Oberfatz¹ bekenne vnd thůn kundt aller mengclichenn, wie für mych vnd min vorverpanntten gericht vff datum dyß brieffs erschinen ist dye erbarenn vnd wysenn aman Goryaß vnd Petter dala Wall ab Muttenn² in namen der gentzen nachburschaff ab Mutt mitt yrenn erlopten fürsprecher aman Jan Zagrun von Oberuatz vnd habenn ein klagt gesetzt hin vnd zů der gantzenn nachburschaff zů

¹ Vaz/Obervaz, Kreis Alvaschein.

² Mutten, Kreis Alvaschein.

Stürffes¹ wie nach geschryben stott. Item zum erstenn das sy peitt partyen habenn ein kylchenn vnd pfrundt mit einander vonn alter her komen gehept zemen vnd vnzertheylt byß vff denn hütygenn tag vnd vermeinen vnd gloubenn, das die von Stürffes schuldig vnd pflichtyg syenn, ynen rechnung ze gebenn vmb alleß das zinß oder ander ding, das der kylchenn vnd pfrundt zu gehört vnd antryfft, vnd gemeltter kylchen vnd pfrund ein vogt oder mer zů geben nach zall yrenn theyll etc. Hiervff ist fürgestannden die erbaren vnd wysenn aman Johannes vnd aman Peder dla Crystyna all peitt in namen der gantzenn nachpurschafft zů Stürffes mit yren erloptenn fürsprecher aman Blasch Farer von Oberuatz vnd antwurtend vnd vermeynen, das die gemeltter kleger ab Mut söllen vnd schuldig syenn der kylchenn zu gebenn schmaltz zins vnd ander ding, das der kylchen oder pfrundt von alter her antryfft, so wellend sy ynen ouch zu geben die kylchen vnd pfrundt mit ragieren vnd nütt wyter zu versorgen guttlich vnd fründliche mit einander, wie esa) von alter herrkomen ist xin, nach zall yrer theyll etc. Vnd also satzten peitten partyen zů recht, waß recht sy etc. Vnd nach klag antwurt red vnd wyder red vnd alles das, so für recht komen ist, gnugsamlich verhörtt vnd woll ermeset daruff, so frag ich obgemeltter statthaltter ein jeglicher rechtssprecher by dem eid, was recht vnd bylig sy. Vnd nach min vmb frog hatt vrtel gebenn vnnd mit recht erckendt ist wie nach volget. Zů ersten das die von Můtt deß gliche ouch die von Stürffes schuldig vnd verflichtig syend der kylcken vnd pfrundt zu Stürffes schmaltz zins vnd ander ding, daß eß der kylchen vnd pfrundt antryfft, zu geben vnd bschtadenn wie von altter her. Item zum ander moll hatt vrtell gebeb) vnd mit recht erkendt ist, das die paytt partyenn söllen obgemeltter kylchen vnd pfrund mit vögten versorgen hin vnd vss nach ratt einanderen wie von alter her gutlich vnd fründlich etc. Item zum drittenn mol hatt vrtel geben, wo obgeschryben vrtell denen obgemelten klegeren von Mutt bschwerte, so hatts recht inen ein wäll erckenndt, dz sy schmaltz zins vnd waß zu Mutten ist, mögen sy vss vff daß yren blyben vnd die selbig nützen vnd bruchen nach yren wyllen vnd gutte beduncke. Deß glichen mögen die von Stürffes ouch thun, doch der kylchen alwege vngemindret bsunder in erenn wie von alter herr. Item zu fiertten hatt vrtell geben vnd mit recht erkend, wo obgemelter glegeren von Mutt möchten^{c)} mitt bryeff vnd sygel oder mit byderbelütten darthun, daß sy etwaß wytter an der gemelten zinß

¹ Stierva, Kreis Alvaschein.

vnnd pfrundt, das zu Stürffes ist, vff gestyfftet heted, so söll es inen wider gebet werdenn etc. Vnd nach dem alleß so pegertten obgemelter antwurteren von Stürffeß ein vrtel brieff, weliche eß inen erkendt vnd zu geben ist vff yren costen etc. Vnd deß alleß zu worer vester vrkund krafft habe ietz vnd hie nach was obgeschryben stott, so han ich obgemelter statthalter durch befelch der gantze gerichte vnser gerichts vnd gmein eigen insygel offenlich an dyß brieff gehenckt, doch mir vnd dem gericht vnd der gmeind on schaden. Der geben ist im winter monet nach Crysty geburt thusyg fünffhunder sechzig vnd ein jar, anno 1561.

a) es *über der Zeile*. – b) gebe *über der Zeile*. – c) möchten *am Rande*. – d) hete *über der Zeile*. – e) gericht *über der Zeile*.

Nr. 151 7. Mai 1562

Martin von Cabalzar, Landrichter des Grauen Bundes, bestätigt in der Appellationsklage der Gemeinde Thusis gegen die Nachbarschaft Masein auf Teilung der Kosten für den Neubau der abgebrannten Kirche zu Ehren der Hl. Maria in Thusis das zu Cazis ergangene Gerichtsurteil.

Or. Pg., GA Masein Nr. 19. Siegel des Grauen Bundes abhangend.

Jch Martty von Kaballzar¹ der zitt land richter des Obren Grauen Punds beken offenlich vnd thundt kundt mengklichen mit disem brieff, das jch vff hütt datum diß brieff zu Truns² an geuonlicher gericht statt offenlich zu gericht gesessen bym^{a)} durch beuell der hopt heren vnd gemeyneds puntz vnd sunderlich von des rechten wegen. Kam als da fur mich vnd offen verbanen gericht die fromen ersamen vnd wissen statthallter Vrich Hunger vnd ama Risch Dakajan jn namen jr gemeydt Thussis³ mit jren mit recht erlopten fürsprecher Petter Berther⁴ alter land richter vnd klagten hin zu dem ersamen vnd wisen Jan Jenett als ain kouygt^{b)} zu Masain⁵ jn namen jr

¹ Martin von Cabalzar, Landrichter des Grauen Bundes 1541/42, 1544/45, 1553/54, 1559/60, 1562/63.

² Trun, Kreis Disentis.

³ Thusis, Gem. und Kreis.

⁴ Peter Berchter, Landrichter des Grauen Bundes 1549/50, 1561/62.

⁵ Masein, Kreis Thusis.

nach purschafft vff mainung, wie vor etlichen jaren so heigend die diß halb dem Rin vß genomen Kastz¹ gen Hohen Geffald^{2c)} zur pfarklichen^{d)} gehörtt. Vnd nach dem so sige as zerthalld, das die von Thusis Masain vnd Rungkellen³ sige ain pfard⁴ vnd heigend ouch ain kilcher mit ain ander. Laider so sige allen woll zu wüssen, wie zu Thusis verprunend⁵ ist vnd die klichen ouch, vnd jetzen so heigend sy ain grossen kosten vff gelied, as syge an theckheren vnd glocken, vnd vff somlich so haigend sy lieblich vnd thugenlich begertt an denen von Masein, das sy sollend so woll thun vnd nach an zal deß as betreffend mag den kostend, den sy an der klichen vff geleid, helffenn tragend, des hat nit mügend sin vff somlich. So hand sy sy zu Kastz mit recht für genomen, vnd da syge gegen jnen ain vrttell geffeld, welche vrttell sy sich beschuertt hand vnd die für die ober hand geabaliertt. Vff somlich so syge ir beger an ainem richter vnd gericht, das sy sollend so woll thun vnd die von Masein vnder wiesen, das sy jnen somlichen costen helffen tragend nach an zall, vnd die vrttell, die zu Kastz gaben ist, solle kain schaden bringen, mit mer wortten verstanden nit nott zu melden. Du stunden här fur die fromen vesten Hans Ring vnd Jan Jenett jn namen jr gemeyndt Masein mit jren mit recht erlöpten fursprecher hopt[man] Hans Florin⁶ alter landrichter vnd gaben antwurtt vff der klag, so die von Thussis vff sy fürend lond, vnd sige nit minder, das sy aim pf[a]rer mit ain andren hand, vnd sige ouch die pfrund alles von ain andren thaild vnd ouch die klichen gutter, vnd müssend sy jr klichen selber jn eren hand one denen von Thusis hliffe) vnd ratt vnd habent ouch jre grebnuß da vnd ouch jre aygen kapell vnd sigend denen von Thussis nütt schuldig vff somlich, so sige zu Kastz ain vrttel gefeld vnd hoffend an gott vnd dem rechten, as solle dar by beliben, mit mer wortten verstanden nit nott zu meldenn. Vnd nach klag vnd antwürt red vnd wider red vnd verhörtt brieff vnd sigell vnd ales, das jm rechten komen ist, so frag jch obgenanter land richter ain vrttel vmb ain jeden by dem ayde vnd nach miner vmb frag so gab recht vnd vrttell, das sy lassend beliben by der vrttel, die zu Kastz gaben ist, das die von Masein heigend denen von

¹ Cazis, Kreis Thusis.

² Kirche St. Johann auf Hochrialt, Gem. Sils, Kreis Domleschg.

³ Rongellen, Kreis Schams.

⁴ Die Gründung der Pfarrei Thusis fand am 21. Januar 1505 statt, vgl. oben Urk. Nr. 63.

⁵ Dorfbrand von Thusis 1559, vgl. POESCHEL, KdmGR III, S. 215.

⁶ Hans de Florin, Landrichter des Grauen Bundes 1555/56, 1564/65.

Thusis geantwurtt vnd sigend jnen nüt schuldig. Vnd vmb somliche vrttell begerten die von Masein brieff vnd sigell, deß jnen mit der vrttell zu gaben vnd erkendt ist vff jren costen mit vnsers puntz jnsigel beuartt. So hab jch obgenanter land richter vnsers puntz jnsigel offenlich an disem brieff gehenckt von deß rechten wegen, doch mir land richter vnd gemeinen pundt one schaden. Der gaben ist am 7. tag meyen du man zalt von Cristus geburtt vnsres erlösser 1562 jar.

- a) Richtig bin. b) = cuvig. c) Verschrieb für Hochrealt, darüber von späterer Hand Rhealt.
- d) Besonderheit des Schreibers, der oft klichen anstatt kilchen schreibt. e) Richtig hilff.

Nr. 152 7. Juni 1567

Hertly Caspar, Ammann zu Castels, und die Rechtsprecher daselbst heissen die Klage der Kirchenpfleger und der Vertreter der Nachbarschaft Jenaz gegen die Pfarrgenossen von Buchen auf Erhöhung des von letzteren an die Pfarrpfründe bezahlten Betrags gut. Der Anteil der Buchner hat sich nach der Zahl der Kirchgenossen zu richten.

Or. Pg., GA Jenaz Nr. 68. Siegel des Hertly Caspar abhangend (beschädigt). Auf Umbug von späterer Hand: Die von Buchen hand hernach och ein lassen schriben etc. Druck: N. SENN, Archiv Jenatz, Schaffhausen 1869, Nr. 35, S. 61-63.

Kunth vnd zů wüssen sye aller mencklichen mit disem brieffe, wellichen er fürckempt gezeigt oder geläsen wirt, das als jch Hertly Caspar zů diser zytt amma vß genaden jn dem gericht zů Castels¹ jm Bråtigeüw zů gericht gesessen bin an gewonlicher gerichts stadt zů Jenatz², alda für mich vnnd ein offen verbannen gericht kommen sind die erbaren vnnd bescheidnen kilchenvögt gavigen vnd gewalthaber zů Jenatz als kleger eins, vnnd die ersamen vnnd bescheidnen gavigen oder gewalthaber der pfargenossen zur Bůchen³ anthwurther anders theils. Vnnd als sich beidtheil mit angedingten fürspråchen vorm gericht staltenn, liessen die Jenatzer klagen vnd reden gågen vnd wyder die benempten kilchgenossen zů der Bůchen also, namlichen wie das sy mit inen sigind kilchgenossen vnnd aber die jar thür

¹ Castels, Gem. und Kreis Luzein.

² Jenaz, Gem. und Kreis.

³ Buchen, Gem. und Kreis Luzein.

vnnd sich alles verendere, also das sy einen pfarrer da nit merh vmb die alt psoldung vnd pstallung möginth han vnd sy jnen bishar allein vier guldy habind gestürt an die pfrund, so vermeintent sy, das jnen die Büchner schuldig sigindt, so sy kilchsgenossen wellindt sin, die pfarlichen recht zů erhalten etc. mit mer worten nit noth zu schryben. Hiervff die Büchner antwurthen liessen, ja sy siginth kilchgenossen, thugindt och was jnen zůstandt vnd gåbindt die IIII guldin jårlich nach ludt eines spruchs der vor XXX jaren sye gemacht, och bishar also beliben, meinendt derhalb nüt wyter schuldig sin, dann der spruch sye ewig. Hierwider aber liessenn reden die Jenatzer, es sye kein spruch, sunder allein ein vertrag vnd berckomnus gesin, och nit in ewigkeyt gestelt, es wåre sunst in geschrifft verfassett worden, vnnd satzdent es zů recht mit mehr worten nit not zů schryben. Vff semliche klag vnd antwürth red vnnd wyderredt vnnd allem dem so in das recht geleytt was, fragt jch obgenanther richter die vrthelsprecher vmb vff jren eyd, was recht wåry. Do ward erkenth vnnd zů recht gesprochen mit der merher vrtheil, das namlichen die Büchner sőllend zů den Jenatzer als kilchgenossen gestelt sin vnnd ein führstad vnd ein person gegen der ander gerechnot vnd gehalten werden vnd gelten vnnd helffen, die pfarliche recht erhalten zu geniessen vnd zu entgelten etc. Des rechten vnnd der vrthel begårtenn die von Jenatz einen brieff, welcher inen in irem kosten zů gåben verwilgeth ward, vnd ich obgenannter amma Hertly vss genaden zů vrckunnth mitt minemm eygnen anhangenden innsigel, doch mirh minenn erbenn vnnd einem gericht one schadenn hab besigletth. Der da gåben ist amm sybenden tag brachmonat imm jar als mann zallt von der gepurt vnnd mensch werdung vnsers erlősers vnnd såligmachers Jesu Christi dausennt fünffhundert vnnd darnach syben vnnd sechzig etc.

Nr. 153 17. November 1567

Die Kirchenvögte und Dorfmeister von Bergün, Latsch und Stugl teilen die Widumgüter der Pfarrpfründe in Bergün in vier Lose auf und verkaufen die Güter aus dem ersten Los zum Preis von 150 Gulden gegen einen jährlichen Zins von 15 Gulden, die dem dortigen Pfarrer zu entrichten sind.

Or. Pg., GA Bergün/Bravuogn Nr. 31. Siegel des Gerichts Bergün abhangend.

Allermencklychen sey kund vnd zů wüssen mitt disen gegenwirtygen offnen brieff allen denenn, die in ansehend oder hörend lesenn, das dise hie nachpenempte personenn als namlych die khilchen vögt mitt sampt die dorffmeisteren von allen dryen dörfferen mitt nammen Peder Tscheütt vnd Cunratth Munsch beid als khilchen vögt zu Bergün¹, Christoffel Jannett als ein khilchen vogt zu Latsch², Bastiaun Mannugkh als ein dorffmeister zu Bergün, Jan dil Leonart Guidun als ein dorffmeister zu Latsch, Jacob Florinett als ein dorffmeister zu Stuls³ habend allgemeinklich vnd vnuerscheidenlich als gewalthaber vnd vs bewilligung der obgeschribnen drüen dörfferen als namlich Bergün Latsch mitt sampt Stuls vffrecht vnd redlych verkhoufft und hin zu khouffen geben eines besteten ewigen khouffts für sy vnd all jre nachkomen namlych dise hienach penempte gutter, welche verlechnett sind gsin von altem her einem pfarherr vnd des wort gottes dienera) zu erhalten in disen drü dorffen, vnd habend ouch die obgemelte dörffen mitt sampt die gewalthaber für gutt vnd nodtwendig angesehen, damitt vnd es in khünfftigen zitten dester minder span vnd stöss erwachsen möchte, vnd habend namlich vier örther oder theil vs der pfarr gemachett als namlich vss dem dorff Bergün drü örther oder theil vnd vss dem dorff zu Latsch vnd den dorff zu Stuls habent sy den fierten orth oder theil gemachett. Daruff so sind herfürgstanden als namlich von dem ersten orth oder theil die nachpenempten mitt nammen Jan dil Brünett, Jacum Salla[mun], Dorich Janutt^{b)} vnd Janpitzen Falett aldrü des ersten orths oder theils zu Bergün vnd habent begert also das pfarr gut, als vil vnd es dem ersten orth oder theil treffen mag, zu khouffen vnd vff zunemen, des inen die vorgenanten gewalthaberen, sittenmal niemant mer von desselbigen orths oder theils herfürgstanden ist vnd das gåt begert hett vff zunemen dan die vorgenanten, so habent sy es inen gut willig zu gelassen vnd inen das gut, als vil vnd es dem erstem orth oder theil treffen mag, verkhoufft vnd hin zu khouffen geben vür sy vnd der gemeind vnd all jre nachkhommen. Nach dem so sind die vier orth oder theil zusamen getretten vnd habent die guter getheilt vnd darüber die loss geworffen vnd ist denen vorbemelten des ersten orths oder theils disy hienach penempte guter getroffen. Des ersten hatt es inen getroffen namlich das halb gutt vnd

¹ Bergün/Bravuogn, Kreis Bergün.

² Latsch, Gem. Bergün/Bravuogn.

³ Stugl/Stuls, Gem. Bergün/Bravuogn.

wiss zu Leisckhen, welicher gutt vnd wyss zu Leisckhen stoust gen der sunnen vff gang an des Janut Sareinas gutt, gen mittentag stoust an den gemeinen weg, gen den sunnen nidergang stoust an des Jannutt Sareinen gut vnd zu khainer stundt stoust an des Jacob dil Paul Clauwen gut vnd zu ring vm wie zil und marcksteinen eigentlich vswisent. Mer hatt es inen getroffen namlich den vierten theil des ackhers Zinals, welicher gut vnd ackher Zinals stoust gen der sunnen vffgang an des Anna dla Funtanessa seligen erben gut, gen mittentag an des Nud dil Vareren seligen erben gutt, gen der sunnen nidergang stoust an des Nudt Peter Lorgien gut, zu khainer stund stoust an des Jan Gatriden gut vnd zu ring vm wie zil vnd marcksteinen eigentlich vswisent. Vm welliche obgenante güter der marckt oder khouff also geschehen vnd gethon ist worden namlich vm hundert vnd vünffzig guldin, alwegen vünffundrisig plapphart Churer werschafft vür einem yeden guldin zu rayten, welche summa gelts, so sy an die güter schuldig sind oder so das gut verkhoufft ist worden, die khöuffer oder jery erben vnd nachkhommen inhaben nutzen vnd niesen mögend noch irem guten willen vnd wolgefallen, doch mit disem packt geding vnd bescheidenheit, das sy gemelt khouffer oder jre erben vnd nachkhommen die obgeschribny summa gelt söllend verzinsen järlich vnd ewigklich alle jar vnd ein jedes jar insunderheit, namlich je von zehen guldin einen daruon zins geben, trifft jerlych als vil zins von der obgeschribny summa geltz namlich guldinen vünffzehen. Vnd ist hierin ouch abgered vnd bedinget worden, das die obgenanten khouffer sollend schuldig vnd pflichtig sin, den obgedachten zins alle jar insunderheit zu erlegen, namlich das halbtheil vff sant Pauls beckherung tag1 vnd das ander halbtheil vff sant Jörgen tag² nechst khünfftig darnach, das ouch einem khilchen herren vnd des wort gottes diener zu erlegen vnd vberantwurten on allen khosten vnd schaden. Ouch ist es hierinnen witer abgered vnd bedinget worden, ob sach wery, das ess sych zu trug vber khurtz oder lange zit, das einer oder mer vnder disen khöufferen die sum gelt, so im betrifft, welte petzalen vsrichten vnd ablösen, als dan so ist die pfarr oder die khilchen vögt in namen der pfarr dasselbig schuldig zu empfahen mit solchen geding vnd bescheidenheit, das sy obgenante schuldner oder ire erben vnd nachkhommen hundert guldin zumal vsrichtend erlegend vnd ablösend. Item in

¹ 25. Januar.

² 25. April.

dem ist es ouch abgered vnd bedingett worden, das so ob sach wery, das einer vnder inen das sinig, als vil vnd im betrifft, ablösen vnd petzalen welte vnd das die anderen nit weltendt daruff thun, bis das die hundert guldin zu vollem erfült werendt, als dann so mag der da ablösen vnd petzalen wil, das gelt sinen mitthafften geben, vnd die mitthafften sollend vnd sind schuldig vnd pflichtig, das gelt von dem selbigen von jrem orth oder theil zu empfahenn vnd ime vm die summ vff jrenn eigen gutt vnd vnderpfandschafft zu versicheren noch zins gerechtickheiten vm zwifachen pfandschafft. Ouch ist es hierinnen witer abgeredt vnd bedingett worden, ob sach wery, das die obgenanten khouffer die obgeschribne summa gelts weltend abpetzalen vnd vsrichten wie obstat, der oder die selbigen sind schuldig, den zins mitt sampt den houptsumm zu erlegen vff zil vnd tag, so man zinsen sol, wie obstad. Item die vorbemelten drü khoufferen habend die vorbemelte guter ouch vnder einanderen vsgetheilt vnd ist einem yeden getroffen wie^{c)} hienach volgett. Des ersten so hatt es dem Jan del Brünet getroffen namlich den obgenanten viertentheil des obgenant ackhers Zinals, weliche costet guldinen drisig, trifft von der gedachten houptsum järlich guldin dry zins. Ouch ist es hierinnen abgeredt vnd bedingett worden, das einen veden vnder disen obgedachten khoufferen sol schuldig vnd pflichtig sinn, den khilchen vögten in namen der pfarr vm die obgeschribny summa gelt ein yeder in sunderheitt, so vil vnd im betrifft, vnderpfand pfand vnd zwyfache pfandschafft inzusetzen, damitt vnd die pfarr des sinen dester sycherer sey vnd das syn in khünfftigen ziten wüsse zu suchen, vnd setz inn Jan del Brünett namlich des ersten syn obgenanten vierten theil des ackhers vnd gutt Zinals, welche er von der pfarr oder von den gewalthaberen erkhoufft hatt, stost wie obgeschriben stadt. Witer so setz er noch in zu vnderpfandschafft sin eigen gutt ouch vff Zinals gelegen, stoust gen der sunnen vffgang an des Jan Schalkhetten gutt, gen mittentag stoust an des Flory dil Donauwen gutt, gen der sunnen nidergang stoust an des Nud dil Vareren seligen erben gutt, zu khainer stund stoust an des Nud Peter Lorgien gut vnd zu ring vm wie zil vnd marcksteinen eigentlich vswisent. Item witer hatt es dem Jann Salamuner vnd Dorich^{d)} getroffen ein vierthentheil des obgenants gutt vnd wyss Leischkhen, weliche costet guldinen sechzig, trifft järlich von der obgeschribne summa namlich guldinen sechs zins, vnd sezt ouch in der obgenant Jan dil Leonart des ersten sin obgenanten viertentheil des gutt vnd wyss Leiskhen, so er von der pfarr oder gewalthaberen erkhoufft hatt,

stoust wie obgeschriben stadt. Mer so setz er noch inn zu vnderpfandt sin eigen gut, namlich ein wiss ouch gelegen zu Leisckhen, stost gen der sunnen vffgang an der gemeind allmein, gen mittentag stoust an des Jacob dil Klautten gut, gen der sunnen nidergang stoust an des Jannen des Jan Fuffa seligen suns gut, zu khainer stund stoust an denn gemeinen weg vnd zu ring vm wie zil vnd marcksteinen eigentlich vswisent. Item dem Jan dil Fallet hatt es getroffen den anderen viertentheil des obgenanten gutt vnd wiss zu Leisckhen, cost ouch guldinen sechzig, trifft järlych von der obgedachten summa namlich guldin sechs zins, hatt namlich dem Jan dil Fallett syn theil getroffen in mitten in dem genanten gutt zu Leisckhen zwischend die anderen khoufferen, vnd ist petzalt noch luth des biligendes gschrifftse). Vnd ich Claus del Modeinf) ouch von Bergün beckhennen mich hiemitt miner eignen handgeschrifft in krafft diss brieffs, wie ich schuldig bin den gedachten Jan dil Fallett vm sin zins ledig zu zihen alle jar vnd ein jedes jar in sunderheitt ietz vnd hienach in ewigkheitt on allen sinen costen vnd schaden, vnd das vss vrsach, das ich das gelt gantzlich von im ingenomen vnd empfangen hab, vnd also so setz ich in zu vnderpfand vnd zwifache pfandschafft namlich min eigen gut vnd ackher gelegen in Půtz, welcher stoust gen der sunnen vffgang an mines schwagers Paul dil Tscheuten gutt vnd ouch an mines schwagers Claus dil Mudeinen gutt, gen mittentag stoust an des Claus Dlorgien seligen erben gůtt, gen der sunnen nidergang stoust an des Peter Patzellen gůtt vnd zu kheiner stund stoust an den Rin, zu ring vm wie zil vnd marcksteinen eigentlich vswisend. Ouch geben wier gedachten khilchen vogt vnd dorffmeisteren als verkhouffer vür vns vnd all vnser nachkhommen den gedachten khoufferen die gemelten guteren mitt aller jrer gerechtickheitt vnd zů gehord mitt steg weg wasserflüsss vnd mitt allen gutten rechten, so von allther her darzu vnd darin gehort hatt oder gewinnen mochtend, daruon nütz vsgenomen noch hindan gesetz, one gefert etc. Ouch sollend die obgeschribnen khouffer vnd schuldner den gedachten verkhaufferen in masen wie obgeschriben stad vm alle stuck gar gutt getrüw krefftig werer syn vnd vürstand thun gegen allermencklichen lüthen vnd gerichten geisthlichen vnd weltlichen, wie wo wenn vnd gegen wemm sy des jemants bedorffend vnd notturfftig wurdend, jetzund vnd hienach zu ewigen ziten etc. Vnd des alles zu einem waren vnd offnen vrkhund vnd gantzer steter vester sicherheitt vm alles so obstadt so habent wier obgemelten khouffer oder schuldner gemeinlich vnd vnuerscheidenlich mitt fliss vnd ernst gebetten vnd erbetten (vür vns vnd vür vnseren erben vnd nachkhommen) den fromen vürsichtigen vnd wysen Christoffel Josch Tschender diser zitt warer ammen vnd richter in dem gericht zu Bergünn, das er des gemeints eigen insigel offenlich an disen brieff gehenckt hatt, doch im vnd der gemeind vnd allen jren nochkhommen one schaden. Der geben ist noch der geburt vnsers heilands vnd seligmachers Jesu Christy fünffzehenhundert vnd siben vnd sechzigisten jare am sibenzehen tag nouembris.

Anno [15]93 den 19 tag mertzen bekhenen vnnd thuen khundt die khilkhen vogteren S. Petri vnnd Florini, welchen zue der selben zitten vögten waren, Cla Paul, Cla Jan Wiatridda, dz sy vmb die obbemelten zinss brieff jngenommen vnnd empffangen haben an paren gelt oder anderen versicheren, dz mir wol zue friden sind, vorbehalten 3 gl. zinss, dass Jan dilg Brinet dz vberig soll ledig vnnd loss sing). Für Jann dil Brünett zaltt der Kla dil Men Khöllh). Diß, daß Cla Keel zalt, ist im bauch geschrybeni).

a) diener irrtümlich wiederholt. - b) Dorich Janutt auf Rasur. - c) wie irrtümlich wiederholt. -

Nr. 154

Entwurf eines Teilungsvertrags der Pfründgüter zwischen Maienfeld, Fläsch und der Nachbarschaft am Berg.

Or. Pg., GA Fläsch Nr. 77. Rückseite: Nr. 2. So er vnder die pfrundbrieff zelt wird. Tailbrieff der pfrund Mayenfeld, Fläsch vnnd Berg, anno 1569, Nr. 33.

Wier gemaine burgerschaft zů Mayenfeldt² ouch baid gmainden Flåsch³ vnd Berg⁴ beckennend vnß offenlich hiemitt dysem brieffe, das wier

d) Jann Salamuner und Dorich auf Rasur. - e) Von hatt bis gschriffts am linken Rande. -

f) Claus del Modein *auf Rasur.* - g) Von anno *bis* sin von anderer Hand . - h) Von Für *bis* Khöll von anderer Hand. - i) von diß*bis* geschryben von weiterer Hand.

¹ Das Datum ergibt sich aus den Angaben der Rücknotiz.

² Maienfeld, Gem. und Kreis.

³ Fläsch, Kreis Maienfeld.

⁴ Die Walsergemeinde Berg umfasste die Hofsiedlungen Vatscherinerberg, Stürfis, Bovel, Rofels und Guscha (früher Mutzen). Alle sind heute, mit Ausnahme von Rofels und Guscha, das 1897 mit der Stadt Maienfeld verschmolzen wurde, abgegangen. Vgl. dazu P. ZINSLI, Walser Volkstum, S. 490, Anm. 129 und 129a.

verordnet vßgschoßen vnd volmechtigen gwalt gegeben habend dysen nachbenampten edlen eren vesten fürnemen vnd wysen hern hoptman Andres Enderlyn statvogt zů Mayenfeld, Lorentz Nauser dyser zyt werchmayster, houp[t]man Lutius von Moß genampt Gugelberg, Thoman Adanck alter werchmaister, Banadicht Rüöde stathalter, alle burger vnd deß radts zů Mayenfeld, Vlrich Anhorn, Thoman Herman, Phylip Morügg, all dry geschworne zů Flåsch, Andres Ganßner vnd Vrban Mutzner, geschworne zů der zyt an dem Berg, ain thailung vnd entschydigung der gstyft vnd predicatur gutteren zu thun, des wier vnß obernampte vnd verordnette als volmechtige gwalthaber im namen aller dryer gemainden offenlich bekhennende vnd thund allermengklichem mitt dysem brieffe, das wier vff sines datums by ain andren versampt die nutzba[r]chaitt vnd wolstand aller dryer gmainden durch ain andren erinderet vnd ermessen, als wier dann die gstyft vnd predicatur gutter ain lange zyt mitt ain anderen gehept vnd gebrucht hand vnd zwen predicanten mit grosem schwårem vnlidlichem chostig, so vber die dry gmainden ergangen vnd erwachsen jst, erhalten vnd von jar zů jar je lenger je grőser vß vrsach der thüren jaren halb vnd ouch die predicanten mit jerer besöldung stetz vff gewachsen, vnd wier ouch ain anderen vnkhomlichen geseßen, damit die gstyft gutter inn großen abvall khomen, ouch wier hiermitt groß mübg vnd arbait costig vnd schaden zwytracht mit ain anderen erlitten, es syge mitt rechten sprüchen vnd inn alwäg versücht, aber byß har kain besserung nie gevolgt. Vff sőlichs so habend wier vnß der lenge nach besinnet vnd betrachtet vnser aller dryer gmainden wolstand zů fryd vnd ainickait, ouch chostig müög vnd arbait zů ersparen, gůtte nachpurschaft vnd früntschaft zů meren vnd pflantzen, wier habend vnß ouch hierin mit fryem vnbezwungnem wyllen verainbaret vnd soliche gstyft guoter vnd gult gethailt, wie dann volgends ernempt würt, ouch mit solchem geding vnd abredung, das ain jede gmaind sampt vnd sunder, wie vyl oder was ain jeder gmaind zů gethailt würt, schaffen schalten vnd walten soll vnd mag nach jeder gmaind wyllen vnd gefallen, ouch inn ansechung solche guöter zu groserem nutz vnd inkommends der predicatur bringen, damit man wolgelerte predicanten dester statlicher mögend erhalten. Es sölle ouch söliche styft güőter alain zů der predicatur vnserer sålen hail vnd nutz zů der ewygen sålickait gebrucht werdend. Es jst ouch jnn dysem vertrag luter abgeredt vnd beschlossen, das also vnser thailung ordinacion vnd gemecht an allen alten brüchen fryhaiten brieff vnd syglen, das jede gmaind byß har gegen

ain andren gebrucht hand, inn alwäg on schedlich vnd on vergryffenlich sin. Vnd nach vnser abthaylung vnd ordinacion so jst der predicatur zů Mayenfeld dyse nach geschribne stück vnd güőtter zů gethailt worden. Erstlich ain wingart nebend der statt Mayenfeld gelägen, ain wysen vff Bangß, ain ågarten jmm vsseren Feld vnd ain wyßle jmm Bofel, das huß an der kylchen, der stadel in der vorstat. Dyse stück alle inn jeren zylern vnd marchen begriffen, wie dann ain burgerschaft von jedem stuck besunder brieff vnd sygel inn hends hatt. Mer den zåchenden ab dem gůtt Gunt Nerüől, aber fier züber win zins ab Garsylias. Meer so gibtt ain apt von Pfåfers¹ jerlichen sechs züber winzins, gehört das halbthail der predicatur zů Mayenfeld. Das gůtt vnd die pünthen vff der Staig² sind ouch gethailt, die baid pünthen durch die mitte mitt gesetzten marchstainen, vnd gehört das vorder thail gegen der statt wert an beiden pünthen vnd der stadel inn der oberen pünthen. Ouch drü wyßle enhalb dem hoff in zylen vnd marchen begriff inn brieff vnd sygel gehörend der predicatur Mayenfeld zů. Meer jst der statt predicatur ampt zů dem thail wordenn an gelt zins namlichen achtzächen pfund pfennig sechzächen schillig vnd zwölftalben pfennig, ouch nach ludt brieff vnd sygel, die sy darum hand. Item baiden gmainden Flåsch vnd Berg jst zů gethailt der zåchenden zů Flåsch vnd ain schöffel korn zins, gybt ain apt zů Pfefers jårlichen. Meer der ober wingart, das huß vff dem platz, baide jnn zyl vnd marchen veruaßet nach vßwysung brieff vnd sygel, die sy darvmb byhendig habend. Meer fier züber win zins zů Malans, darum sy ouch versycherung hand, aber dry züber winzins von den sechs züberen, so ain apt von Pfefers jerlichen geben thutt. Meer vff der Staig an baiden pünthen das hinderthail vnd ain wyßle enhalb dem hoff inn zyl vnd marchen nach vßwysung brieff vnd sygel. Mer der stadel vor dem huß. Vnd an gelt zins jst jnn der thailung baiden gmainden worden namlichen zwölff pfundt pfennig achtzechen schilling vnd sechsthalben pfennig ouch nach lut brieff vnd sygel, die sy darum hand. Es jst ouch hiemitt luther abgeredt vnd beschlossen, das man die kylhen vnd das huß vff der Staig soll jnn gutten buw vnd eeren halten, vnd ain jede gmaind jeren gebürenden thavl chostig zů geben schuldig sin. Vnd vff dyse obanzaygte thailung so hatt ain burgerschaft mitt baiden gmainden Flåsch vnd Berg abgerechnet vnd alle ding gegen

¹ Benediktinerkloster Pfäfers.

² St. Luzisteig.

ain andren verglichnet vßgericht vnd bezalt, also das kain gmaind der anderen by dyser abthailung gantz vnd gar nüt schuldig beliben jst. Es jst ouch haither abgeredt vnd beschloßen der güöteren halb vff der Staig, das khain gmaind jer zů gethailte stuck vnd güőter mőg oder solle recht haben, die vßerthalb dysem gricht zů verkhouffen versetzen noch verabrahandlen jnn kainen wyß noch wäg, vnd wo aber sölich gut jnn dysem gricht sundrigen [...]eben^{a)} oder personen verkouft oder vererblechnet wurde, jnn welcher gmaind das bescheche vnd mitt der zytt jnn erbswyse oder sunst vsserthalb vnser gricht fiele oder verkhouft wurd, so soll vnd mag die selbig gmaind das selb ererbt oder verkhouft gutt wyderum zu jeren handen züchen vnd nemmen vmm so vyl gelts, ås die gmaind vorhin geben hatt, vnd soll der ås geerbt oder erkhouft hatt das gelt zů nemmen vnd empfachen wie obstadt schuldig sin. Ob aber die selbig gmaind solich gutt nit welte wyder an sych ziechen vnd khouffen, so mögend dann die anderen gmainden sölich gütt zü jeren handen züchen vnd khouffen vmm so vil gelt, als die gmaind zum ersten verkhouft vnd geben hatt. Wier habend vnß ouch luther vnd klar verainbaret, das nun fürhin khainer vß den dryen gmainden, wår der wåre, der vff dem Staig hoff wonette, kain ayniche würtschaft nit haben soll, vßgenommen so vnderthagen noturftige personen kemend, denen mag år vmm das gelt win khåß vnd brott geben. Es ist ouch hiemitt angeding vnd beschlossen, so vnd ainer gmaind oder der anderen abgang geschechen wurd, es ware an gutteren an win korn oder geltzins vber khurtz oder lange zyt, so söllend die anderen baid gmainden der selbigen nach anzal nachzüchen vnd werschaft thun.

Nr. 155 3. Juni 1569

Hans Clavadetscher urteilt in offenem Gericht im Auftrag des Landvogts Johannes Andreas de Langfranck in einem Streit zwischen der Stadt Maienfeld und der Nachbarschaft Fläsch um die Pfründgüter, dass, wenn die Maienfelder eine Teilung begehren, die eine Hälfte der Stadt Maienfeld und die andere Hälfte den Fläschern und den Leuten am Berg gehöre, die zusätzlich den Maienfeldern jährlich zehn Gulden zu entrichten haben.

Or. Pg., GA Fläsch Nr. 76. Siegel des Gerichts Malans abhangend. Zweites besiegeltes Or. im GA Maienfeld Nr. 251.

a) Pergament beschädigt.

Jch Hans Clauadetscher der zit als ein statt halter vnnd richter inn disem hie nach geschribnen hanndel bekennen vnnd thun kunnd aller menncklichem mit disem offnen briefe, das jeh vff hüt datum vß gwalt vnnd beuelch vnnsers heren lanndtuogts der zit der edel vest Johannes Anndreas de Lanngfranck von Pischglaf¹ jm namen vnnd an statt vnnserer gnedigen herren der Dryen Pünnten ein offen verbannen gericht mit den fünf fromden nach ordnung vnnsers punnts alhie zu Malanns2 vff der radtstuben an gewonnlicher gericht statt besessen hab. Do kam alda für mich vnnd dz verbannen gericht die edel vesten ersamen vnnd wysen lüt mit namen houptman Andriß Enderly jetz statt vogt zu Meyenfeld, houptman Lutzy Gugelberger, alt werchmeister Thoman Adannck, werchmeister Lentz Nouser vnnd Vest Adanck, all von Meyenfeld³, jm namen jrer ganntzen gemeind vnnd burgerschaft daselbs als cleger eines theils, Vly Anhorn, Flip Marugk, Josue Frieß, Thoman Herman, Hanns Boch vnnd Adam Adannck all von Flesch⁴ jm namen vnnd an statt vnnd als vollmechtig gwalt haber jrer gemeind daselbs antwürter annders theils, verfürsprechetennd sich gegen ein annder nach ordnung deß rechten. Vnnd liessend gemelte von Meyenfeld reden durch jren mit recht an gedingten fürsprechen, wie sy jn etwz wider wertigkeit vnnd vnwillen gegen denen von Flesch komen syend, dz jnen von hertzen leid sy, dann sy habend vor malen etlich recht mit jnen ghan Tardiß bruck⁵ betreffende, dem selbigen rechten vnnd vrtel noch nit statt geschehen sye, setz aber vm ein andren hanndel ouch in recht komen, namlich die pfrund vnnd der selbigen guter betreffende. Das hab sich also zu getragen: wie sy also jn etwz vneinigkeit gegen ein anndren syennd, habennd sy sich vor etlicher zit mit ein anndren wellen vertragen vnnd die pfrund mit ein anndren wellen theilen, dann sy habennd pfrund guter, weliche in einnen bösen abganng komen syend, ouch so komend sy oft von solichs wegen zesamen vnnd ganngend alwegen groß costig vf, derhalben, so jeder theil das sin besunder hab, könnend sy es versorgen vnnd darmit hanndlen vnnd thun, wie jedes theil sin gedenck zů geniessen etc. Vnnd syend der halben ein mal oder zwey zesamen komen vnnd habend die von Flesch sampt den berglütten ge-

¹ Poschiavo, Kreis Poschiavo.

² Malans, Kreis Maienfeld.

³ Maienfeld, Gem. und Kreis.

⁴ Fläsch, Kreis Maienfeld.

⁵ Tardisbrücke über den Rhein.

houschet dz halb theil der pfrund, sy von Meyenfeld hand vermeint, inen den drittentheil ze geben, dann es hore jnen nit me, doch habend sy jedermans rechten one schaden zu beiden theilen wytter mit ein andren versücht vnnd aber nit eins können werden, dann sy vermeint hannd, sy habend jnen das jren, als vil jnen gehöre, vnnd etwas me wellen gen, nun dz sy ze růwen komend, vnnder annderem habennd sy jnen ouch den hof vff der Steig¹ angebotten mit etwas vorbhalt vnnd ouch vff gfallen jrer mit burgeren. Vnnd als sy dz selbig der gmeind vor ghalten hannd, habend jre mitburger die Steig nitt wellen von hannd geben, vnnd als sy solicher hanndlung nit eins habend können werden, syend sy also vff recht komen vnnd vermeinend jetz, das sy von Flesch ein theilung mit jnen thun söllend, dann sy habend vormalen der theilung ouch begert vnnd söllend den dritentheil der pfrund nemen mit sampt den berg lüten, dann inen nit me zů hore, dann sy habend allwegen in keinen gnußsaminen noch entgeltnussen nie me dann den driteil golten. Vermeinend derhalben, by jren alten fryheiten vnnd gerechtigkeiten zů beliben vnnd daruon nit getrengt werden, dann so sy me gerechtigkeit hetend, stundend die berglüt ouch by inen, die selben aber wyssennd wol, dz sy nit me dann den driteil sampt den Flescheren gelten sonnd, derhalben sy soliche theilung annemen vnnd thun sollennd, weders theil dann sin pfarrer nit erhalten mog vß sollicher gült, dz sőlle bilich nach bůtzen. Es hab sich ouch zů tragen sit die alten predicannten ab gestorben sind, das man oft hab mussen nach butzenn, jetz an eim ort dann am annderen, ouch an den kilchen müssen beesseren vnnd tecken, da habennd sy allwegen die zwen theil vnnd Flescher vnnd berg lüt den dritentheil geben, dz habennd sy also biß har gebrucht. Es hab sich ouch zu tragen, do sy aber einen pfarrer gedinnget vnnd angenomen hannd, der hab die zinß vnnd gült nit wellen selbs inziehen. Do habennd sy mit ein andren ein vogt verordnet, solichs inzeziehen, do heigennd sy von Meyenfeld zwey jar einen dargen vnnd Flescher vnnd berglüt das drit, vnnd wyter habends Flescher nit wellen thun, sunnder gseit, sy syend nit me schuldig, hie by abzenemen, dz sy selbs domalen bekennt hannd, das sy nit me dann den driteil gelten sonnd. Das was ein mal jr klag mit me worten vnnötig ze schriben. Hieruf gemelte von Flesch ouch antwurt gabennd durch jren mit recht angedinngten fürsprechen, wie es sich zů tragen hab, das sy jn etwas spen mit den Mayenfelderen komen sind,

¹ St. Luzisteig.

welches jnen ouch leid sy, derhalben sich bedacht vnnd mit jnen ein versuch wellen thun, doch jedermans rechten one schaden, ob sy die pfrund mit jnen köndend theilen, vnd syend also zesamen komen ein mal oder zwey vnnd habennd mit ein annderen versücht vnnd syennd so wyt komen biß an fünnf züber win güldt, dz habennd sy Meyenfelder jnen nit wellen gen, vnnd habennd also zerschlagen. Dz sy aber dz halb theil der pfrund gehöuschet hannd, vermeinend sy billich geton haben, dann es hab sich begen vor dryssig oder viertzig jaren, als dz euangelium angenomen vnnd die meß abgeton sy, do syennd all dry gmeinden zesamen gsessen vnnd sich beradten vnnd beschlossen, namlich dz man zwen pfarrer angenomen vnnd jewedrem pfarrer halbe pfrund geben beiden glich, die söllennd all sunntag einer vß der statt zwen sunntag vff Dsteig vnnd einen gen Flesch gen predigen, vnnd habennd also die pfrund glich theilt vnnd sye also biß har gebrucht vnnd gehalten worden, vermeinend der halben noch by sőlichem zů bliben vnnd daruon nit getrengt werden. Die wyl aber nit beesser glück sy, dann das sy jnn sőlichen vnwillen gegen ein andren kon syennd, heigend sy solichen versuch wie obstadt mit inen gethon jedermans rechten on schaden, vermeinend deß selben nit zů entgelten. Ouch dz die berglüt von inen gstannden sind, sye die vrsach, dz man inen dz halb teil der pfrund, wie billich wer, nit hab wellen gen, suß werend sy nit von inen gstanden, dann sy haben in kein costung wyter wellen in gon vnnd by jrem alten bruch bliben, wie es veranlasset sye me dann vor dryssig jaren, vnnd vermeinend bim selbigen ouch zů beliben. Dz sy aber vermeinend, sy söllend den driteil gelten, dann sy heigend alwegen in allen gnußsaminen vnd entgeltnussen nie me golten, sagend sy, es sy nit minder, jn allen anndren dingen habend sy nit me golten vnnd redend nit darwider, aber inn disem hanndel sollend sy das halb theil gelten, dann es sye also ab gleitt vnnd bißhar ghalten vnnd gebrucht worden, wie vor gemelt jst. Dz sy aber in allen entgeltnussen nit me dann den driteil geben hannd, sye die vrsach, dz sy die von Meyenfeld hannd lassen machen vnnd hanndlen, wie sy gůt bedunnckt hat, biß fern als sy das halb teil der pfrůnnd gehouschet hannd, habennd die von Meyenfeld ein frag an sy gethon, so sy das halb theil der pfrund anforderend, ob sy ouch das halb theil der entgeltnussen abtragen vnnd bezalen wellennd. Do habennd sy jnen zur antwurt gen, sy wellend ouch dz halb theil abtragen vnnd bezalen, dann vor hin sye jnen nie nüt wyters gehöuschet worden, suß hetend sy es ouch gen. Das was ein mal ir antwurt, mit me worten nit not ze melden. Vnnd die wyl sy klag

vnnd antwurt nit eins warend, pittend sy zů beiden theilen kunntschaft der warheit darum zů stellen vnnd verhören, es sye lůt old brief, welches jnen nach dem rechten einhellencklich erkennt ward. Vnd vff beider partyen zügen stůnnd dar meister Jacob der zimerman vnnd redt, wie es sich zů tragen hab, dz jm die von Meyenfeld sampt den Fleschren vnnd berg lüten, wie sy dar zů verordnet gsin sind, jm die kilchen vff der Steig verdinget habend ze tecken, vnnd als er die teckt hab, heigend sy mit jm abgerechnet vnnd habe sin lon ertragen zehen gulden vnnd nün batzen. Do habennd im die von Meyenfeld geben die siben gulden vnnd ein batzen, das annder heigend im die von Flesch vnnd berg lüt geben, dz sy im wol ze wyssen. Darnach stunnd dar der pfarrer von Malanns her Bartlome Mütsch vnnd redt, wie es sich zu tragen hab, dz er hie har gen Malanns sy komen, sye er ouch zů den predicannten gen Meyenfeld etwan gewandlet, vnnd sy von Meyenfeld syend ouch etwan zů jm komen, erstlich syennd die alten da gsin, die syend gar wol eins gsin vnnd wol zefriden, die habend gsagt, dz sy die pfrund jewedrer das halb theil jn neme, vnnd also syennd anndre ein andren nach ouch dar komen, die nit alle gar wol zefriden gsin syend, sunder etwz kibs jewylent gewesen, doch sy jm nit annders ze wyssen, dann dz, wenn zwen pfarrer da gewessen sinnd, dz sy die pfrund allwegen mit ein annderen glich getheilt habennd, sy habend ouch den dienst glich versehen, anderst sy jm nit ze wyssen. Ouch wurdend vf gleit gar vil brief von beiden theilen, welche nach noturft vnnd gut benügen der partyen ouch verlesen vnnd verhört wurdennd. Daruf die bemelten von Meyenfeld wyter reden liessennd, wie nun jetz verstannden sy jnn der kunntschaft, das sy von Flesch nie me dann den driteil geben habend sampt den berglüten an den entgeltnussen oder köstigen, so man etwas gebuwen vnnd gebeessert hat, ouch hab man jetz in einem spruch brief zwüschennd inen vf gericht heiter verstannden, als sy den hof vff der Steig verlyhennd, der nun der pfrund zu höre, nit me dann den driteil zu besetzen habennd vnnd nie annderst gehöuschet, ouch in all annder weg nie me golten dann den driten theil, dar by sy noch bliben söllend, vnd söliche pfrund dem selben nach getheilt werden söll. Ouch heigend sy allwegen die dry helgen tag jnn dstatt mussen zur predig, deß glychen die kinnd hin in tragen ze touffen, ouch die vesper predig vnnd jnn der wuchen zwey mal, das sy allwegen dry bredigen inn der statt habend, wenn sy laussen eine, darby zů ermessen sy, dz jnen die zwen theil der pfrund ouch zu hore, vnnd vermeinend, sy solle also geteilt werden, dann sy Flescher habennd vorhin ouch der theilung begert vnnd ob sy jetz nit theilen weltend, soltend sy mit dem rechten darzů gewisen werden etc. Hieruf die von Flesch abermalen antwurt gabend vnd vermeintend, wie sy in jrer anntwurt gen habend, darby zů beliben, dann man hab inn der kunntschaft verstannden, das die pfrund alwegen glich geben vnnd gebrucht sye, obschon sy von Meyenfeld vorhin etwas me dann sy vsgeben, habend sy sich vorhin erbotten vnnd erbüttend sich noch, das selbig zů erstatten vnnd allwegen das halb theil zů erlegen nach lut der pfrund, die inen ouch das halb teil zu höre. Deß hofs halb vff der Steig wyssend sy wol, dz sy jnn der besatzung nit me dann den driteil habend, aber die gült oder der zinß darab höre inen halb an die pfrund als wol als der statt vnnd diene jnen als wol daselbs hin als den burgeren, vnnd redennd inen inn den selbigen brief gar nüt. Der helgen tagen der vesper vnnd der wuchen predigen halb sagend sy, dz sy vff die selbigen tag gern inn die stadt gangen syend, dz gots wort ouch daselbs ze hören, suß hettend inen die predicannten wol so uil zlieb ton vnnd werend zů jnen hinus komen, ouch, so sy es jnn der wuchen begert hetennd, werend sy ouch hinus komen. Sy fragend aber nüt darnach, wie offt sy jnen jnn der statt gebrediget habend, sy Flescher habend sich deß sunntags benügt, vermeinend, deß selben jetz nüt zu entgelten vnnd by jren alten brüchen vnnd by halber pfrund zu beliben vnnd daruon nit getrenngt werden vnnd inen wol geantwurt haben etc. Sölichs alleß ward nach lanngem zů beiden theilen zů recht gesetzt. Vnnd vff klag vnnd antwurt red vnd widerred vff kunntschaft vnd vff verhörung der briefen vnnd vff alleß dz jnn disem rechten gebrucht ward vnntz vff beider partyen gůt benügen vnd vf hören fragt jch obberürter richter vm die recht sprecher einen jeden by sinem eeid, was darum recht wer. Do ward vff min vmfrag mit der meereren vrtel erkennt vnnd gesprochen vnnd gab man denen von Meyenfeld die wal, ob sy die pfrund mit denen von Flesch vnnd berglüten nutzen vnnd bruchen wellennd in aller form vnnd gestalt, wie sy jetz sitt dryssig jaren gebrucht jst, oder ob sy die mit jnen theilen wellend wie hienach stadt, namlich so sy sy theilen wellennd, sonnd sy die jnn zwen glich theil theilen vnnd die burger dz halb theil han vnnd Flescher vnnd berglüt sonnd ouch dz halb teil nemen, vnnd vß dem selbigen halb theil söllennd die von Flesch vnnd berglüt denen von Meyenfeld noch zehen gulden jerliche gült hinus geben, vnnd sol also getheilt sin. Ouch jst einhellencklich erkennt, ob etwas köstig oder entgeltnussen vf ganngen werennd dise pfrund betreffennde, die nit verrechnet oder gereidt we-

rennd, sonnd sy beid theil erstlich mit ein annderen nidersitzen, vnnd so uil sich befinndt, das nit gereit were vnnd verglichnet, sonnd sy mit ein annderen rechnen vnnd reidten nach lut der pfrund, wie sy jetz getheilt jst. Ob sy aber nitt theilen weltennd, sonnd sy doch aber alle engeltnussen oder costig dise pfrund betreffende beschehne vnd so hernach kon wurdend theilen in aller form vnnd gestalt nach lut der pfrund, wie hie ob erkennt jst. Wyter wurdennd alle besiglete brief spruch brief vnnd andere, so da vf gleit warend, mit jrem inhalt in kreften erkånndt etc. Diser vrtel vnnd hanndlung begertend sy zů beiden theilen brief vnnd sigel, welches jnen jeder party jn jren eignen costig ze geben einhellencklich erkennt ward, deren zwen von wort zu wort glich lutende mit einer hannd geschriben sinnd, die jeh obgenannter richter von deß rechten wegen mit deß gerichts zu Malanns eignem anhanngenden jnsigel besiglet vnnd verwaret hab, doch mir vnnd einem gericht allen vnnseren nachkomen one schaden. Die geben vnnd geurteilt sinnd am driten tag brachmonats gezelt von Christy vnnsers lieben heren vnnd sålig machers geburt thusend fünnfhunndert sechtzig vnnd jm nünnden jare etc.

Nr. 156 5. Januar 1570

Die Nachbarschaft Latsch löst ihr zustehende Zehntrechte von Bergün und Stugl ab.

Or. Pg., GA Bergün/Bravuogn Nr. 33. Siegel der Gemeinde Bergün fehlt.

Wir hienach benambtten Jan Cla Caspar der zytt dorffmeister zů Latsch¹, Jan dilg Janett vnd Caspar dilg Brescha beitt gschworne der zytt in Latsch auss befelch vnd mitt volmechttigen krefftigen vnd vollen gwalt einer gantzer nachpurschafftt Latsch beckhennent vns hiemitt offenlich vnd thůnd aller mencklichen khund für vns vnd al vnser erben vnd nach khommen in vnser vnd einer gantzer nachpurschafftt Latsch, wie wir empfangen ingenomen vnd erhollett habend von den zweienn nachpurschafftten Bergün² vnd Stuls³ den halben zehenden, so wir vor malen inen endvor

¹ Latsch, Gem. Bergün/Bravuogn.

² Bergün/Bravuogn, Kreis Bergün.

³ Stugl, Gem. Bergünn/Bravuogn.

hattend, darumbenn wir mitt ein andren langen zytt in schwebenden rechtten vnd hadren gelegen synd. Die selben halb zehend also auff rechtt vnd redlich von innen in genommen vnd empfangen habend gantzlich vnd rechtt nach vnserem gutten benügen vnd solche an vnserem besten nutz vnd frommen gewend, als nemlich, so wir vnser klocken zů sant Nicklas¹ hand giesen lassen, die meistrans vnd auch metal mitt ab zalt. Darumben wier by vnseren trüwen vnd eeren nitt alein wir, sonder alle vnser nachkhommenden vnd ein gantze nachpurschafftt Latsch den beiden dorffren Bergün vnd Stuls geloben sagende zů vnd versprechennd, sy vff das künffttig biss in die ewigen zytten vmb bemelt halb zehend vnd allen anderen ansprachen daran nümmen mer ze besüchen noch ze molestieren in keinerley wyss noch weg, sonder vns des ze benügen ewicklich. Sagend der halben als vmb bemelt halb zehend vnd al andere anspråchen darumb die zwen nachpurschafftten und wer quittieres darumb mangel bar ist quitt fry ledig vnd loss biss zu ewigen zytten. Vnd des alles wie obstad zů merer sicherheitt vnd warerer vrckhund habend wir genand dorff meister vnd gschworne von Latsch als für vns vnd einer gantzer nachpurschafftt Latsch trüwlich gebetten vnd erpetten den frommen vnd wysen amman Cristoff Tschender, dz er am ende diss [briefs] des gemein Bergün insigel getrucktt hatt im vnd der gantzen gemein on schaden. Der geben ist nach der geburtt Christi Jesu tusig fünff hundertt vnd im sybenzigesten iar am fufften tag jenuer.

Nr. 157 1. Dezember 1571

Die Stadt Maienfeld vereinbart mit den Nachbarn von Rofels, Stürfis und Guscha, dass diese ihr all ihre Rechte an der - früher gemeinsamen - Pfründe überlassen. Dafür soll Maienfeld die Kosten für den Unterhalt der Kirche und des Friedhofs allein bestreiten und ihnen den Prädikanten unentgeltlich zur Verfügung stellen.

Or. Pg., GA Maienfeld Nr. 254. Siegel des Gregorius Karl von Hohenbalken abhangend.

¹ Kirche St. Nikolaus in Latsch.

Wier stattvogt werchmaister vnd radt imm nammen ainer gmainen burgerschaft Mayenfeld1 bekhennend vnß hie mitt dysem brieffe, das wier vnß güőtengklichen vnd früntlichen vertragen habend vnd vberkhommen sind mitt vnseren getrüwen lieben nachpuren vnd gmaind Rofels2 mitt sampt dem berg Stürfys³ vnd vff Mutzen⁴, wie das dann von wort zů wort hienach volgett, dem jst also, das namlich die gemaind Rofels mit sampt jeren vorgemelten zugewanten vnd nachpuren ainer gmainen burgerschaft zů Mayenfeld vbergeben habend alle jere recht vnd gerechtikaiten, so dann die dry gmainden Mayenfeld Flåsch vnd Rofels mitt den jerigen an der predicatur oder pfrund mitt ain anderen gehept, es syge an gubteren huseren stallung vnd stådlen gelt win korn zins oder zåchenden gantz nütt vßgenommen noch vorbehalten, glych wo ås ligt oder gelågen jst, zů vnseren von Mayenfeld aignen handen stellend vnd vbergebend dyser gestalt, das die von Mayenfeld nun hinfür gutt gwalt füg vnd recht haben söllend vnd mögend, sy vnd jere nachkhomnen mit dyser vnserer vbergebnen gerechtickait wie obstadt schalten vnd walten thun vnd lassen als mit andrem jerem predicatur vnd pfrund gutt von vnß gemelten von Rofels vnd zů gewanten ouch allen vnseren nachkomenden one allen intrag vnd wyderred jetz vnd harnach inn die eewickait. Dargegen so habend wier ernampte burgerschafft zů Mayenfeld der vorgemelten nachpurschafft zů gesagt vnd versprochen, die kylchen vff der Stayg⁵ mit sampt der lychlåge den frithoff inn gutten wurde vnd eeren erhalten inn die ewickaitt vnd ouch jeden anderen suntag, nach dem vnd die predig zů Mayenfeld für jst, vnseren predicanten fürderlich vff die Staig schycken, inen alda ain predig zů thůn schuldig sin. Vnd ob ås sych begeben wurd, das durch den predicanten ain predig oder mer versumpt wurde, so soll år schuldig sin, die selbigen vff das fürderlichest zu erstatten, darmit inen khain abgang geschäche. Ouch habend wier jnen versprochen, so ås die notturfft erforderen wurde vnd das kranck personen vnder jnen wårend, die des predicanten begertend, soll år schuldig sin vnd pflychtig, die selbigen zů trosten vnd

¹ Maienfeld, Gem. und Kreis.

² Rofels, Gem. Maienfeld, gehörte mit den über den Nordabhang des Falknis bis an die Tore des Städtchens Maienfeld hinunter verstreuten Hofsiedlungen Vatscherinerberg, Bovel, Stürfis und Guscha (früher Mutzen) zur Walsergemeinde Berg. Vgl. P. ZINSLI, Walser Volkstum, S. 490, Anm. 129 und 129a.

³ Stürfis, abgegangene Siedlung, Gem. Maienfeld.

⁴ Mutzen = Guscha, Gem. Maienfeld.

⁵ Kirche St. Luzius auf der St. Luzisteig.

inn gott ermanen nach synem besten vermögen. Glichsvalß soll år inen die kinder zů thouffen schuldig sin als ainem burger. Es sőllend vnd mőgend die berglütt gutt füg vnd recht haben, inn die pfarrkyrchen zu Mayenfeld ze gon zů der predig nach jerem wyllen vnd gefallen, sy sốllend ouch als getrüw liebe kylchgenossen erkhent vnd gehalten werden. Wier habend inen ouch zů gesagt, ainen erlichen gelerten predicanten zů haben vnd erhalten, der das wie obstadt schuldig vnd pflichtig soll sin nachzůkhommen vnd ze halten. Wier habend vnß ouch verwylliget vnd versprochen, ain predicanten vnd was dem dienst gottes zů hőrig jst jnn vnserem aignem chostung one der berglüten schaden müßg noch arbiet daran gantz nüt schuldig sin söllend wåder jetz noch harnach zů ewigen zyten. Hiemitt so vbergebend wier von Rofels mit sampt vnseren zů gewanten den ernampten gmainen burgeren vnd allen jeren nachkhomnen dyse nachbenampte vnser zu gethailte predicatur gutter: Erstlychen vff der Staig inn der vnderen bünthen den drittenthail von dem halbenthail mit dem drytthail des stadels vnd jnn der oberen bünthen ouch den drithail von dem halbenthail nach vßwysung zyl vnd marchen. Meer jmm kelber wyßle nach vßwysung der marchen, stost oben an hern werchmayster Thoman Adancken gutt, hinden zu an das holtz. Meer am huß vnd garten vnd hoffstatt den achtendenthail. Item den oberen pfrund wingart den drittenthail inn der mitte der reben vnd den drittenthail wasen gegend der gassen nach vßwysung der marchen. Meer das pfrund huß vff dem platz. Mee von den dry züberen win zins, so ain apt von Pfåfers jårlichen hie zů Mayenfeld gybt, die zwen züber vnd drü fiertel. Item an gelt zins soll Peter Senty zway pfund pfennig vnd vff Bowyger wyß dryssig schilling nach vßwysung brieff vnd sygel. Meer vß dem jartzit bůch nün batzen gybt Andres Henny. Me fier schilling gybt Vrban Mutzner. Meer ain batzen vff dem infang ob der Ganßneren huß. Söliche zusagung vnd vbergebung soll also zů bayden syten, wie obgeschriben stadt, war ståt vnd vest inn die ewykhait gehalten werden one allen intrag wyderred vnd gefherde. Es sind ouch dyser brieff zwen glichförmig geschriben, jede parthy den ainen behalten. Vnd des alles zů warem vestem vrkhund vnd merer sycherhayt so habend die edlen eeren vesten vnd wysen herr houptman Andreas Enderlin statvogt vnd herr houptman Lucius von Moß genampt Gugelberg werchmayster zu Mayenfeld jmm nammen des radts vnd gemainen burgerschaft vnd Vrban Mutzner vnd Andres Ganßner imm nammen jerer gmaind Rofels vnd zůgewanten mitt flys vnd ernst gebetten vnd erbetten den edlen vesten fürnemen vnd wysen herren houptman Gregorius Karle von Hochenbalcken vnd Aspermont herr zů Haldenstain dyser zytt landtvogt der herschaft Mayenfeld, das år syn aigen jnsygel offenlich an dysen brieff gehenckt hatt, doch jmme vnd allen sinen nachkomnen one schaden. Die geben sind am samstag vor Nicolay nach der haylsamen gepurt vnsers herren vnd erlösers Jhesu Christy fünfzechen hundert sybentzig vnd ain jar.

Nr. 158 10. Juni 1573

Vertreter von Surcasti, Uors, Rungs, Caglia, Crestas, Camuns und Tersnaus urkunden, dass die sieben Höfe zu St. Martin, nämlich Mariaga, Munt, Travisasch, Haspel, Lunschania, Montaschg und Feistenberg auch zur Kirchhöre Surcasti gehören.

Or. Pg., PfA Tersnaus A 7. Siegel der Gerichtsgemeinde Lugnez abhangend.

Wir dis hie nach genempten personen, jch Hanns von Kamonts¹, Joss von Mont vnd Thuwysch von Kamonts jn namen gemeinen nachpuren zů Ober Kastels² eins theils, vnd ich Joß Rysch, Kurauw Loring in namen gemeinen nachpuren zů Furt³ Rungs⁴ Gaillia⁵ vnd Krestas⁶ des andern theils, vnd ich Loring Rysch, Bastion Jan Pinckh vnd Härtli Flurinet jn namen gemeinen nachpuren zů Kamonts des thriten theils, vnd ich Ballun Loring Bernhart, Jacob Crist Jacob jn namen gemeinen nachpuren ze Thertznaus⁷ des fiertenden theils vergehent allgemeinlich vnd vnverscheidenlich für vns vnsern erben vnd nachkomen, wie vnsere kilchery ze sant Lorentz^{a)8} kilchen einem kilchery zů Pleyff⁹ zů gehördt hatt vnd das vnsere kilcheri vnd die kilchery zů Pleiff ein kilcheri vnd ein ding gewessen ist vnd wir alle schuldig sindt xin gen Pleiff ze gon vnd daselbs das wortt

¹ Camuns, Kreis Lugnez.

² Surcasti, Kreis Lugnez.

³ Uors, Gem. Uors-Peiden, Kreis Lugnez.

⁴ Rungs, Gem. Camuns.

⁵ Caglia, abgegangener Hof, Gem. Camuns.

⁶ Crestas, abgegangener Hof, Gem. Camuns.

⁷ Tersnaus, Kreis Lugnez.

⁸ Pfarrkirche St. Laurentius in Surcasti.

⁹ Die Pfarrkirche St. Vincentius in Pleif war die Mutterkirche des ganzen Lugnez.

gottes ze verhörenn vnd einem herr priester zů Pleiff schuldig sindt xin, vnsere pfrundt ze geben. Vff sölichs so habend vnsere from altvordernn durch die gnadt gottes sich bedacht, ein besondere kilcheri ze machen zů Ober Kastels ze sant Lorentz kilchen, vnd habend sölichs begert ze machen durch mengen weg kumlichait wegen, es were mit denn todten vff gen Pleiff ze füren oder vff ze gon, das wort gottes ze verhören. Vff sölichs so sindt vnser vorgemelt aldt vordernn zu einem hoch würdigen fürsten vnd herren byschoff zů Chur zů kert vnd daselbs von sinen fürstlichen gnaden begertt, das sin gnadt sölte so wol thun vnd jnen zu geben ein besondere kilcheri ze machen ze Ober Kastels ze sant Lorentz kilchen, dan es käme inen wol vnd were inen kumlich in mengen kumlichait wegen. Vnnd vff jren begeren so hat sin fürstlichen gnaden jnen zu geben vnd erloubt ein besondere kilcheri ze machen ze sant Lorentz kilchen, weliches wir gut brieff vnd sigell darumb habend¹. Vnd jetz so ist es nit minder, das vnsere lieben gethrüwen nachpuren vnd gutt fründt in die lücheren der siben höffen ze Sant Martis² vff Marnagia³, vff Mondt⁴, vff Thrawasasch⁵, jm Haspell⁶, ze Lundtzschaneia⁷, ze Mondtaschg⁸ vnd jm Feisten Berg⁹ ouch alle in der vorgemelte vnsere kilcheri zů sant Lorentz zů gehörendt, vnd sy aber nit in vnsern brieff, so wir von den vorgenampten fürstlichen gnaden habendt, nit in geschriben vnd vff zeichnet worden sindt. Vnnd darumb, das vnseren vorgemelten lieben nachpuren der siben höffen ouch ein vrkundt habendt, das sy mit vns in der vorgemelte kilchery zů Ober Kastels zů gehörendt, so thůndt wir mengklichem kundt mit vrkundt vnd in krafft dis brieffs, das die vorgenampten vnserenn lieben nachpuren vnd gut fründt in derrenn obgenanten siben höffen mit vns in der vorgemelte kilcheri zů Ober Kastels ze sant Lorentz kilchen zů gehörendt, dan sy ouch irb) theil des pfrundts daran stürendt vnd gebendt einem herr priester der pfrundt ze sant Lorentz kilchen, vnd das ein herr priester jnen ouch schuldig ist ze versorgen als wol als vns, wie dan einen erwürdigen herr

¹ Vgl. oben Urk. Nr. 96.

² St. Martin, Kreis Lugnez.

³ Mariaga, Gem. St. Martin.

⁴ Munt, Gem. St. Martin.

⁵ Travisasch, Gem. St. Martin.

⁶ Haspel, abgegangener Hof, Gem. St. Martin.

⁷ Lunschania, Gem. St. Martin.

⁸ Montaschg, Gem. St. Martin.

⁹ Feistenberg, Gem. St. Martin.

priester zů statt. Vnnd also söllent wir vorgemelten gemeinen nachpurenn allgemeinlich vnd vnverscheidenlich wie vnseren erben vnd nachkomen söliche vorgemelte kilcheri vnd ouch der pfrundt by vnseren eiden vffenthalten schutzen vnd schirmen ze guten thruwen vngefarlich etc. Vnnd des alles ze einem warem vesten vrkundt so habendt wir obgenampten ich Hans von Kamonts, Joss von Mondt, Thuwysch von Kamonts in namen gemeinen nachpuren ze Ober Kastels vnd ich Joss Rysch, Kurauw Loring in namen gemeinen nachpuren ze Furt, Rungs, Gaillia vnd Krestas vnnd ich Loring Rysch, Bastion Jan Binckh, Härtli Flurinet in namen gemeinen nachpuren zu Kamondts vnnd ich Ballun Loring Bernhart, Jacob Crist Jacob in namen gemeinen nachpuren ze Thertznaus allgemeinlich vnd vnverscheidenlich für vns vnserenn erben vnd nachkomenn mit flyss vnnd ernst gebeten vnd erbetten den edlen vesten fürsichtigen ersamen vnd wyssen Hanns von Mondt¹ der zit landtaman in Lugnitz ouch alter landtrichter, das er gemeindt eigen insigell offenlich gehenckht hat an disem brieff, doch dem aman rath ouch gantzen gemeint one schaden. Der geben ist am zehenden tag junis do man zalt von der geburt Jesu Cristi vnsers lieben herrenn vnnd seligs machers fünffzehenn hundertt dry vnnd sibentzigistenn jare.

Nr. 159 6. Juni 1575

Der Ammann der Freien von Laax, Jochum von Jochberg, urteilt im Rechtsstreit zwischen den Vertretern von Castrisch als Klägern und der Nachbarschaft Sevgein als Beklagte, dass letztere verpflichtet sei, den Kornzins weiter zu entrichten. Gleichzeitig entbindet er sie von jeglicher Verpflichtung, sich an den Kosten für Renovation und Unterhalt des Dachs der Pfarrkirche in Castrisch zu beteiligen.

Or. Pg., GA Sevgein Nr. 21. Siegel der Freien von Laax fehlt.

Jch Jochum vom Jochberg der zit amman der fryen von Lax² beken offenlich vnnd thun kunth meingklichen mit dyßem brieff, das jch vff hütt da-

a) Lorentz über der Zeile. - b) jr über der Zeile.

¹ Hans von Mont, 1568/69, 1574/75, 1580/81 und 1586/87 Landrichter des Grauen Bundes.

² Laax, Kreis Ilanz.

tum diß brieffs ze Lax offenlich zu gericht gesessen bynn durch beuelch ainer gantzen gemeindt vnnd sonderlich von deß rechten wegen. Kam als da für mich vnnd offen verbanen gericht die fromen vnnd wysen Ragett Rig als ein kowig ze Kestris¹ vnnd Lienhart Baltzer vnnd Barnaban von Castelberg vnnd clagten hin mit iren mit recht erlopten fürsprecher amma Jan Ragett zu denen fromen vnd wyßen gemeindt nachpuren von Syffis² vff meinung, wie sy von Cestris vnnd Syffis ain pfarkilchen gesin sige vnd die von Syffis sigent schuldig vff enthalten das halb theill von einem flügell der kilchen tach. Witter so sigent die von Syffis schuldig, alle jar jren kilchen ze gen zwey fierttell gersten korn wie von alter här, sollend sy daß corn gen oder souil geld, wie das koren gerüfft ist. Vff somlich so syge jr beger an einem richter vnd gericht, sollent so wol thun vnnd die von Syffis vnder wisen, daß sy sollendt das tach helffen machen vnnd daß koren gen wie von alter här oder daß gelt, wie obstatt, mit mer wortten verstanden. Duo stunden herfür die fromen vnd wyßen Jacob Genill als ein kowig ze Syffis vnnd Peder Pitschen, Korauw Kaliesch vnd Jöry Bernardt in namen jr gemeindt gaben antwurt mit jren mit recht erlopten fürsprecher amma Risch Koray vnnd neme sy fast frömbd vff die clag, so die von Cestris vff sy füoren ladt, vnd sige nit minder, wie es ein pfar gesin sige von alten, vnd jetzen sigent sy von ein andren vnnd kein pfar mer mit ein andren heigent, so vermeinen sy, da kein tach an der kilchen nit schuldig sin ze machen. Witter so heigent die von Sax³ vier fierttell koren an einem liecht gelassen an sant Jörgen altar, die zwey fierttell sollend die von Cestris gen vnd die ander zwey fierttell sy, vnd vff somlich sit mall, das die von Cestris kein liecht nit mer handt, so vermeinent sy, dar kein koren nit mer schuldig sin ze geben, mit mer wortten verstandenn. Vnd nach clag antwurtt red vnd wider red vnnd alles, daß jm rechten komen ist, gnug samlich verstanden, so fragt ich obgenanten richter ain vrtell vmb ain jeden by dem eydt. Vnd nach miner vmb frag gab recht vnnd vrtell, sit mal daß die von Syffis schuldig sigent, der kilchen von Cestris alle jar zwey fierttell korn zinß gen sollent oder sechs zechen batzen für die zwen vierttell korn gen mügent, vnd hand die wall gen, daß corn oder daß geltt, vnnd den brieff, so die von Cestris in hendts handt, ist in crefften erkent, vnd sit mal,

¹ Castrisch, Kreis Ilanz.

² Sevgein, Kreis Ilanz.

³ Herren von Sax-Misox.

daß die beidt gemeinden kein pfarher nit mer mit ein andren habendt, so sigent die von Syffis nit mer schuldig an iren kilchen tach helffen machen noch vff enthalten. Vnnd vmb somliche vrtell begertten beidt parthien brieff vnd sigell, deß jnen mit der vrtell zu geben vnd erkent ist vff jren costen. So hab ich obgenanter richter vnnser gemeindt eigen jnsigell offenlich an dyßem brieff gehenckt von deß rechten wegen, doch mir amman vnd der gantzen gemeindt one schaden. Der geben jst am sechsten tag brachmonett da man zelt von Cristi vnsers erlösers geburtt thussent funffhundertt fünff vnd sybentzigisten jare etc.

Nr. 160 9. April 1577

Dienstvertrag zwischen der Nachbarschaft Samedan und ihrem Pfarrer Johann Gaudenz Planta auf fünf Jahre.

Or. Pap., StAGR D III R II/3b. Notariats-Imbreviaturen des Johannes Jenatsch, 1574-1586, Nr. 166, S. 128-129.

1577 die 9 aprilis^{a)}. Viri^{b)} viginti a convicis viciniæ iussu electi ex alpe quoque bini ad conducendum ecclesiæ antistitem concionatoremque dominum Joannem Gaudentii Plantam, qui ecclesiæ presit, die hodierno convenerunt eumque unanimi consentiente voce conduxerunt pactis infrascriptis: Primo ut ecclesiæ Samedinensi¹ presit omni studio pietate moribus doctrinaque omnibusque, que in officio concionatoris requiruntur, puram synceramque annunciando concionandoque evangelii doctrinam secundum traditionem Christi et apostolorum ab eclesia receptam, tam docendo quam arguendo reprehendendo castigandoque vitia, prout in concionatore requiritur, publice et inde commonefactione privata, respectu omni remoto personarum idque ad quinquennium integrum subsequens seu annos quinque continuos subsequentes, singulis diebus dominicis concionando nec non aliis festis diebus atque semel in septimana, si in ea dies festi non fuerint, invisendo ægros consolandoque eclesiamque nunquam tanquam mercenarius tempore afflictionis morborum sive pestis alteriusve contagiosi morbi deserendo, sed continue perseverando, quod si secus ageret seque gereret, quam concionatorem decet, potest removeri abdicarique officio etiam

¹ Samedan, Kreis Oberengadin.

quinquennio incompleto, viceversa si illi vicinia non staret pactis promissisque innintis potest et ipse alio se conferre aut etiam si alio vocaretur a capitulo, tunc astrictus non est. Gymnasium frequentius non habeat quam decem discipulorum viciniæ^{c)}, ex quavis alp[e] uno, quibus duos aut tres convictores adiungere potest, non plures, quorum salarium solutioque sit in singulis mensibus, latinum haurientes sermonem pro quolibet cr. 16, litteras syllabasque colligentes aut latinam linguam non discentes 12 cr. quolibet numeret, nec ulterius graventur scolastici vel lignis aut sevo. Ligna ipsemet paret vehatque ex sylvis ut coeteri vicini. Salarium eius annuale sit septuaginta Renensium et Renenses decem pro lignis, insuma Renensis octoginta, quos illi annuatim convici viciniæ numerare tenentur, non creditis aut schedulis, sed promptis denariis, anno finito. Corpora defunctorum dehinc in ecclesiam ne ferantur, sed statim humi mandentur et inde ingrediantur ecclesiam ad rem divinam peragendam. De baptizandis infantibus in ecclesia.

a) Es folgt Samadeni durchgestrichen. - b) Es folgt a con durchgestrichen. - c) viciniæ über der Zeile.

Nr. 161

9. September 1577

Die reformierte Partei in Bergün bittet Bürgermeister und Rat der Stadt Chur um Rat und Hilfe, um das ihnen durch einen Bundsabschied bestätigte Recht auf die Benutzung der Dorfkirche gemeisam mit den Altgläubigen, die ihnen das Recht bestreiten, durchzusetzen.

Or. Pap., StadtA Chur, Ratsakten. Druck: L. JUVALTA-CLOETTA, Kirchengeschichtliches aus Bergün, in: BM 1933, S. 185-187.

Nr. 162 1. März 1579

Bartholomäus von Stampa, Herr zu Rhäzüns und Hohentrins, einerseits, und Rat, Gericht und Gemeinde von Obersaxen andererseits, bestätigen eine Vereinbarung vom 4. Januar 1538 zwischen Hans von Marmels, ehemaligem Herrn von Rhäzüns, und der Gemeinde Obersaxen um Kirchengut, Kirchensatz sowie Erbhuldigung.

Or. Pg., StAGR A I/1 Nr. 374. Siegel des Bartholome von Stampa abhangend (in Holzkapsel), Siegel der Gemeinde Obersaxen abhangend (beschädigt). Unterschrift auf Umbug: Bartllmee vom Stampp herr zu Ratzunsz vnnd lanndshaubman jn Velltlin.

Zu wissenn kundt vnnd offennbar sy allermengklichem, die disen brieff sehen hören oder lesenn, das wir die hienach genembten Barthlome vom Stampp herr zu Ratzüns¹ vnnd Hohen Trintz² eins teils vnnd wir rhatt gericht vnd ganntze gemeindt vff Vbersax3 annders theils vnns miteinanderen vß wolbedachten gemüth verglichen vnd vertragenn haben, wie dann hieuormals wyllund Hanns von Marmels herr zu Ratzüns seelig vnd der vnseren vorgemelten voreltern ouch thon haben inhalt desselbigen vertrags, der also luttet namlich: Die abredung, so ich Hanns von Marmels zu Ratzüns gethann hab mit den fürnemen vnd wysen Martj Wiss Jennj amman zu Vbersaxen vnd Melcher Alig alt amman daselbst von wegen ir selbst vnd ein ganntze gemeindt zu Vbersaxen vff ir fründtlich ansinnen vnd begerenn, des bewilliget, dem ist also. Erstlich so hab ich mich vnd für mine erben, also lang vnd ich vnd min erben die herrschafft Ratzüns vnd am Vbersaxen vnabgelößt inhendtz handt vnnd nit lenger, das bewilligt betreffende die pfarr an obangezeigtem ortt, das herr Dietrych diser zytt pfarrer bliben zu Vbersaxen solle vnnd die gült haben, so dann ime von amman vnd ganntzer gemeind vffgenomen vnnd beschlossen worden. Er soll ouch gemeltem schriben in alleweg nach kommen, doch so sölle genanter herr Dietrich mich Hansen von Marmels des begrietzen vnd von nüwen von mir angenomen vnd bestettet werden. Zu dem annderen, so dann herr Dietrych den vffgesetzten todt bezalte vnd sin seel gott dem allmechtigen vberantwurtten oder sunst daruon stüendi, soll ich min erben jeder zyt die verlychung ouch des gwalt haben, ein annderen geschickten priester dahin ordnen vnd die pfarr verlyhenn vngesumbt einer gemeindt gemeingklich noch sonderlich, doch in der gestalt, das ich oder min erben, den ich dahin ordnen welte, den vor amman vnd gericht anzeigenn, vnnd ob sy ehehafft vrsachen anzeigtend, das die person nit tugenntlich darzu were, alßdann soll ich old min erben sy mit eim annderen versehenn. Item zu dem dritten, wenn sach wurde, das ein annder pfarrer angenomen wurde vnd er sich däs ietztgenanten gült zu sambt denn güeteren vnd hüser

¹ Rhäzüns, Gem. und Kreis.

² Trin, Kreis Trins.

³ Obersaxen, Kreis Ruis.

nit betragenn vnnd die narung by jnnen haben möchte, alßdann sollennd gemelt von Vbersaxenn vff min oder min erben anzeigenn sich gebürlich befinden lassen mit einer erbesserung. Wo aber wir vnns des nit vertragen möchtend, alßdan soll ich oder min erben ouch ein gemeind zu Vbersaxen zwenn verstendig vnparthiesch menner, der ein von mir oder min erben vnd den anndern von gedachter gemeind, darzu begert vnd genomen werden vnnd die besserung also innen vbergeben vnd verthruwt werden, doch was darin erkendt wirt soll an barem gelt jerlich bezalt werden. Item zu dem vierten hab ich innen vnd sy mir zugesagt, yedwederen den anderen by allen alten rechten, so by zyten Conradinen von Marmels vnd Rudolff von Marmels mines lieben enis seeligen ouch Rudolffen von Marmels mines lieben vattern zytten gehalten vnd gebrucht wordenn, bliben zu lassen, ouch iedwederem theill dem andern thun vnnd lassen verfolgenn, des er von alter her schuldig ist gewesenn, onne widderrede. Item dem fünfften so sonnd dickgemelt vom Vbersaxen mir die erbhuldung thun vnnd schweren vnd mich als iren herren empfahen vnd alles das thun vnd gehorsamkeit enzeigen, wie sy dann das von alter herr schuldig sind gewesen. Derglichen ich innen herwiderumb das by minen thrüwen vnd eeren an eydtsstatt sy ouch by jrenn alten fryheitten vnd rechte by zyten obgemelts Conradinen von Marmels etc. gehebt handt bliben lassenn, das vedwederem theill dem annderen zu recht schützen vnnd schirmen. Zum sechsten so sonnd wir die von Vbersaxen ein gloubhafftigen brieff vnd abgeschrifft, so sy herr Dietrich geben handt, mir zustellen vnd den mit des gerichts vnd gemeind sigell verferttigt werden, ouch den tusch brieff old in was gestalt Rudolff von Marmels des kouffs der herrschafft Vbersaxen halber einer gemeindt daselbst geben, mir zustellen vnd vberantwurtten. Zum sybenden der jntraden halber sollend die von Vbersaxen die geben wie von altem her vßgenomen wie harnach volgt. Hab ich innen die fründtschafft vnd liebe gethan, ouch als lanng ich oder min erben die herrschafft inhendig hand vnd nit lennger, dem ist also, so ein person in gemelter herrschafft Vbersaxen ettwas kouffte, daruon er dann die intraden schuldig wer vnd darnach ime nach der rechenschafft abgezogenn wurd, vnd aber es on allen betrug beschehe vnd also gezogenn wurde, soll alß dann der halb teyll der intraden bezalt werden. Item zum letsten soll obangezeigter vertrag in ordentlicher geschrifft zu beiden theilen gestelt vnd ich Hanns von Marmels mins theils vnder minem angebornnen insigell, ouch die von Vbersaxen irs thei[l]s mit des gerichts

vnd gemeindt jnsigell verferttiget werden zu Ratzüns anno etc. am vierten tagk jenner des tusent fünffhundert acht vnd dryssigisten gezelt¹. Vnnd nach dem wir obgemelten parthien vns dises vertrags vnd abredung verglichen, gloubend vnd versprechend wir, demselbigen, wie der vßwyset glicher gestalt vff vnns beidersitzs wysen soll, gethrüwlichen zgleben vnd nach ze komen. Zu warem vhrkund sind diser brieff zwey glicher lutt yedweder parthj einen geben, daran ich vorgeschribner herr zu Ratzüns für mich vnd min erben min eigen angebornen jnsigell vnd wir vorgemelten rhatt gericht vnd gemeind für vns vnd vnser nachkomen vnser gemeind jnsigell an disem brieff gehenckt vnd ich vom Stampp mich mit eigner handt vnd wir die gemeind mit vnsers landtschrybers handt in vnser aller namen vnderschryben lassen vff ersten tag mertzen als man zalt von der geburt Christi vnnsers lieben herren tusennt fünffhundert vnnd im nün vnnd sybentzigistem jare.

Nr. 163 27. *Februar 1583*

Das Gericht Obervaz entscheidet in einer Klage der Nachbarschaft Mutten gegen die Nachbarschaft Stierva auf Teilung der gemeinsamen Pfründe, dass im Fall einer Teilung alles, was für die Kirche von Stierva gestiftet wurde, dieser gehöre. Für ihre Rechte an der Kirche in Stierva sollen die Muttner 40 Gulden erhalten. Wegen der geringfügigen Entschädigung lehnen die Kläger die Trennung ab.

Or. Pg., GA Stierva Nr. 37. Siegel der Gemeinde Obervaz fehlt.

Jch Paull Hegk Bargamin der zitt lannd amma zuo Ober Vatz² bekhenn vnd thuen khund mitt disen ofnen brieff, wie vff hütt datto diß briefs für mich khommen vnd erschinen ist der erbar vnd wiser amma Jüri Hosang der zitt amma zuo Mutta³, amma Bastiaun Toman, Tüni Schadler, Lutzi Mattli vnd Jacob Paul, alle von Mutta, vnd liessen ein klag füeren durch iren mitt recht erloubten fürschbrecher potestatt Tuni Weber hin vnd zuo

¹ Die Urkunde vom 4. Januar 1538 ist im Or. nicht mehr erhalten. Eine spätere Abschrift befindet sich im GA Obersaxen Nr. 24.

² Vaz/Obervaz, Kreis Alvaschein.

³ Mutten, Kreis Alvaschein.

ein erbare nachparschaft von Stürfis¹, wie jre vorelter bed gemeinden Mutt vnd Sturfis ein schön vnd wol erbuwett khilchen oder gottshuss mitt ein ander einhelliklich vnd vnverscheidenlich gott dem almechtigen zuo lob vnd iren seelen zuo guottem erbuwett vnd gestifft mitt deren khilchen getzierden vnd inkhommen, wie ess aldo in bemelter khirchen vorhanden ist. Diewil aber nun inen der weg biss gen Stirfas zur khilchen zuo gan gar vast wittess halb beschwerdt vnd ir gmeindt Mutt aldo in irem dorff ein khilchen erbuwett, so vermeinendt sy, das ein erbare nachparschafft Stirfis schuldig sye, inen iren betreffenden theil an allem, so do vorhanden ist, ess sye pfruond khilchen getzierdt oder glokhen, zuo geben vnd lassen erfolgen an widerredt, domitt sy ir khilchen mögen irem fürnemmen nach vss buwen vnd volenden, vnd satzendt also zuo recht, mitt mer worten nitt nott zuo melten. Do sind die erbaren menner amma Jan Rudolph, amma Melcher Jan Mutt, amma Jan Peder, Paul dalg Peder, Jüri Janett vnd Jan Tüni vnd liessendt dem gemelten klag mitt irem mitt recht erlobtenn fürschprecher amma Zar Margaretta andtworten, wie waar sye, dass das gottshuss oder tempel wie obgemelt ædificiert vnd erbuett sye worden in der meinung, dass bede gemeinden do sollendt zur khilchen gon gottes dienst vnd wortt hören, khilchen vnd fritthoff mitt ein ander haben vnd bruchen, welches biss her geschehen, vnd hüttigss tags sich erbietendt sy fründlich vnd brüederlich mitt inen zuo leben vnd mitt inen wie von alter her die khilchen helfen erhalten, mitt vögten versorgen, illuminieren, ein briester dingen vnd in kheinerley weg sy von iren beder parthien gerechtigkheitten abtzu sünderen. Wellendt sy auch vffs höchst bitten, dass sy hüttigs fründlich vnd briederlich by inen wellend bliben vnd helfen, daß ir gottzhus werde gemertt vnd gebesserett vnd nitt geminderet. Dass sy aber dass gottshuss begeren zuo theilen vnd zertrennen, dass nemme sy gar frembt vnd vermeinend, ein ersam gericht solle bed parthien by iren alten gerechtigkheitten lassen bliben vnd die khirchen gar nitt zertrennen, dan wass gestift vnd erbuwett ist, ess sye pfruond khilchen getziert oder glockhen, ist in der meinung gestift, dass daselbig do bliben sol vnd anderstwo nitt erkhendt, vnd satzendt also zuo recht, mitt mer worten nitt nott zuo melden. Vnd vff klag andtwort redt widerredt vnd vff dass alless, so für recht ist khommen, so han ich gemelter amma ein jeder rechtschprecher by sinem eidt gefragett, was inen billich vnd recht dunkhett, vnd nach miner

¹ Stierva, Kreis Alvaschein.

vmfrag so hatt vrthel vnd recht geben wie hernach volgt. Erstlich die wil dass die khirchen erbuwett vnd gestifft ist zuo Stürfis, do dannen nütt zuo verruckhen weder an khilchen getziert noch an anderen dingen, wie daß genampsett mag werden. Jst aber denen von Mutta ein frie waal geben, by iren gerechtigkheitten, die sy zuo dem tempel gehabt, zuo bliben oder ab zuo weichen. So veer aber sy by irenn gerechtigkheitten vnd gemeinschafften wellendt bliben vnd verharren, so sollen sy von Mutta der khilchen lassen erfolgen, waass der khilchen gehörtt nach luth vnd meldung iren deren von Stirfis brieff vnd sigel vnd offt ergangnen vrthel, welche vrthel brieff vnd sigel in krefften erkhent sindt. Wo aber nitt, dass sy sich wolten von denen von Stirfis absünderen, so mögendt sy die von Mutta, wass sy der khilchen schuldig sindt, inhaben vnd nutzen nach irem fuog. Witter sollendt die von Stürfiss verobligiert vnd schuldig sin denen von Mutta zuo geben 40 gl. dico viertzig gulden am barem gelt vnd dieselbigen vff zwo fristen, halben theil vff mitten meyen vnd das ander vff sant Martini tag diss jars mitt pact vnd condition, dass die ab Mutta so lang vnd vil, dass sy ir khilchen nitt gar gebuwett vnd zuo gericht, das sy mögendt iren todten in dem von Stirfis fritthoff begraben, zuo khilchen gan, toufen vnd der khilchen gnüsen wie von alter her, vnd dannetthin sollen sy ab Mutta zuo der digk gemelten khirchen kheine gerechtigkheitt haben. Dessens haben sy die ab Mutta beklagt vnd fürgeben, sy wellendt für gemeinem gottshus. Do sind sy von ein amma vnd gericht ermandt, so sy sich dessens beschweren, so sollendt sy ein appellation begeren nach vnseren landen loblicher bruch, welliches sy in kheinem weg gethon wellen, sunder her für gestanden vnd habendt ein waal gnommen, sy wellendt by jrenn alten gerechtigkheitten, so sy von alter her zuo der khilchen gehabt, bliben. Do habendt die von Stürfis dessens zuo vrkhundt brieff vnd sigel vff iren costung begertt, welches inen von ein gericht zuo geben ist worden. Vnd do han ich gemelter amma Paull Bargamin der zitt landt amma zuo Vatz des durch befelch dess gerichts des commüns eigen insigel offenlich an disen brieff gehenkt, doch mir dem gericht vnd gantzen commün an schaden. Der geben ist den 27. tag februarii im jar do man zeltt nach der geburtt Christ vnsers seligmachers vnd heilandt dusig fünfhundertt vnd dry vnd achtzigisten jars. 1583.

Nr. 164 8. März 1583

Das Gericht Obervaz bestimmt in der Klage der Nachbarschaft Stierva gegen die von Mutten, dass alles, was in der Kirche von Stierva gestiftet wurde, dieser gehöre. Die Muttner werden von ihrer Abgabepflicht an die Pfarrkirche befreit und erhalten von Stierva als Entschädigung für den Verzicht auf ihre Rechte an der Pfründe 60 Gulden.

Or. Pg., GA Stierva Nr. 38. Siegel der Gerichtsgemeinde Obervaz fehlt.

Wir hie nach genanten spruch lütt amma Paull Bargamin der zitt lannd amma zuo Ober Vatz¹ sambt ein ersam gerichtt an einem gewonlichen gerichts statt ordenlich versamlett bekhennendt vnd thuöndt khundt mencklichem mitt disem offnem brief, wie dass die ersamen nachbarschaften Stürfiss² vnd Mutta³ in ein span vnd differenss gewachsen von wegen der khilchen oder gottzhuss vff Stürfiss ingentz, ess sye jerlich zinss schmals oder wie daselbig gnendt mag werden, lutt vnd inhalt briefen vnd siglen vnd vil felltige ergangnen vrtheilen. Den die von Stürfiss vermeinten, weil inenn ab Mutta ein frye waal von ein ersam gericht alhie gegeben by ieren gerechtikheitten, so sy zuo gemelter khilchen gehebt, zuo bleiben wie von alterher oder vmb so vil summa die selbige gerechtikheiten zuo verlieren, vnd die ab Mutta die waal genommen, by iren gerechtikheitten wie von alter her zuo bleiben, so begerten die von Stürfiss, dass sy ab Mutta sollten her stan vnd lutt vnd inhalt nechst ergangnen vrthel, alless dass, so sy der khilchen schuldig sindt, geben erlegen vnd betzallen. Die von Mutta aber vermeinten, die wil gricht vnd vrthel geben, dass ein gmeine rechnung solle zwischen bedt parthien geschehen, so wellendt sy inhalt ergangner vrthel nach geschechner rechnung inen geben, wass sy der khilchen schuldig sindt. Becklagtent vnd beschwertent sy ouch darneben, dass in gegebner waal inen gar zuo wenig summa für ir gerechtikheitten were erkhendt, so inen aber mer sum der billigkheitt naach were geben (weil sy ein khilchen selber vff Mutta gebuwen), so welten sy ir gerechtikheitt, so sy zuo der khilchen gehebt haben, vff geben. Vnd domitt vil zwitracht vneinigkheitt vil costung vnd schaden werde erspart vss

¹ Vaz/Obervaz, Kreis Alvaschein.

² Stierva, Kreis Alvaschein.

³ Mutten, Kreis Alvaschein.

fürbitt vnd rath eines ersamen gerichts vnd biderbelüthen, so habendt bedt parthien nemlich die ersamen vnd wisen amma Jacob Antüni, Jüri Janett, Paul Machia von Stürfess al dry in iren vnd in iren gemeind namen vnd die ersamen vnd wisen amma Jüri Hosang der zitt amma vff Mutta vnd Tönan dil Tüni, bedt in iren vnd in iren gemeindt namen, Jacob Fab, Tomästen Metza) sambt vil andere eerliche nachburen auss beder gmeinden einhelligklich mitt guotter vorbetrachtung ir span stoss vnd differenss in dess ersamen gerichts erkhandtnuss gesetzt, vnss spruchlütten auch ernstlich vnd einhellig gebetten, wir sollendt vnss in iren span bemüehen, darneben auch verheisett, dass alles, wass do geschbrochen werde, so wellendt bedt parthien ane widerredt sy vnd iren nachkhomenden ietz vnd zuo ewigen zitten darby bliben vnd dem selbigen gehorsamlich nachkhommen. Vnd die weil bedt parthien vnß ir span vbergeben, so habendt wir dass geschbrochen vnd gehandlet, waass vnss recht vnd billich gedunckt vnd für guot angesehen, dass bedt parthien dem selbigen sollen nachkhommen vnd zuo ewigen zitten darby blibenn. Erstlich ordenen vnd setzen wir spruchlütt, die weil nun ein ersame nachbarschaft Mutta ein khilchen angefangen zuo buwen vnd schir volendtt vnd wil sy ouch an denen von Stürfiss begert iren antreffenden theil an iren gerechtikheitten, so sy zuo der khirchen gehabt, daß die von Stürfiss sollendt ir khilchen getzirt sambt wass der khilchen zuo gehört vnd sy der khilchen schuldigb) sindt by der khilchen lassen, wie ess gestift ist worden, vnd denen ab Mutta sollen sy nütt schuldig sin darvon zuo geben. Wir ordnent ouch, dass die von Mutta weder sy noch iren nachkhomenden weder ietz noch zuo ewigen zitten khein gerechtikheitten noch ansprach sollend haben weder zuo der khilchen noch der khilchen getziert. Witter habendt wir gesprochen, dass die von Mutta, waass sy der khilchen zuo Stürfiss schuldig sindt an gelt schmaltz oder wie dass selbig genamsett mag werden, dass sy nichts siend schuldig zuo geben, weder ietz noch zuo ewigen zitten. Verrer habendt wir verordnett, dass die von Stürfis schuldig sin solten, denen ab Mutta zuo geben vnd erlegen vff zwayen zilen 60 gl. am barem gelt, die drisig vff mitten mayen diss jars vnd die ander 30 gl. vff mitten meyen des 84. Wurde sich aber begeben, dass die von Stürfis sumig wurden vnd das gelt nitt erlegen vff bestimbten zilen, vnd die ab Mutta wurden sich dessenss beklagen, so sol ein amma zuo Vatz schuldig sin, zwen geschwornen zuo in zuo nemmen vnd die von Stürfis dahin wisen, dass sy die sum bezallen mitt guottem werdt nach vnserem lands bruch. Letschtlichen habendt wir

geordnett, die wil die von Mutta ir khilchen noch nitt volendett, so mögendt sy ab Mutta (weil wir all sterblich sindt) ire abgestorbnen zuo Stürfiss begraben, zuor khilchen gan, ire khinder lassen toufen, so sy von Stürfiss ein pfarrer handt, vnd die khilchen gnüsen wie von alter her, so lang vnd vil sy ir khilchen vffgebuett, doch sollendt sy ir khilchen volenden sobald inen müglich ist. Vnd so ir khilchen vffgericht ist, so sollendt sy ab Mutta vnd iren nachkhomenden vorthin in ewigen zitten kheine gerechtikheitten noch ansprach zuo der khilchen von Stürfiss weder an iren getzierden nitt haben. Do nun der spruch erofnett, so habendt bedt parthien guottwilligklich angenomen vnd dem selbigen gehorsamlich nach zuo khomen, sy vnd iren nachkhomenden zuo ewigen zitten verheisen vnd ain stab an iren eidts statt angerüertc). Dessens zuo vrkhundt begertendt die von Stürfiss brieff vnd sigel, welches inen vff ir costung zuo geben erkhendt ist worden. Vnd zuo varen vrkhundt vnd mörer sicherheitt so han ich Paul Bargamin der zitt land amma zuo Ober Vatz auss befelch einess ersamen gerichts do zuo mal in obgeschribne diferenss spruchlütt vnser dess gmeindts eigen insigel an disem brief gehenkt, doch mir dem gericht oder spruchlütten vnd der gmeindt an schaden. Der geben ist nach vnsers erlösers vnd seligmachers Christi Jesu geburt dusendt fünfhundert vnd dry vnd achtzigistem jar 1583 den 8. tag marzii.

Joannes Flugius¹ plebanus Vaziensis scribebat.

a) Jacob Fab, Tomästen Metz von selber Hand am Rande mit Verweiszeichen. – b) schuldig über der Zeile. – c) vnd ain stab an iren eidts statt angerüert am Rande mit Verweiszeichen.

Nr. 165

Jan Durisch, Jan Ganschutti und Niklaus Schamun, Geschworene des grossen Gerichts im Schams, urteilen als verordnete Spruchleute in der Klage der Vertreter der Pfarrkirche St. Martin in Zillis gegen die Nachbarschaften Inner- und Ausserferrera auf Erhöhung des Beitrags derselben an die Pfarrkirche, dass die Beklagten jedes Jahr der Kirche sechs Gulden entrichten müssen, unabhängig von der Grösse der Pfründe.

¹ Johannes Flugi, um 1583 Pfarrer von Obervaz, 1601-1627 Bischof von Chur.

Wier dise hienach benempten amen Jan Durisch vnnd amen Jan Ganschutti vnd Niclaus Schamun all dry zu sömlicher zytt geschwornen des grossen ggericht in Schamps in der pfarrkilchenn am berg vnd in diser nachuolgender sach vnd span verordnette spruchlütt bekhenendt vnd thundt khundt allermengklichen in crafft ditz spruchs brieffs, demnach die ersamen amen Baltzer Schmidt vnd amen Schamun Wolff vnd Thomasch Lützi dla Resga all dry verordnette vögt der pfarr kilchen santt Marttinus¹ eins theils in span vnd stoss erwachsen sindt mit denen erbarren nachburen von Farrera² vnd Ganengüll³ von wegen der pfrundt zu erhaltenn den würdigen diener des wortt gottes, vnd allso zu merer ruow vnd einigkeitt beider theillen vnd jren nachkhomen vns vbergeben beitt parttienen alles, dz wier in disem gegen württigen span erkhenendt vnd ordinnierendt, dem sollen nach gan vnd gleben vnd ama) wenigisten nit verenderen noch ernüweren, sonder ewigklich vest zu halten. Vnd allso nachdem diser span vns wie obstadt vbergeben jst, so habendt wir obgemelte vögt in nammen der pfarrkilchen jr klag verstandten, wie sy habendt vor ettlichen verschinen jarren mit denen von Farrera vnd Ganagill gerechtett vmmb den pfründt vnd villichen auch da zumall in dethig wis vnd spruch erkhendt durch from büderblütt, dz die von Farrera vnd Ganengüll schuldig sigendt der obgemelte pfarr kilchen jerlich vnd alle jarr gl. 6 gutter guldin. Vnd nach dem so habendt die obgemelte vögt miesen ein anderen predigkhantt dingen vnd die pfrundt besseren ein gutt theill nit wenig, vnd die will dz sy habendt dye pfrundt miesen bessern, so vermeinendt die obgmelte vögt in nammen der pfarkilchen, die von Farrera vnd Ganengüll sollendt da herfür stan vnd nach anzall dz sy vorhin schuldig sindt gsin auch helffen zallen vnd abtragen von der jerlichen^{b)} sum, so sy habendt miesen besseren, vermeinendt allso jr klag bezogen zu haben, auch nit vnbillicht, dan sy jn irem thall Farrera vnd Ganengüll vill volg habendt vnd sy ein predigkantten auch teglich bruchendt mit tauffen vnd anderst, mit mer wortten die nit nott zu melten. Dargegen habendt wir auch deren von Farrera vnd Ganengüll anttwortt verstandten, wie inen der klag gar befrömbdte, so die obgemelte vögt in namen der pfarkilchen wider jnen gethan hatt, dan vor

¹ St. Martin in Zillis, Kreis Schams.

² Ausserferrera, Kreis Schams.

³ Innerferrera, Kreis Schams,

ettlichen verschinen jarren sigendt sy auch inn einem spruch vnd detig khomen von wegen der obgemelten pfrundt zu erhaltung gottes wortt, vnd da zu mall im spruch gemacht vnd ordeniertt, dz sy schuldig sigendt jerlich vnd alle jar zinss in der obgemelte suma stür zu geben sechs gutter guldinen vnd nit witter beschwertt werden jmer vnd ewigklich, geb wie uil sy dem predigkantt miesendt gebendt lützell oder vill vnd vermeinendt darby zu bliben vnd nit witter beschwertt werden, mit mer wortten etc. Vnd allso nach klag anttwurtt redt vnd wider redt khundtschafften verstandten, wie der vordrig spruch erkhendt sy vnd dz alles für vns khomen wartt, so erkhenendt vnd ordennierendt wir, dz die obgemelten nachburen von Farrera vnd Ganengüll schuldig sigendt in der obgemelten pfrundt jerlich vnd alle jarr besunder vf sant Marttis tag achtag vor oder nach zu richten vnd weren sechs gutter guldinen gen Züllis der pfarkilchen huss vnd hoff on allen costung vnd schaden vnd dz sy da nit witter schuldig sigendt zu münderen nach zu merren in ewigkeitt, geb wie gross oder klein die pfrundt sige. Vnd vmmb die obgemelte sechs guldin jerlichen zinss sindt dise hienach geschribnen personen oder jr erben schuldig wie hernach volgett: Erstlich soll der Thieniett von Farrera an die obgmelte sechs guldin alle jarr 25 krützer vss vnd ab sin eigen gutt in der oberen Farrera sy la Gresta dawos ilg Plaun, stost in wertt an Jan Batista gutt, vss wertt an Batista vnd Christ Gaschun gutt, oben an Mathue Jerj Mathue gutt, vnden an dz tobell. Item der Christ Jan Manj soll an den zinss fünff gutt batzen vss vnd ab sin eigen gutt in Farrera Uranuness genampt, stost vnden an die allmeine, in wertt vnd vss wertt an Jan vnd Crist Grischotten gebrüeder, oben an Jacob Mesler gutt. Item Mathüe Jerj Mathüe soll jerlich fünff batzen vss vnd ab sin eigen gutt si la Gresta, stost vnden vnd oben an Thienett gutt, in wert vnd vswertt an Jan Batista gutt. Item Jan vnd Crist Grischott gebrüeder sollendt jerlich ein vnd fiertzig krützer zinss vss vnd ab jren gutt si las Blattas pro dla Wall mit einen kruttgarten darin, stost oben vnd vss wertt an Jacob Mesler erben gutt, vnden an vnser bruder Schamun Grischott gutt, in wertt an Flurj Flurin gutt. Item Jerj Jan Andrea soll jerlich an dem zinss gl. 1. cr. 30. ab sin eigen gutt vf Starllera ob der gassen, stost vnden an die gassen, oben an die alp Starlera, vss wertt an Andrea Gudentz erben gutt, in wertt an vicari Rodolff von Promontion[o]¹ erben gutt. Item Jan Wilhelm Bisaun soll jerlich an den zinsz gl. 1. cr. 30.

¹ Promontogno, Kreis Bergell.

ab sin eigen gutt in Lagawrida gelegen, stost in wertt vnd vss wertt an dz ander sin gutt, vnden an dem Rin vnd oben an die landtstrass. Item Krist Wilhelm Bissaun soll jerlich an den zinss gl. 1. ab sin gutt in Ganagill, sy Marttinn genantt, vnder dem fuoss weg, alles vor behalten dz gutt Gerfatten, stost vnden an dz gutt Gerfatten, oben an den fuoss weg, in wertt an die allmeine, vss wertt an den Blatiou dell Iertt. Item Petter des Thomasch Rampin son von Bletz soll jerlich cr. 14. ab sin gutt zu Bletz vf die allmeine gelegen, stost oben vnd in wertt an die allmeine, vnden an Jan Schoffusen gutt, vss wertt an sins gutt vnd zu allen ortten wie zill vnd margckstein eigendlich vss wüssendt mit steg weg wun vnd weidt wasser vnd jro leid[in]^{c)} vnd mit allen denen rechten, so darzu gehörtt oder geheren mag, da nit vss genomen. Item wo aber die sechs guldin zinss nit geben vnd gericht wurdendt alle jar vf zill vnd tag wie obstadt, so ist dan morendes der zinss zweyfacht verfallen. Wo aber der zweyfacht zinss nit geben wurde, dz ein zinss den ander bezuge in 3 jare frist, so sindt als dan dise bemelte vnderpfendter zinsfellig ledig vnd loss verfallen der pfarkh[i]llchen meyeren vnd jren nachkhomen, allso dz sy mögendt die vnderpfendter zu jren handten nemen vnd versetzen vnd verkaufen vnd darmit schaffen vnd thun als mit dz ander der pfarkilchen gutt von vns vorgeschribnen zinss meyeren vnd jren erben vnuerhinderet vnd vngeiertt. Sollendt auch beidt partien vnd jr nachkhomen dise vnser ordination endlichen beschluss vnd spruch gegen ein anderenn ewigklichen halten nachgon vnd gleben one witteren wegeren vnd suchen. Vnd dz alles zu warrem vrkhundt so habendt wir beide obgeschribnen parttien mit fliss vnd ernst gebetten vnd erbetten den ersamen vnd wißen Jan de Gaheintz von Haltenstein¹ zu sömlicher zitt landtamen in Schamps, dz er der gmeindt eigen insigell an disenn brief gehenckt hatt, doch im vnd dem landt one schaden. Beschach jm jarr 1587sten jarr.

a) Lesart unsicher. - b) jerlichen mit Verweiszeichen am linken Rand. - c) Lesart unsicher.

Nr. 166

Bergün, 4. Dezember 1592

Landammann Johann Keel von Bergün und die namentlich erwähnten Kirchenpfleger der Pfarrkirche Bergün schliessen mit dem Pfarrer Thoman

¹ Haldenstein, Kreis Fünf Dörfer.

Zeutt im Auftrag der ganzen Kirchgemeinde einen Dienstvertrag auf 10 Jahre.

Or. Pap., GA Bergün Nr. 43. Siegel des Landammans Joan Keel aufgedrückt.

Wir Joan Keel der zytt ordenlicher richtter vnd amman in Burgun¹, Clauß Pal Cla vnd Jan Giatryda von Burgun, Janett Farlenda von Stuls² vnd Clau Caspar von Latsch³, alle ordenliche erwelte vögtt der hobtt oder pfarkylchen in Burgün, beckhennen hiemitt, wie das wir vß befelch vnd geheiß einer gantzen kylch höri in Burgün den frommen herr Thoman Zeutt⁴ in Burgün zum pfarherren vnd dienern des heylligen gotts wortt vff genommen vnd verdingett habend zehen iar lang nach datho diß brieffs. Da sol er als rechtt verordnetter pfarrer der hobttkylchen sambtt denn zweyen capellen Latsch vnd Stul mitt allen trüwen fürstan, mitt das heilig rein gottes wortt ze predigen, die heylligen sacramentt ministrieren, die krancken heim suochen vnd in allem dem, so eim trüwem dieneren der kylchen zůstad, sich trüwlichen gehueben nach sinem besten vermögen vnd nach vß wysen der verschrybnen rechtten. Item zuo dem heylligen nachttmal des herren sollen wir vögtt den wyn dargeben ohne des pfarrers schaden, deß glichen gschir tisch vnd tisch tuochen so darzů gehörig, das brodt aber sol er pfarrer für sich selbst beckhommen. Vnd als vmb sin angewentten flyß vnd dienst sind wir die vögtt schuldig vnd pflichtt, imme pfarrherrn pfruond gelt zuo geben alle jar vnd ein iedes jars insonde[r]s vff Martinj⁵ Paulj⁶ vnd sant Jorgen⁷ zuo bezalen gulden hundertt vnd zehen an gelt, die gulden 110 er jnnemmen vnd enfahen sol vnd mag von den zyns meieren, wie es die zyns brieffen vermogen. Item hierin zuo dem kilchen ambtt ist gesagtter pfarren nach wytter schuldig vnd pflichtt, vnserer jugend aller dryer dorfferen schul zuo halten alle iar vff sant Gallen⁸ angfangen biß vff ingenden aprellen, vnd ist schuldig ein ieder schuoler, alle diewyl er zuo schuol ghatt, alle tag ein schydt mitt im ze tragen vnd dar nebend alle

¹ Bergün/Bravuogn, Kreis Bergün.

² Stugl, Gemeinde Bergün/Bravuogn.

³ Latsch, Gemeinde Bergün/Bravuogn.

⁴ Thomas Zeutt, Pfarrer von Bergün 1581-1613.

⁵ 11. November.

⁶ 25. Januar.

⁷ 25. April.

⁸ 16. Oktober.

monendt im vßgang des monens 2 cruetzer pargelt zuo bezalen vnd darüber nütt wytter schuldig sin als für die schuol buecher papir tinttenn vnd fedren, auch custorlon sol ein ieder für sich selbs richtten vnd rüsten. Vnd so sach were, dz wir gespürendt, das jmme pfarren syn muey vnd arbeytt, so er im leren vnd schuol halten anwendett, nitt damitt gnugsamblichen ergettz, versprechen wir für diß iar hin, imme sin lyttlon müey vnd arbett mitt trüwen zuo erbuetzen, dz er an vns kein klag heyge. Ein tugenliche stuben in Burgun sollend wir im on sin schaden gen. Vnd fürß letschtt ordnen wir vnd wellend auch in vrckhundt diß brieffs, das nun fürohin alle die nachpuren in allen dryen dörfferen, die sich diß vnsers pfarrers ambts vnd diensts nitt vernuegendt noch darby bliben wellend, sonders meß priestren beschicken, die sollend solchen priestren selbst belonen vnd bezalen ohne der kylchen an ierem guott einichen schaden. Der pfarher auch dannenhyn die wal haben, solch nachpuren in ierer noth wytter ze versehen oder nitt sines gfallens sydhår er an sinen dienst verachtt. Zuo vrckhund habend wir diß alles verschriben lassen, vnd mitt hochsten pitt gepetten vnd erpetten den herren landaman Jo[an] Keel, dz er sin eigen bytschier hier hieran getrucktt. Den 4. tag decembris 1592.

Nr. 167 12. Juli 1593

Das Gericht Oberengadin urteilt in einer Klage der Bewohner von Chamues-ch gegen die Nachbarschaft Zuoz auf Anerkennung der Seelsorgepflicht des Pfarrers von Zuoz ihnen gegenüber, dass Zuoz, da es die Option zur kirchlichen Trennung der zwei Nachbarschaften gewählt hat, seinen Pfarrer nicht mehr nach Chamues-ch schicken muss. Die Kläger bekommen als Ablösung ihrer Rechte an der Pfründe in Zuoz 150 Gulden in zwei Raten. Die Gerichtskosten werden zwischen den streitenden Parteien geteilt.

Or. Pg., GA Zuoz Nr. 220. Notariatszeichen und Schrift des Fortunatus a Juvaltis.

In nomine domini amen. Anno ab eius salutifera nativitate millesimo quingentesimo nonagesimo tertio, die iovis duodecima mensis iulii. Coram nobis domino Augustino Trauersio de Zuzio¹ iudice communis Ængadinæ

¹ Zuoz, Kreis Oberengadin.

superioris supra pontem altum cum infrascriptis iusdicentibus in loco iuris Zuzii magistro Bartholomeo Marcho, Joanne Parino de Schkanffio¹, magistro Mathia Tack de Biuer², magistro Joanne Antonio Musano, ser Bartholomeo Bifronte de Samadeno³, magistro Nutt Petri Mann de Pontrasina⁴, ser Joanne Salis de Celarina⁵, magistro Joanne Pol Jachiam de S. Mauritio⁶, magistro Gaudentio Sauett de Siluaplana⁷, magistro Joanne Paulo de Selio⁸ comparuerunt magister Nutt Drusun, magister Thomas Peiz, magister Andreas Bernardus et magister Joannes Gees fratres de Albertinis, magister Petrus Giusta, magister Florius Erhardus, magister Antoninus Vincentius et Jacobus Biaun omnes Camogascienses9 agentes cum mandato et ampla authoritate nomine eorum vicinitatis et actionem instituerunt contra agentes nomine vicinitatis Zuzii ibidem præsentes exponendo, vicinitatem Camogaschi hactenus fuisse in eadem plebe cum vicinitate Zuzii et plebanum Zuziensem teneri iuxta tenorem instrumentorum superinde extantium providere et satisfacere in vicinitate Camogaschi in omnibus, quæ plebani officium et ministerium concernunt. Et hoc stante, quod plebanus Zuziensis fruitur domo horto bonis et fictis parrochialibus Zuzii spectantibus vicinitati Camogaschi pro eorum portione, quamobrem petunt dictos agentes nomine vicinitatis Zuzii condemnari et legitimis iuris remediis compelli ad efficiendum, ut eorum minister prout antiquitus Camogaschum eat ad concionandum et adimplendum, quicquid vigore scripturarum interdictas vicinitates extantium est obligatus et latius etc. Præsentibus domino Petro Planta alias Valtellinæ vicario, magistro Joanne Paulino Jecklino, magistro Simone Sciuchano, magistro Laurentio Wiezl et aliis de Zuzio agentibus nomine vicinitatis Zuzii respondentibus, vicinitatem Zuzii antiquitus fuisse in eadem plebe cum vicinitate Camogaschi. Postea vero ipsis de Camogascho concessum fuisse, ut capellam et capellanum tenere possent sine preiuditio tamen iurium plebis et plebani Zuziensis, prout constat ipsa concessione etc. sub die etc. Cæterum postquam evangelii lux

¹ S-chanf, Kreis Oberengadin.

² Bever, Kreis Oberengadin.

³ Samedan, Kreis Oberengadin.

⁴ Pontresina, Kreis Oberengadin.

⁵ Celerina/Schlarigna, Kreis Oberengadin.

⁶ St. Moritz, Kreis Oberengadin.

⁷ Silvaplana, Kreis Oberengadin.

⁸ Sils i.E./Segl, Kreis Oberengadin.

⁹ Chamues-ch, Gem. La Punt-Chamues-ch, Kreis Oberengadin.

in Ængadina refulsit, concionatorem Zuziensem non ex debito, sed tantum promoventæ evangelicæ religionis studio Camogaschi aliquoties fuisse concionatum nunc vero amplius non teneri, cum ipsi Camogascienses proprium concionatorem habeant. Præterea petunt agentes de Zuzio, vicinitatem Camogaschi condemnari ad solvendum vicinitati Zuzii capitalia quædam dotaliciorum ipsi vicinitati seu eius ecclesiæ sancti Lucii spectantia et alias soluta per particulares personas de Camogascho iuxta tenorem sententiarum et hoc una cum fictis super dictis capitalibus cursis ab eo tempore, quo illi de Camogascho dicta ficta solvere desierunt. Ad hæc comparuerunt infrascripti de Camogascho secundum optionem per iuris sententiam agentibus de Zuzio datam in ius vocati magister Jachiam Valaint pro se et nomine Jacobi Zisun, Jacobus Pirauna, Jacobus March, omnes de Camogascho, qui antiquitus ecclesiæ Zuziensi ficta dotalicia solvebant respondentes, se dicta capitalia dotalitiorum in executione sententiæ superinde latæ solvisse et exbursasse sive agentibus vicinitatis Camogaschi sive vicinitatis Zuzii neque ulterius teneri. Auditis igitur a iure actione responsionibus replicationibus et allegationibus ad longum per ambas partes oretenus factis lectis scripturis productis, auditis testibus in causa, examinatis omnibusque diligenter et mature perpensis, Christi nomine invocato etc. sententiatum fuit prout infra: Primo data fuit optio agentibus vicinitatis Zuzii velintne concedere, ut eorum concionator vicinitati Camogaschi inserviat, per cognitionem iuris an vero malint ab illis de Camogascho separari acceptaque a Zuziensibus optione, quod nolint vicinitati Camogaschi concionatorem concedere. Ulterius sententiatum fuit, quod vicinitas Zuzii nullatenus teneatur concedere concionatorem vicinitati Camogaschi. Item, quod domus hortus et bona videlicet prata agri ficta dotalitia intradæ redditus iura et omnia bona mobilia et immobilia, cuiuscunque generis sint et quocunque nomine censeantur, spectantia ecclesiæ sancti Lucii seu plebi in Zuzio nunc et in futurum pleno iure spectent et pertinere debeant vicinitati Zuzii quodque in iis omnibus vicinitas Camogaschi nullum omnino ius neque partem habeat. Item salvis præmissis sententiatum fuit, quod illa ficta dotalicia, quæ solvebantur ecclesiæ sancti Lucii seu plebi in Zuzio per vicinitatem Camogaschi seu particulares personas eius vicinitatis, pertineant vicinitati Camogaschi absque contradictione vicinitatis Zuziensis. Item sententiatum fuit, quod vicinitas Zuzii teneatur et obligata sit solvere et numerare vicinitati Camogaschi in duobus festis sancti Pauli proxime futuris annorum 1594 et 1595 summa florenorum Renensium centum quinquaginta¹, condemnando partes æqualiter in expensis per medietatem. Actum Zuzio ut supra.

(ST.) Ego Fortunatus filius condam domini Vuolphii a Juualtis de Zuzio publicus imperiali authoritate notarius et communis Ængadinæ superioris pro tempore cancellarius suprascriptum sententiæ premissorumque omnium instrumentum dictante iure scripsi et in fidem manu propria addito tabellionatus mei signo subscripsi.

Nr. 168 3. Januar 1601

Thomas von Schauenstein, Ammann zu Thusis im Boden, Anton von Sonwig, Landammann im Rheinwald, und Anton Liver, alt Ammann am Heinzenberg, bestätigen als Spruchleute die Trennung der Kirche Andeer von der Pfarrei Zillis, weisen der neuen Pfarrei 20 Gulden jährlich aus dem Pfründgut von St. Martin in Zillis zu und entscheiden über das Armengut und die Bezahlung der im vorliegenden Streitfall aufgelaufenen Kosten.

Or. Pg., StAGR A I/11 Nr. 11. Siegel des Thomas von Schauenstein und Anton von Sonwig in Holzkapseln abhangend. Unterzeichnet von beiden Sieglern. Zweites Or. im GA Andeer Nr. 24.

Wihr hienach benampte Thomas von Schowenstein ritter beider rechten doctor alter vicari Veltlins diser zeytt amman zu Tusis² im Boden, Antoni von Sonwig alter vicari Veltlins vnd landamman im Rhynwald, Antony Liwer alter amman am Heintzenberg als rechtliche spruchlüth erwelt entzwüschend nachgsetzten parthyen thuend kundt in krafft diß brieffs allermänniglichen, das nachdem vor vnß erschinnen die frommen vesten vnd wysen Christ Bisaun alß dorffmeister, jungkher Hannß von Capol, Christ Berenburger vnd andere vollmächtige gwaldhaber im nammen vnd an statt einer ersamen nachpurschafft Andär³ in Schamß gelegenn brach-

¹ Die Bezahlung des gesamten Betrags erfolgte am 17. April 1594, wie auf der Rückseite des Pergaments angemerkt wurde.

² Thusis, Gem. und Kreis.

³ Andeer, Kreis Schams.

tend für, wie sie gedachte von Andär die von Cilis¹ Donat² Patzen³ Castelg⁴ Verdün⁵ Pigneü⁶ Clugin⁷ und Ferrära⁸ ietz lange jaren har vnder ein pfarr, dero houptkirchen ist sant Martin zu Cilis, gehört, ouch einen predicanten miteinandren gehept. Diewyl vnd aber die pfarr gar groß, das volkh dorin mächtig zugenommen vnd nit nach notturfft versehen, so habind sie die von Andär sich endschloßen einen eignen predicanten anzunemmen, domit die kilche destobas versorget werde, vnd diewyl sie sich nun von der pfarr sant Martins zu Cilis abgsündret, da ouch vill zinsen guetter huß und hoff, die sie vermeinend gmeyn syn synd, vermeinend sie, dieselbige sollend inen vßgetheilt werden nach billigkeit. Zudeme söllend die nachburschafften Pigneü vnd Ferära, alß die in irem kleinen gricht sind, dahin gehalten werden, das sie mit schnitz vnd stewr in allem der kirchen zu Andär zugehörig vnd gethan sigend, vnd diewyl die sach vnß obgenampten spruchlüten rechtlichen vbergeben, vermeinend sie, es solle inen durchuß ier ansprach vnd klag guett geheyßen werden. Hiergegen gaben andwort die frommen erenvesten vnd wysen amman Balthaßar Schmid alß kilchen vogt der kirchen sant Martins, podestat Hercle Cathrina diser zytt landamman, Christ Matzol, Johann Fraui, Conrad Cabotsch des radts im nammen der nachpurschafften Cilis Donat Patzen Verdüng vnd Castelg, so da sind mithafften vnd consorten sampt andren dörffern nach diser zytt der pfarr sant Martins zugethon, vnd zeigten an, es sige dise handlung vnß spruchlüten in obgedachter gstalt wie vermeld überggäben, doch die von Cilis wellind hiemit ire rächt nit verbösret haben des gmeindens halben, das obschon die von Andär den landamman haben solten, doch nütdestominder er genn Cilis kommen sölle, die gmeind zu verrichten wie von alter här, vnd obglych die obgschrybne gmeinden denen von Andär die endschydigung vnd separation zuggäben, vermeinend sie doch, so vill zinß rent vnd gült huß hoff vnd güeter belange, so sigen dieselbige der kirchen sant Martins zugeevgnet vnd von alter har deroselben gstifftet, ouch von dero pfarrer genutzet. Vnd

¹ Zillis, Kreis Schams.

² Donath, Kreis Schams.

³ Patzen, Gem. Patzen-Fardün, Kreis Schams.

⁴ Casti, Gem. Casti-Wergenstein, Kreis Schams.

⁵ Fardün, Gem. Patzen-Fardün.

⁶ Pignia, Kreis Schams.

⁷ Clugin, Kreis Schams.

⁸ Ausser- und Innerferrera, Kreis Schams.

so die von Andär nachmalen zu inen trätten wöllind wie von alter har, so wellind sie sich nit widrigen, sie ouch somlicher gstalt zu laßen geniessen, derohalben vermeinend sie on alles anders, dise zinß huß vnd güeter sollind der pfarr sant Martin nit gnommen werden, sonder iro wie von alter har verblyben. Es stuonden ouch dar Jann Cathrina vnd andre agenten der nachpurschafft Pigneu, so vermeinten, sie habind da nüt vbergeben vnd mögind ouch nit bezwungen werden von der alten pfarr sich zu scheyden vnd zu denen von Andär zu ston etc. Vnd nach dem wier alle sachen wol erduret, die parthyen gnugsam verhört, brieff vnd sigel vberlesen, da die zinß der kirchen sant Martins sind vffgmachet, ouch die parthyen obgenampt, vorbehalten die von Pigneü, an eyds statt angelopt, deme allen statt zu thuon, was von vnß gesprochen wurde, habend wier durch disen vnsren rechtlichen vnd güetlichen spruch erkhänt wie volget: Erstlichen diewyl die von Andär sich endschydiget vnd schon einen bsonderbaren predicanten angenommen vß gewald eines ehrwürdigen capitels, ja ouch die von Cilis daselbig permittiert vnd zuglaßen habend, laßend wier obgedachte spruchlüt es by gedachter separation vnd endschydigung verblyben, welches doch denen von Cilis iren rechten des gmeindens halben one schaden syn soll. Zum andren hierentgegen assignierend wier denen von Andär vß den zinsen der pfruond zwäntzig guldin Rynisch järliches zinß vnd das für iren volkomnen theill der zinsen vnd ligenden guetren, so dann ouch huß vnd hoff der pfruond vnd kirchen sant Martins zu Cillis zuhörig, ouch mit dem anhang, so die nachpurschafften Pignew Clugin Ferära vnd andre nöchstgelegne nachpurschafften sich in künfftigen wolten scheyden von gedachter pfruond vnd kirchen sant Martins zu Cilis, das die übrige zinsen sampt güettren huß vnd hoff nüttdestminder vnverrugkht by gedachter kirchen sant Martins vnd iro zugethanen verblyben mögind vnd söllind. Zum dritten was dann spendt vnd zinß den armen zugehörig, laßend wier ein iede nachburschafft kirchen oder bsondere person by iren alten gutten rechten vnd harkommen verblyben. Zum vierdten das dan die kostung in diser sach vfferloffen antrifft, alles das die parthyen vndereinandren vfftryben, last man ein iede iero theil zalen. Was aber vber vnß spruchlüten gangen, das soll in dry theil getheilt werden, zwen theil soll zalen die kirchhöre Cilis vnd jro zugethonen, den dritten theil die von Andär. Letstlichen so was spans in erlütrung dises spruchs sich in künfftigen erheben möchte, vorbehaltend wir vnß den selbigen zu erlütren vnd endschydigen. Dises spruchs begerten die zuhörige der kirchen sant Martins zu Cilis so dann ouch die von Andär brieff vnd sigel, welches inen ist in ieglichesen kostung zugegeben vnd zu vrkundt mit vnsren vicarien von Schouwenstein vnd von Sonwig eignen anerbornen hier angehengten jnsiglen in aller vnser dryen spruchlüten nammen verwaret. So geben zu Cillis in Schamß sambstag den dritten jänners nach der heylsamen geburt Christi vnsers herren vnd einigen erlösers jm ersten nach dem sechszehenhunderten jare.

Jac[obus] Ant[onius] Jngad[us] ecclesiæ Speluc[ensis]¹ minister scripsi.

Nr. 169 29. Mai 1601

Ein Schiedsgericht legt im Streit zwischen den Nachbarschaften Thusis, Masein und Rongellen um die Pfründe in Thusis die Rechte und Pflichten der Rongeller dieser Pfründe gegenüber fest.

Or. Pg., GA Thusis Nr. 112. Siegel der Gerichtsgemeinde Schams abhangend.

Wier ammen Jacob Kalger vnnd statthalter Chryst Matzolt mit sampt amen Hertly Jann Cathrina al dry jnn Schampß gesessenn verordnette spruchlütt bekhennendt vnd thundt khundt allermengklichem jn chrafft diss brieffs, demnach die ersame nachburschafftenn Tusis² vnd Massein³ alhie jnn Schamss mit die nachburrschafft ab Rungellen⁴ jm rechten erwachsen sindt betreffendt vnd von wegen zu erhaltung einen diener dess heilligen wortt gottes vnd dess selbigen dienst, es sy kylchen frydthoff huss hoff vnd wz dargehörtt, wellicher spann vnd stost vorhin vber geben jst gsin dem edlen uesten hoch vnd woll geachten herren vicarj Thomen von Schauenstein vnd obgemelter amen Hertlj mit sampt Thomen Jun ab Tschappina⁵, daruff die ab Rungellen vmmb ettlich punckh[t]en nit wellen annemmen, so hatt ein ersam gricht diss obgemelt sprüch lütt gen Tussis geschickt, die sich jn frydtt vnnd einigkheitt ab zu handtlen, derhalben von beiden parttienn vnss söllicher spann vber geben wordenn. Alles dz wier jn disem gegen würdigen span erkhenendt vnd ordenierendt, by dem selbi-

¹ Splügen, Kreis Rheinwald.

² Thusis, Gem. und Kreis.

³ Masein, Kreis Thusis.

⁴ Rongellen, Kreis Schams.

⁵ Tschappina, Kreis Thusis.

genn mit mundt vnd mit handt angelopt beide parttienn, dz selbig nach gan vnd gleben vnd bym wenigisten khein intrag thun. Vnnd nachdem vnss diser span vbergebenn ist, so ordennierendt vnd sprechendt wier als nachuolget: Erstlich so söllendt die nachburen vonn Rugellenn der kilchen pfrundta) zu Tussis schuldig sin, an jr theill pfrundt oder andere gotts dienst, es sy die cöstung dess heilligen nachtmall vnsers herren zu verrichten oder glockhenn seüller mit sampt begrebnuss wachssen, söllendt die Rungeller schuldig sin, alle jarr vnd ein jedtlichs jarr zu geben vnd vom guwig in züchenn nach landts bruch namlich fünff gutter guldin vnd zechen chrützer allwegen vff sant Jergen tag1. Witter söllendt die Rungeller dem herr pfarherr zu Tussis schuldig sin zu geben alle jarr vonn einem jedlichen fürhuss oder huss hab ein fuder holtz, dz werschafft sy, vnd sömlichs vor jngendem mertzen. Wo aber dz holtz nit vor die zitt in gfüertt wurde, so söllendt sy vonn ein jeden fuder zwey batzenn schuldig sin zu zallen vff sant Jergen tag mit der pfrundt, doch die Rungeller die wall haben dz holtz oder dz gelt. Ittem demnach sindt die Rungellen schuldig, dem messner alle jarr vff gemeltem sant Jergen tag ein halbenn guldj zu geben vnd bezallen. Demnach jst es auch abgeredt vnd geordtnett, so es zu schulden kheme, dz man die pfrundt münderen oder merren mieste als jetzt der herr Cunradt Jecklin zu diser zitt hette, so soll es auch ann die Rungeller stan, dz sy söllendt dar zu berüefft werden vnd ir meinung dar zu reden vnd mit den Tussner vnd Maseiner helffen merren, glichfall in andere kilchen sachen auch, vnd so es gemünderett oder gemerrett wurde, so söllendt die Rungeller von die fierzechen theill ein theill an dem schuldig sin, es sy jm vff wachsen oder ab. Witter vonn wegenn, dz man die kylchen vnd pfarhuss erbesseren miestennd oder frydthoff, söllendt die Rungeller, was nun Tussis antryfft, vonn die eilffteill ein theill schuldig sin, vnd was aber mit die Maseiner antryfft, von die vier zechen theill ein theill, es sy jm machen vnd erhalten. Vnd jst hierin auch abgeredt, dz denen ab Rungellen sölle khundt gethan werden, dz sy bj dem gemeinen werch mögendt khomen vnd, was sy selber daran mögendt werchen vnd verrichten, soll man jnen nit witter costung vff triben. Was sy aber nit selbst verrichten mögendt, so söllendt sy zallenn als abstadt. Witter so es dar zu kheme, dz ein vnfall jnfielle, dz gott daruor syn welle, dz die kilchen oder huss hoff zu uerlierenn gienge oder schaden beschech,

¹ 25. April.

so soll es nach grichts erkhanttnuss stan vnd verricht werden allwegen der schulden vnd sachenn nach was die Rungeller daran schuldig sigendt. Demnach vmmb die vbrige ansprach, so die von Tussis an die Rungeller khan handt, vmmb alles, dz sy biss vff hütt datho dess spruchs verbuwtt hettendt, jst jnen gemacht dry zechen guldj, vmmb welliche sy vernyegt vnd bezalt sindt, welliche ordenacion vnd spruch beide parttienn söllendt vnd wellendt für sy vnd jre nach khomen nach gan vnd gegen ein anderen vestigklich halten vnd gleben. Vnnd dz alles zu warrem vrkhundt vnd merrer sicherheitt so hatt der ersam vnd wiss Crist Matzolt zu diser zitt, dz der brieff vffgericht jst, landtamen jnn Schampss disenn brieff mit vnsers landts jnsigell verwarrett vnd bekrefftigett, doch jst diser spruch beschechenn vnd ergangen acht jarr daruon, dz jst nach Cristuss vnsers herren geburtt 1593 jarr, aber der brieff vff gericht vnd versiglett jm jarr 1601 jarr den 29 tag meyenn.

Nr. 170 5. Juli 1601

Die versammelte Gemeinde Bergün beschliesst aufgrund eines Mehrheitsentscheids, dass in der Gemeinde kein Religionszwang ausgeübt werden soll und die Kirchen von den Zeichen des katholischen Glaubens zu säubern sind.

Or. Pg., GA Bergün Nr. 46. Siegel der Gerichtsgemeinde Bergün fehlt.

Wir amman gerichtt vnd gantze gemeindt in Burgün dißhalb Platta Mela diß tags vff offnem platz ze gemeinden vnd zuo merenn by einandren versamblett nach vnserem loblichen alten bruuch beckennend hiemitt offenlichen vnd thuondt kunth aller menicklichem in vrckundt diß vnsers offen brieffs, nach dem vns von dem erwürdigen vnd wolgelertten herren Johans Concio Bysatio¹ pfarren zuo Zutz des oberen Engadyns vnd ordenlicher minister des hochwürdigen capittels gemeiner Drüen Pünthen auß befelch des selbigen ein gantz hertzlichen schryben an kommen vnd überlyuerett worden mitt ernstlichem vnd höchsten anrueffen vnd erman-

a) pfrundt mit Verweiszeichen am linken Rand.

¹ Johann Cönz Bisaz, Pfarrer von Madulain-Zuoz 1556-1615.

nen an vns ein andåchttige kylchhöri in Burgün, das aldiewyl vns der almechttig ewig gott mitt der reynen leer des heylligen ewangeliums nun einist begabett, auch die papisten superstition ein mal glücklich abgeschaffent, das wir ein andåchttige kylchhöri solch köstliche gotts gaben wol bedencken vnd zuo hertzen fassen vnd vnseren pfarrerenn by råthig vnd verholffen sin wellindt, dz vnseri kylchen überal im rechtten gang vnd stad der wharen vnd reiner euangeleer reformirtt werdindt vnd sölchs gotts gab dz euangelium vnd wharen auß gotts wortt gepflantzetten christenlichen glauben tapffer vnd vesticklichen hand haben vnd sonderlichen die lauffenden mesß pfaffen in vnseren ewangelischen kirchen nitt dulden vnd hie by vns inen nitt platz geben, dan es sich gentzlichen nitt gezymmen wyl vermög göttliches wortts, das man ein acker mitt zweyerley früchtten beseye etc. Vnd als wir solchen eines hochwürdigen capittels yffrigen vnd hertzlichen an mannen vß ieren brieff flisig verstanden, der offenlichen vom landschryberen verlesen worden, habend wir ordenlicher wiß daruff gemeindett vnd gemehrett vff dem vmbfraga) des landweybels. Vnd ist diß vnser darüber ordination endtlich wyl vnd meinung oder endschluß: Des ersten dz in vnser kilchhöri nun fürohin in gloubens sachen keiner gezwungen syge noch werde. Des anderen aldiewyl die kylchhöri in Burgün ingemein wenig außgnommen den euangelischen glouben gefassett vnd wyllicklichen angenommen hatt, söllend die kylchen in gantzer kylchhöri vnd besonders die hobttkirchen in Burgün von aller papisthischem superstition vnd cerimonien gesüberett geruumet vnd pelliertt werden vnd nach euangelischer leer reformir[t] sin. Des dritten sol der ietzig pfarrer herr Thomas Zeutt der alt1, allediewyl vnd so lang er das pfarrer ambtt versehen mag vnd vnser kylchhöri versorgen kan vnd mag, patron der kylchen heissen vnd syn, da fürohin kein meßpfaff noch ander ohne sinen des pfarrers gunst wyllens vnd erloubnus in vnsern kylchen gan noch ze meßen weder anders celebrieren tretten. Auch dz dise ordination vesticklichen vnd styff gehalten habend wirs sy ingschryfftten verfassen vnd mitt dem landts Burgün secrett eigen landts sigel verwharen lassen, als der fürsichttig vnd wyß herr amman Clauß Gregori im ambt wardt. Anno 1601 an suntag den 5. july.

a) frag über der Zeile.

¹ Thomas Zeutt, Pfarrer von Bergün 1581-1613.

Nr. 171 28. Juni 1612

Die Nachbarschaft Fläsch stellt Daniel Anhorn als Pfarrer für ein Jahr an und legt seinen Lohn sowie seine Rechte und Pflichten fest.

Or. Pap., GA Fläsch Nr. 100.

Wir die dorffgeschwornen vnd gantze gmeind Fläsch¹ bekennend vnß mit disem brief, dz wir vff heüt den tag seines datums angenommen haben den ehrwürdigen vnd wolgelerten herrn Daniel Anhorn zu vnserm predicanten vnd diener des göttlichen worts ain gantzes jar lang, vnd soll er vff vnser kirchen vnd gmaind sehen vnd wachen mit lehren wehren straffen vermannen vnd trösten nach laut der hailigen schrifft neuws vnd alts testaments vnd nach der gnad, so jm gott verlichen hatt. Hierauf so versprächen wir jme für seinnen lydlohn vnd sold diß jarß zu geben alle die zinß, es seye an gelt korn oder weyn, so jm pfrundrodel verschriben vnd vergriffen sind, vnd was jetzund vnd biß vff Martiny künfftig für gefallner zinß jm pfrundrodel vergriffen vnd nit jn zogen oder verbriefet sind, die soll ain gmaind alßdann an ain zinß stellen vnd jne darumb versichern vnd den zinß daruon volgen lassen. Vnd wo es sich begebe, daß durch gottes gwalt der wyn falte vnd jm nit souil wurde, als der pfrundrodel jn hatt, so sollen wir jme für ain jede maß dz gelt vff Martiny desselben jars geben, nach dem er gestürtt würt. Es soll auch ain gmaind dz halb fuder wyn zu Malans² har gen Fläsch führen in irem aignen kosten, doch soll er herr Daniel der meny vnd dem knächt zu ässen geben. Wir sollend auch die gelt- korn- vnd wyn zinß summieren vnd den halben thail der selben summa ime auff nechstkünfftigen sant Martis tag, den anderen halben thail aber vff den andern sant Martis tag erlegen, vorbehalten wann er auf dz capitel raisen wölt vnd zerung manglete, so soll jm ain gmaind fünff guldin zerung dargeben, so sy es an barem gelt hetty. Wo sy aber solches nit hett, soll sy darum nit genöttiget werden, daß soll sich vff Martiny deß 1613 jars an der andern summa abziehen. Item was er dz gantz jar fronuasten gelt innempt, daß soll im vff den andern sant Martis tag verrächnet vnd abzogen werden. Item er soll auch selbs ainnen tugenlichen mann zu ainnem pfrund vogt erwellen vnd jm den pfrundrodel zuhanden stellen, der

¹ Fläsch, Kreis Maienfeld.

² Malans, Kreis Maienfeld.

soll mit fleiß die gülten vnd zinß jnziehen vnd jme predicanten zustellen vnd den vogt selbs belohnen. Wann man aber die zinß nit güttigklich gebe, soll er den rodel den geschwornen zustellen, die sollents treiben in der gmaind kosten. Vnd wo an ainem oder dem andern zinß oder pfrundgült etwaß abgieng, soll im ain gmaind dasselbig wären vnd erfüllen. Wir geben im auch hauß vnd hoff stallung vnd krautgartten. Item ain stuck gutt im Bouel vnd ain ägertten im Prataschan, auch ain hoüwthail vnd hampfland sampt ainnem neuwen weingartten. Vnd jn gmainnem banholtz sollen wir im dz gantz jar ain gutte notturfft holtz geben, darunder auch etwaß vnfruchtbaren aichen zu zünen, wo von nötten were. Item dieweil gemelter herr Daniel nit allain vnser kirchen diener, sonder auch nachpur ist, so versprächen wir ime alle nachbürliche recht geniessen zlassen, es seye mit ainnem hoüwthail hampflendern krautgartten vnd anderm, so ain nachbur von ainer gmaind zu geniessen hatt. Vnd vmb besserer kombligkait willen so versprächend wir jme zu vorderst an dem pfrund hoüwthail vnd hampflendern ain stuck allmein zu geben, so weit dz der zun gegen den hampflenderen in die gredy kam, dz soll er für ain hampfland haben. Vnd wen in künfftigem hoüwthail oder krautgärten fielend, soll im nach dem dorffrecht auch zugethailt werden. Er soll auch darbey aller gmaind tagwen vnd beschwerden frey sein. Item diewyl dz pfrundhauß gar vbel abgangen vnd buwloß worden, soll ain gmaind zu erster glägenhait dasselbig verbesseren vnd fürohin in ehren halten in irem köstig, damit ain pfarrherr komlich darin wohnen möge. Witter soll gesagter herr Daniel schuldig sein, den wintter schul zu halten vnd vnser jugend fleissig lehren läsen schreiben vnd jm kinderbricht vben. Dargegen soll im ain lehr kind alle tag ain gutt schytt holtz vnd alle wuchen ain batzen für sein belonung geben. Er hatt im auch vorbehalten die capitelsordnung, die er geschworen hatt, zu halten. Vnd soll dz jar angan vff sant Martins tag des 1612 jars, alßdann soll er anfachen sein wonung zu Flæsch haben mit dem geding, dz wo ain oder die ander parthey etwaß weiters abzureden hette, sol es ain halb jar vor sant Martis tag beschechen, vnd wo jetwedere parthey weiters nütt mit ainandern abredt, soll der kirchendienst dz künfftig jar darnach weiter versehen werden jn allen puncten vnd gedingen wie obstadt vnd also fortan. Vnd des zu mehrer gezeügnuß so sind diser briefen zwen in gleicher laut von wortt zu wortt mit ainer hand geschriben vnd auß ainandern geschnitten, vnd jeder thail ainnen behalten, damit so der ain verlohren oder vnnütz wurde, dem glaubt werde, so vorhanden ist. Welches beschechen den 28. tag brachmonadt deß 1612 jars.

Nota: Dieweil wir geschwornen vnd gantze gmeind jme herrn Daniel ain summa gelts für gestreckt, do er gestudiert, welche in seinnes vatters rechenbuch verschriben stadt vnd bißhar ohne zinß still gstanden, hatt er vnß gebätten, wir wöllend jme diß jar ain guldy 8 oder 10 oder waß vnß billich dunckt nachlassen, so haben wir neüw vnd alt geschwornen jme versprochen ain nachlaß zu thun, was vnß billich sein bedunckt.

Anthony Caspar stattschreiber zu Mayenfeld

Anno 1613 jars vff den 28 tag brachmonat ist ein gmeind Flesch mit herrn Daniel über ein khomen vmb den kilchen dienst vff ein jar anfachende vff Martiny des 1613 jars jn allen punckten vnd artickhlen wie vorstadt, vß genommen so sol ein gmeind ein kilchen vogt ehrwellen jn jerem costen, der die pfrund zinß jn züchj vnd jme herren Daniel zu handen stellj^{a).}

a) Von Anno bis stellj von anderer Hand.

Nr. 172

S-chanf, 4. Juli 1615

Schiedsurteil über einen Streit zwischen den Bewohnern von Cinuos-chel und den Nachbarn von S-chanf betreffend den Bau einer Kapelle in Cinuos-chel.

Or. Pg., GA S-chanf Nr. 253.

In nomine domini amen. Anno ab eiusdem salutifera nativitate millessimo sexcentesimo decimoquinto, indictione decima tertia, die vero quarto mensis iulii. Cum sit, quod habitatores et accolæ villæ de Zinuoskelly¹ incepissent de novo in eorum villa fabricare et extruere templum et cum vicini de Schanffio² dubitarent, ne id opus fieret in præiuditium ipsorum iurium causa parochiæ servandæ, item causa salarii concionatoris et manutentionis templi et campanarum, illud opus misso publico nuntio impedire voluissent et cum res eousque devenisset, ut iuridice esset agendum ambæ

¹ Cinuos-chel, Gem. S-chanf.

² S-chanf, Kreis Oberengadin.

partes interventu bonorum amicorum pro conservanda bona vicinitate et pro evitandis sumptibus eorum differentiam remiserunt arbitrio et iuditio domini Petri Parini, domini Nutti Parini, magistri Andreæ Parini, magistri Anthonii Flourii Trauersii de Schanffio nec non Joannis Pitzan Bartt, Jacobi Ciappun et Andreæ J. Bartt de Zinuoskelio, qui domini arbitratores ab ambabus partibus electi et nominati pro tractando et prospiciendo de aliqua utili conventione proque conservandis iuribus ambarum partium inter se sic convenerunt et arbitrati sunt: Christi tamen prius nomine invocato, primo, quod ambæ partes teneantur vivere et ius vicinitatis servare prout ab antiquo secundum iura ambarum partium. Secundo, quod habitatores villæ Zinuoskelii possint illorum templum ædificare et opus ad finem perducere sine impedimento et contradictione vicinitatis de Schanffio. Qui tamen homines de Zinuoskelio confitentur et contenti sunt et fuerunt id opus nullo modo fieri in præiuditium nec damnum parochiæ nec vicinitatis Schanfii et quod etiam imposterum velint ipsis de Schanffio assistere in contribuendo salario concionatoris in manutenendis et reficiendis^{a)} templo et campanis, prout ab antiquo ab ipsis factum fuit et instrumenta superinde confecta declarant, cum tamen pacto et conditione, quod concionator Schanffiensis teneatur etiam imposterum inservire concionando xenodochio capellæ, prout antiquitus factum fuit. Salvis præmissis renunciaverunt et renuntiant vicini de Schanffio ipsos nullam partem nec ius habere in templo Zinuoskelii ædificato, sed quod sit illorum de Zinuoskelio libere absque illorum contradictione. Quique domini arbitratores ita convenerunt et arbitrati sunt quodque arbitramentum quamque conventionem ambæ partes acceptaverunt et laudaverunt. Actum Schanffy in ædibus domini Nutti Parini, præsentibus ibidem testibus illustrissimis et nobilibus domino Wolphio à Juvaltis et domino capitaneo Augustino Traversio meque notario infrascripto notis etc.

Et ego Jacobus Schucanus filius domini Johannis de Zuzio communis Engadinæ Superioris deputatus cancellarius præsentem conventionem a partibus rogatus scripsi meque pro maiore fide subscripsi.

a) et reficiendis über der Zeile.

Nr. 173 12. Februar 1618

Mathias Gallus, Ammann zu Waltensburg, und das Gericht zu Waltensburg legen im Streit zwischen den Nachbarschaften Pigniu und Rueun die Pflichten und Rechte des Pfarrers von Rueun gegenüber den Bewohnern von Pigniu fest.

Or. Pg., GA Pigniu/Panix Nr. 3. Siegel der Gerichtsgemeinde Waltensburg fehlt.

Jch Mathias Gallus der zeit amman zuo Waltenspurg¹ bekhenn offentlich vnnd thun khundt allermengklichen hiemit in crafft disen brieffe, daß ich vff hüt dato vß geheiß vnd beuelch miner gnedigen heren vnnd auch der gantzen gemeindt vnnd sonderlich von deß rechten wegen offentlich zuo gericht gesessen bin an gewonlicher gerichts statt. Daselbstenn sint für mich vnnd ganntzen verbanethen gericht khommen vnnd erschinen die frommen erbaren Jacob Camma der zeit cowyg zu Benixs² sampt Domenig da Wallauta, Jacob Christ Schlosser, Lutzy Spöschia, Blesi Jacob Blesi vnnd Wantzut da Wallauta vnnd andere nachpuren von Benixs mer vnnd clagten hin zu einer ersam kilchöri oder nachpurschafft Ruwüs³ durch jrem mit recht erlobten fürsprecher heren lanndtrichter Christen von Sax⁴, nach deme mengklichen wol bewust sige, wie daß sy von Benixs von altem haro zu der kilchöri Ruwüß gehört habennt vnnd aller jrer gerechtigkeit oder nutzungen deß pfrundts oder spent theilhafftig gsin sygent, vnnd sige ir alt pfrundt bei guldi hundert gsin, vnnd vmb sölichen pfrundt sigent alle priester schuldig gsin zwölff mallen im jar hinein ze khommen vnnd irer kilchen gedienet nach altem brauch. Weillen aber sy von Ruwüß ein zeit haro die pfrundt mechtig vffgethribenn vnnd von jar zu jar gebesseret habent, so heigent sy von Benixs ietzunder müesen no[c]h einest souil geben alß von altem har vnnd dar durch ein grosen schnitz alle jar thun miessenn. Derohalben vermeinent sy zu gott vnd zu dem rechten, daß ein jeder priester hinfür sollj schuldig sein, auch noch einest souil mallen hinein ze gon vnd jrer kilchenn zu dienen dan die 12 gewönliche mal vnnd nit allein dz ampt der meß zu volbringen, sonder auch schuldig sein, alle

¹ Waltensburg/Vuorz, Kreis Ruis.

² Pigniu/Panix, Kreis Ruis.

³ Rueun, Kreis Ruis.

⁴ Christian Sax d.J., Landrichter des Grauen Bundes 1605/06, 1608/09, 1611/12, 1614/15, 1617/18.

mal dz wort gotteß zu predigenn vnd auch alle mallen im vordrigen sontag in der kilchen verkhündenn, an wellichem tag er hinnein khommen wellj, domit sy alß dan dester fleisiger sigent zum dienst gottes zu khommen. Zum anderen vermeinent sy, der priester sollj auch schuldig sein, der rodt nach vff die sontägen oder fürtagen auch hinein ze gan irer kilchen ze dienen. Zum driten so vermeine[n]t sy, der priester sollj auch schuldig sein, winter zeit hinein ze gon gen thauffen, oder wan ein khindt zu andern zeiten schwach weri, sollj er auch pflichtig sein, hinein ze gon ge thauffen. Zum vierten so heigent sy etliche jar her miesen ein fiertel schmalß beseren vnd sy von Ruwüß habent nur 2 ster geben, so wellent sy danethin auch nit mer alß ir gebürenden theil geben, namlich von siben theil einen, mit vil mer worten nit alle not zu verschriben. Demnoch stunden auch im rechten herfür Gabriel Jan Gabriel alß cowig zu Ruwüß sampt amman Christen Casper, statthalter Clauß Wegker vnd J. Pallus de Florin alß rathsheren vnd andere nachpuren mer vnd gabent antworth durch jrem erlopten fürsprecher heren amman Plasch Dusch, eß befrömbde inen ser ab soll[ch]en iren gefüerten clag, es sige wol war, daß sy von altem har in jrer kylchöri gehört heigent vnd auch ir theil an iren pfrundt gehabt, dieweil aber die alt pfrundt nur 100 guldi gsin sige, so habe man kein priester vmb dise pfrundt mögen bekommen, sonder wie an andern orthen auch gethan habent die pfrundt besern miesen, vnd dieweil sy auch nachpuren zu Ruwüß sigent vnd mit jnen mehren vnd stimen mögent, so syge solhes nit ohne jr rath vnd tadt geschechen, vnd sige billich, dz sy jr geburenden theil auch gebent, vnd obschon sy von Ruwüß auch die pfrundt habent besern miesen, so diene jr priester nit mer mallen alß von alten har geschechen sige. Derowegen so sollent sych die von Benixs auch der 12 alte gewonliche mallen vermegen, dan solches sige vor zeiten durch liebe zu gelassen worden vnd nit vmb gerechtigkeit willen, dan die recht pfarkürch sige zu Ruwüß vnd nit zu Benixs, vnd die kilch zu Benixs sige nur ein capellen nach lauth eineß brieffs. Zum andern so sygent sy von Benixs alle jar 3 guldj an der alten pfrundt schuldig gsin vnd heigent lange jaren her nur 2 guldi geben. Bethreffende den fiertel schmalß, so threffe es denen von Benixs wol einen ze geben, dan sy heigent auch 4 ster gebeseret vnd geben miesen. Was anbelangt, dz ein jeder priester soll schuldig sein hinein ze gan gan thauffen, so vermeinent sy, wie obgemelt worden ist, dieweil die recht p[f]arkhirchen zu Ruwüß sige, so sollent sy auch billich jre kinder herauß tragen vnd zu Ruwüß thauffen lasen na[c]h alter gewonheit vnd brauch, vnd endet hiemit jr antwort, wie wol eß mit vil mer worten gethan ist nit not ze melden. Nach clag vnd antwort redt vnd wideredt auch sag der khundtschafften vnd verhörung aller geschrifften so fragt ich obgemelter richter ein jeden rechtsprecher ein vrthel vmb bei dem eidt, da gab recht vnnd vrthel wie volget: Erstlichen soll hinfür zu ewigen zeiten ein nachpurschafft Ruwüß wie auch glichualß ir priester schuldig sein jarlichen 15 mal jm jar vber die 3 gewonliche mall, so era) pflegt hinein ze gan vnd jrer kilchen zu^{b)} dienen vnd nit allein dz ampt der meß zu volbringen, sunder auch alle mal schuldig sein zu predigen vnd dise 15 mal ist er nit schuldig vff khein sontag oder fest hinein ze gan. Die 3 mal aber sol er den einen vff Wallentinen tag¹, den andern vff der kürchen einwichung tag vnd den driten vor ostern, so er dz heillig sacrament gibt, vnd sol auch alle mal in der kilchen verkhünden, wan er in der wochen hinein welli kommen. Zum andern sollent die von Benixs hinfür schuldig sein, dem priester alle mal ein morgen mal ze geben ohne wein oder 5 krinen darfür, vnd weiter sollent sy auch die 2 guldj zu geben schuldig sein. Waß anbelangt die beserung der pfrundt oder den fiertel schmalß sollent die von Benixs geben von siben theil einen na[c]h anzall. Weiter sol der priester auch schuldig sein, wan ein khindt schwach weri oder winter zeit, wan er gebetten würt, hinein ze gan vnd thauffen vnd sy alß dan darumb ein wilen mit ime machen. Dises vrthels begerten peiden partheien brieff vnd sygell, welhes inen^{c)} zu geben mit vrthel erkhent wart. Vnd zu vrkhundt so sint zwei glichluttende brieff geschriben vnd mit vnseren der gmeindt ehren insygel verwaret vnd hier unden hengken lasen, doch dem richter vnd gericht one schaden. Beschechen vff den 12 tag februarj deß jars alß man zalt von der geburt Jesu Christj thusent sechßhundert vnd jm acht zechenden.

a) so er über der Zeile. - b) zu über der Zeile. - c) im Or. jme mit Abkürzungsstrich.

¹ 7. Januar.

